

সৌর্যগিক নটিথ

শ্রীরামর মন্ত্র ভট্টাচার্য্য  
প্রণীত ।

প্রথম সংস্করণ ।

৮নং মহেন্দ্র বসু লেন, শ্যামবাজার, কলিকাতা

“সত্যপ্রিয় সম্মিলন” হইতে

গ্রন্থকার কর্তৃক প্রকাশিত ।

মুদ্রনাম্ব ১৩৭৮, ফাস্তুন ।

সর্বস্ব সংরক্ষিত ]

[ মূল্য ১২ এক টাকা ]

# ত্রৈলোক্য প্রণীত

আর একখানি সামাজিক নাটক

## আশীর্বাদ

মূল্য ১।০ পঁচসিকা ।

### শ্রীরামসহায় বেদান্তশাস্ত্র-বিরচিত

অবকাশ	...	( সন্দর্ভ )	...	১৫
আলোক	...	( কাব্য )	...	১০
বঙ্গভাষার অপূর্ব সম্পদ				
ব্যক্তিচন্দ্র	...	( বিশ্লেষণ )	...	৫০
প্রাচীন চিত্র	...	( বিশ্লেষণ )	...	৫০
রামচরিত	...	( নাটক )	...	১
অগ্নিশুদ্ধি	...	( নাটক )	...	১

প্রাপ্তিস্থান :—

৮নং মহেন্দ্র বসু লেন, শ্যামবাজার, কলিকাতা

# উপহার

বাগ্মীবর হে “ব্রজবল্লভ” !      ছরারোগ্য যাহা কিছু রোগ

তুমি তার একমাত্র স্মনবিচারক ।

তাই আজি স্মৃতির রক্ষায়      তব পুণ্য স্নেহের ছায়ায়

দিলাম এ কীটদষ্ট জীর্ণ এ নাটক ॥

“বারুণী”

চৈত্র, ১৩৩৬ সাল ।

গুণমুক্ত গ্রন্থকার ।

## নিবেদন

সন ১৩২৭ সালের ফাল্গুনমাসের প্রথমে শুভ (?) ত্রীপঞ্চমীতে "আশীর্বাদ" নামে একখানি ছাইভস্মে পূর্ণ সামাজিক নাটক (নাটক—না মিস্ট্রি) কতকগুলি অক্ষরের সমষ্টি লইয়া "ভিষ্কার বুলি" হস্তে সাধারণের দ্বারে আসিয়া দাঁড়াইয়াছিলাম, চুঁচুড়ার সুপ্রসিদ্ধ কবি-রাজ-সিদ্ধ—কবিরাজ ব্রজবল্লভ ভূমিকা লিখিয়া ললাটে জয়পতাকা বাধিয়া দিতেও কার্পণ্য করেন নাই, কিন্তু এমনই দুর্ভাগ্য—ভাগ্য কপাল যে, বাণীপূজার মন্দিরের দ্বার আমার জন্ত একেবারেই বন্ধ, তাহা তখন বুঝি নাই। মনে অপরিমিত আশা ও সাহস লইয়া অপরিণত বয়সেই ছুটিয়া গিয়াছিলাম, আমার "সুদকুঁড়া" লইয়া মায়ের মন্দিরে অঞ্জলি দিতে; কিন্তু জানিনা—সন্নিবন্ধা যা আমার সে দান গ্রহণ করিয়াছেন কি না, তবে দেশ যে গ্রহণ করে নাই—তাহা বেশ জানি। তারপর সঙ্গে সঙ্গে আর একখানি "বসন্তসেনা" \* নামে নাটক লিখিয়াই ছাপাইবার আশা পরিত্যাগ করিয়া "দিশেহারা"র মত একেবারে দুইধাপ নীচে বৈশ্ববৃত্তিতে ছুটিয়া গিয়া অন্নোপার্জনের একটা পথ আবিষ্কার করিয়া নিলাম।

কোন্ কোন্ পুষ্প কোন্ দেবতাকে দিতে নাই, তাহাই যখন জানি না; তখন গো-দাগা বিড়ায় যে বাণীর পূজা হইবে না, তাহা বেশ বুঝিয়াই সে পথ ত্যাগ করিয়াছিলাম।

---

\* ইহার প্রথম ও দ্বিতীয় দৃশ্য "শিশির" সাপ্তাহিকপত্রে প্রকাশিত হইয়াছিল।

সেই ভ্রষ্টপথে থাকিতে থাকিতেই চিন্তার স্বপ্নে—নবযুগের নূতন আলোকে এই “দেবলীলা” নাটকের উৎপত্তি, তাহাই আবার সঙ্কচিতপদে—সভয়ে সাধারণের দ্বারে আনিয়া ধরিলাম। “বসন্তসেনা” \* বেশা-কণ্ঠা বলিয়া তাহার হাত ধরিয়া প্রবেশ করিতে অধিকতর ভীত হইয়া ইহাকেই অগ্রণী করিলাম। জানি না, ইহারই বা পরিণাম কি? তবে এইটুকু জানি—

“বঙ্কিমে”র জন্মভূমি

উপগ্রাসরস্বধনি

“আনন্দমঠে”র রাজ্য ধন এই গ্রাম।

দক্ষিণে “রাখালদাস” (১) উত্তরে “হরপ্রসাদ (২)

পশ্চিমে বহিছে “গঙ্গা” গাহি জয়গান ॥ ইতি

কাঁটালগাড়া

চৈত্র, ১৩৩৬ সাল।

রামরমেন্দ্র

\* “বসন্তসেনা” মধ্যমা হইলেও পরিত্যক্তা হইল বলিয়া পাঠক এবং অসুগ্রাহকবর্গ আমারও এ ঔকস্মিক(জ্য) মার্জনা করিবেন।

(১) ভারতের অধিতীয় নৈয়ায়িক রাখালদাস ঞ্চারস্বং।

(২) মহামহোপাধ্যায় হরপ্রসাদ শাস্ত্রী এম, এ, পি, এইচ, ডি, সি, আই, ই।

# कुशीलवगण ।

पुरुष ।

ब्रह्मा, विष्णु, महादेव, इंद्र, बृहस्पति, अग्नि, नाबद,  
सूर्या, चन्द्र, हिमालय, कार्तिक, मदन, वसुध

ও অন্যান্য দেবতাগণ ।

तारक .. ... दैत्यराज ।

ग्रसन ... ... ई सेनापति ।

जुष्ट, कुजुष्ट, बाण, महिम प्रभृति

असुवगण ।

स्त्री ।

स्वर्गलक्ष्मी, नियति ( वनदेवी ), गङ्गा, वसुमती,

पार्वती, मेनका, शची, वति, अरुद्धती,

देवसेना, सधीगण, अप्सवागण,

नक्षत्रवृगण प्रभृति ।

# দেবলীলা ।

## প্রথম অঙ্ক ।

### প্রথম দৃশ্য ।

অরণ্য ।

প্রজ্জ্বলিত অগ্নি-সম্মুখে তারক তপস্যায় রত, অঙ্গরাগণ  
হাব-ভাব-লাস্য সহকায়ে তদীয় তপস্যা-  
ভঙ্গের চেষ্টায় নিযুক্ত ।

( গীত )

‘অঙ্গরাগণ ।

আজি, এসেছি হে প্রিষ ! ছয়াবে তোমার  
এ নব যৌবন দিতে উপহাস ।  
উঠে এস বঁধু ফিরে চাও শুধু,  
তেলে দাও মধু প্রাণে অবলাব ॥

স্বপনে তোমারে রাখিব ঢাকিয়া  
ধরিব হৃদয়ে অধরে চুমিয়া  
সে মধু পবশে কুহক আবেশে  
মিশে রব’ ছুঁ ছুঁ হৃদয়ে দৌহার ॥

তাবক । কেন বালা ! কর জালাত্তন ?  
তপস্যাকাবণ—জীবনের  
সব সুখ সব আশা দিছি বিসর্জন ;  
অবশিষ্ট আছে এ শরীর, তাও আজি  
ইষ্ট-দবশন বিনা—  
দিব অবহেলে অনলে আহুতি ।

( পুনরায় গীত )

অঙ্গরাগণ ।

কেন প্রিয়তম ! এ কঠোর পণ,  
 কেন ত্যজ বল এ নব জীবন,  
 চল যাই সেথা নাহি আছে যেথা  
 বিচ্ছেদ দুঃখ—বিরহ দহন ।  
 আজি, স্মৃতির নেশায় করিয়ে বিভোর,  
 রাখিব হৃদয়ে ওহে মনচোর,  
 রব' বুকে বুকে সদা মনস্থখে  
 সার্থক হবে এ মধু-মিলন !

তারক । বৃথা চেষ্টা ভূলাতে আমারে ;  
 বৃথা হাব ভাব, বৃথা কটাক্ষ নিক্ষেপ,  
 বৃথা তব যৌবনের চটুল চাতুরী !  
 দানবারি ইন্দ্র যদি পাঠাইয়া থাকে,  
 বৃথা আশা—ফিরে যাও আপন আবাসে ;  
 নহে—এই দণ্ডে দিব যোগ্য প্রতিফল ।  
 জান নাকি—দানবের জিঘাংসা ভীষণ ?  
 জান নাকি দেবগণ—দৈত্যের কারণ  
 চিরকাল বিষাদে মগন ? যুগে যুগে  
 তার পেয়েছ প্রমাণ ;—এবে চাহ যদি  
 নারীত্বের রাখিতে সম্মান, অপমানে  
 ঘৃণা যদি হয়, করি অহুনয়—  
 সম্মানে ফিরে যাও নিরাপদ স্থানে ।  
 কি, শুনিলি না নিদেশ আমার ?  
 অহুনয়ে না হ'ল করুণা ?  
 অস্ত তবে কৰ্মভোগ,  
 বুদ্ধিদোষে নাগপাশে বদ্ধ হও তবে ?

( যোগবলে অঙ্গরাদিগের হস্ত আপনিই বন্ধনযুক্ত হইল )



ভারক । ( ধ্যানাসক্ত চিত্তে ) এ সংসারে সকলি অসার ;  
 তাই ছারবোধে—  
 সমস্ত ঐহিক সুখে বিতৃষ্ণ আমার ।  
 একমাত্র অঙ্গীকার,—  
 অধিকার লভি যদি যথেষ্ট-বিহারে,  
 তবেই রাখিব প্রাণ ;  
 নহে—মুক্তির সোপান লক্ষ্য মাত্র ধ্যান,  
 যতক্ষণ জীবাণুর না হবে নির্ঝাণ ।  
 ( পুনরায় ধ্যানে নিমগন )

( গোপনে ছদ্মবেশে ইন্দ্রের প্রবেশ )

ইন্দ্র । দেবরাজ ইন্দ্র আমি ত্যজি স্বর্গভূমি  
 ভীত হয়ে দানবের তপস্যাচরণে,  
 এসেছি গোপনে এই পৃথিবী মাঝারে  
 যদি তারে কোনক্রমে ভুলাইতে পারি ;  
 কিন্তু হেরি এবম্বিধ ইন্দ্রিয় সংযম,  
 একনিষ্ঠ তপস্যাচরণ, বুঝিয়াছি—  
 স্বর্গ সিংহাসন হ'তে—অচিরায় হব  
 নির্ঝাসিত, বুঝিয়াছি—উচ্চপদে কভু  
 একছত্র অধিকার থাকে না কাহারো ।

অপ্সরাগণ । প্রভু ! ( সকাতির দৃষ্টি নিক্ষেপ করিল )

ইন্দ্র । তোমরা অবলা হ'য়ে আর কি করিবে ?  
 যথেষ্ট করেছ, সন্তুষ্ট হয়েছি আমি ।  
 আনন্দদায়িনীগণ ! ফিরে যাও আনন্দ-আবাসে ।

[ ইন্দ্র কর্তৃক অপ্সরাদিগের বন্ধন মোচন ও প্রস্থান ]

( পাদচারণ করিতে করিতে ) চিরন্তন প্রথা—

দেবতা সন্তুষ্ট হয় তপস্যাচরণে ;  
 আমি কিন্তু হেরি বিপরীত,  
 চিত্তমাঝে সন্তোষের চিহ্ন নাহি পাই ।

কেন বিধি ! কেন হেন বিরুদ্ধ প্রকৃতি !  
তবে কি যা কিছু ছিল দেবত্ব আমার,  
সকলি কি বিলুপ্ত আধারে ? তাই হবে,  
নহে—হিংসা ঘেব কেন দেবতা অন্তরে ?  
বৎস !

তারক । ( চক্ষুরান্বলন করিয়া ) কে আপনি মহাভাগ ?

ইন্দ্র । পরিচয়ে কিবা প্রয়োজন ?  
আমি এক দেবতা-প্রনিধি,  
আসিয়াছি জিজ্ঞাসিতে প্রকৃত কারণ,  
কেন এ ভীষণতর তপস্যায় ব্রতী ?  
অতি সুকুমার শরীর যাহার  
এ হেন কঠোর তপঃ সাজে কি হে তার ?  
চাহ যদি দেবভোগ্য স্বর্গ সিংহাসন,  
চাহ যদি যুবতীর কণ্ঠ আলিঙ্গন,  
বল বৎস । এনে দি তাহারে, তপস্যার  
বলে—কিছু নাহি দুঃপ্রাপ্য তোমার ।

তারক । এত অল্পগ্রহ দেখাতে কিঙ্করে  
কেবা হেথা করেছিল আহ্বান তোমারে ;  
কেবা বল সেধেছিল—  
হিত-উপদেশ তোমা করিতে প্রদান ?  
জানি না কে তুমি, কিবা স্বরূপ তোমার ;  
কিন্তু উপদেশ গাথা শুনি মনে হয়,  
হৃদয় তোমার তীব্র হিংসার আতুর ;  
বুঝি বা দেবেন্দ্র তুমি,—  
সিংহাসন-ভঙ্গ-ভীক নিল্লজ্জ কুকুর !  
যাও ভণ্ড ! করহ প্রস্থান, নহে—  
অপমানে অচিরায় হবে জর্জরিত ।

ইন্দ্র । ( স্বগতঃ ) যোগ্য নাম,  
দৈত্যমুখে দেবতার যোগ্য অভিধান,—  
উচিত এ স্থান হতে প্রস্থান এখন ।

[ নতমুখে প্রস্থান ]

ভারক । ধর্মকার্যে—দেবকার্যে  
দেবতা আসিগা যদি প্রতিপক্ষ হয়,  
প্রতি পদক্ষেপে উঠিতে বসিতে  
যদি তারা নীচতার দেয় পরিচয়,  
প্রতারণা—প্রবঞ্চনা—  
যত্বপি আশ্রয় করে,  
তথাপি বলিতে হবে দেবতা তাদের ?  
তথাপি বলিতে হবে—  
তারা বিশ্বপিতা, বিশ্বের বরণ্য ?  
তথাপি বলিতে হবে—  
“তুমি যন্ত্রী—আমি যন্ত্র, তুমি সিদ্ধি—  
আমি মন্ত্র, তুমি প্রভু—আমি দাস তব” ?  
না—না, তা হবে না, হতেও দিব না ; শুধু  
দেখিব কি আছে লেখা অদৃষ্টে আমার ?  
( মুহূর্তমধ্যে স্বকীয় বামবাহু ছেদন করিয়া )  
এই লও অগ্নিদেব ! দীন উপহার ;  
তুচ্ছ ব'লে উপেক্ষা ক'রো না, তুলে লও ।  
( বনদেবীর আবির্ভাব )

বনদেবী । কর কি, কর কি পুত্র ! রাখ কথা,  
রাখ অহুরোধ ; যাহা চাহ দিব বর— ..  
কাস্ত হও ব্রতে, অঙ্গচ্ছেদ ক'রো না আপন ।

ভারক । পাষাণি ! আবার !  
আবার এসেছ ছুটে কণ্টকের মত,  
বাধা দিতে সন্তানের উন্নতির পথে ?

ফিরে যাও, ফিরে যাও—করি অহুরোধ,  
একই কথা বারবার চাহিনা শুনিতে ।

বনদেবী । পারি না যে বাছা ! আর যাতনা সহিতে ।

তারক । যাতনা ! তোমার !  
তোমার মা ! হবে কেন ?

বনদেবী । আমার যে হবে কেন আমি নাহি বুঝি,  
কিন্তু তোর কি রে বোঝা উচিত ছিল না ?  
যার অধিকারে আসি—বসি বক্ষঃপরে  
জ্বলেছি এ প্রচণ্ড তপ্ত হতাশন,  
সেই জ্বালাময়ী শিখা প্রতি লোমকূপে  
যার দেহে করিতেছে দাহের সৃজন,  
তুই তারে দৈত্যাধম ! কেমনে চিনিবি ?  
শোন তবে সত্য কথা—দুর্কলতা মোর,  
তোরে হেরে যদি হৃদে স্নেহ না জাগিত,  
কে তোরে আশ্রয় দিত এ গহন বনে ?  
ভেবে দেখ মনে, কার পুত-আশীর্বাদে  
নিরাপদে এখনো রয়েছে তোর প্রাণ ।  
মুর্থ তুই, বুঝি না স্নেহের মর্যাদা ;  
দৈত্য কি বুঝিতে পারে সুধার আশ্বাদ ?

তারক । মা ! মা ! সন্তানেরে করহ মার্জনা,  
অপরাধ নিও না দাসের । তুমি যদি  
ক্রুদ্ধ হও, অন্ধকারে পথ নাহি পাব,  
তুমি যদি স্নেহদানে কৃপণতা কর,  
ধরণীর গর্ভে যে মা ! লুপ্ত হয়ে যাব ।  
বিমুখ হ'য়ো না দেবি ! কর আশীর্বাদ,  
তনয়ের মনসাধ পূর্ণ হয় যেন ।

বনদেবী । নাহি ভয় প্রাণাধিক ! নাহি সে সংশয়,  
জননী কতু না হয় সন্তানে বিরূপ ।



কর কোত দূর, হ'রো না বিধুর,  
পুণ্যকর্মে—সত্যকর্মে রাখিয়া স্মৃতি  
সাধ্যমত সাধনায় হও অগ্রসর ।  
দিহু বর—সৃষ্টিধর সেই অনাদি কারণে  
ভক্তিভোরে অচিরায় পাবে দরশন ।

ভারক । মা—মা, কি বলিলে ? এ কতু সম্ভব,—  
স্বয়ম্ভব নিজে আসি দিবে দরশন ।

বনদেবী । আত্মভূ যে তিনি, জানি বিলক্ষণ আমি :  
এবে সেই আত্মা করি কলুষিত,  
ব্রহ্মার ব্রহ্মত্ব আমি করিব হরণ ।

ভারক । ধনু আমি, সিদ্ধ মোর তপশ্চা গ্রহণ ।  
ওহো ! অশ্বেষ্টব্য যেইজন, তাঁরে আমি  
পাব দরশন, সেই পুণ্য—জ্যোতির্ময়  
অনাদি পরমব্রহ্ম—পরমার্থ ধনে ।  
পিতা, পিতা, প্রত্যক্ষ দেবতা !  
সুকঠোর তপশ্চর্যা করিয়া বরণ,  
ভুলি যায়—স্নেহআবরণ,  
সক্রন্দনে বনভূমি করি আলোড়িত,  
চলে গেছ লোকান্তরে চক্ষু অস্তরালে ।  
একটা জীবন—  
ব্যর্থ করি বনুফলে শিশির-সলিলে,  
যে ভাবে উঠিয়া উচ্চে মুক্তি-সন্নিধানে,  
অসুর বলিয়া—পাও নাই অমৃতের কণা,  
পাও নাই দেবতার তিলান্ন করুণা ; ..  
এবে পুত্র তব—তোমারি পদাঙ্ক স্মরি'  
চলিয়াছে আত্মনাশে, আত্মা হ'তে জাত  
সুত্র-সত্য-সনাতন বিরোধি সকাশে ।  
তাতেও যতপি—লোকপিতা প্রজাপতি

কৃপাকণা না করেন দান,  
না সাধেন জাতির কল্যাণ,  
রেণু রেণু করি' উড়াইব ফুৎকারেতে  
দানবীর প্রতি রক্ত আহুতি অর্পণে ;  
মুছে ফেলে দিব ধরাবন্ধঃ হ'তে  
চিরতরে দিতিস্মৃত দানবের নাম ।

( অগ্নির আবির্ভাব )

অগ্নি ।

একি, একি, লুক্কায়িত কোন্ শক্তিবলে  
আমার দাহিকাশক্তি  
ক্রমে ক্রমে ক্ষীণ হয়ে আসে ?  
হে জননি ! মধুবন-অধিষ্ঠাত্রী দেবি !  
কি করিলে—কি করিলে !  
দাবাগ্নি-জলন ভয়ে  
শেষে কি আমারি শক্তি করিয়া নির্বান,  
আজ্ঞাবাহী দাসধতে লিখাইয়া নাম,  
হ'লে অন্তর্দান দানবে আশীষি ?  
আর আমি কি করিব হেথা,  
লয়ে ব্যথা তুলি' হাহাকার  
জগতের দ্বারে দ্বারে ঘুরিয়া বেড়াই,  
বন্ধঃভেদ করি পাষণের ।  
রক্তবীৰ্য্য, লেলিহান শিখা  
অ্যর কি করিবে ? শুধুই করিবে সৃষ্টি—  
অতিবৃষ্টি,—অনাবৃষ্টি,—তুচ্ছ হীনবল !  
ওহো ! কি করিলে, কি করিলে মাতঃ ?  
( হস্তদ্বারা চক্ষুর্দ্বয় আবৃত করণ, সঙ্গে সঙ্গে তারকের  
সম্মুখস্থ প্রজ্জ্বলিত অগ্নি নির্বাপিত হওন.)

## দ্বিতীয় দৃশ্য :

হিমালয় পর্বতের একপ্রান্ত ।

কন্দুকক্রীড়ারতা পার্বতী ও তাঁহার সখীদ্বয় ।

কুঙ্কুম-চন্দনলিপ্ত কন্দুক লইয়া সকলে কিয়ৎক্ষণ

খেলা করিলে পর পার্বতী ক্রান্ত হইয়া

ভূমিতে উপবেশন করিলেন ।

পার্বতী । সখি ! আর আমি পার্ছিনে, বড় হাঁফিয়ে পড়েছি ।

লীলা । আহা অনিলা ! গায়ে একটু ফুঁ দিয়ে দে, ধানিক বাতাস  
কর—বাতাস কর, সখী আমার ভীর্ণি যার বুঝি !

( পার্শ্বে বসিয়া বজ্রাঙ্কলে বীজন )

পার্বতী । লীলা ! সত্যই আর আমি পার্ছিনে ।

লীলা । আমরা কোন্ বলছি—তুমি পার্ছো গো ? এমন কথা কি  
আমরা বলতে পারি ? আমরা তোমার সখী,—স্বখদুঃখের সমভাগী ।

পার্বতী । এতে ঠাট্টার কি আছে ভাই ? সকলেই জানে, খেলা  
আমাদের জিনিষ, কিন্তু যখন আমোদ ছেড়ে কষ্ট হবে, তখনও কি  
খেলতে হবে ?

লীলা । কে তোমায় এমন মাথার দিব্যি দিয়েছে ভাই ?

পার্বতী । ( কণ্ঠবেষ্টন করিয়া ) লীলা ! বোন্ ! রাগ করিস্নে ।  
সংসারে সেই সুখী, যে এক কথায় সব ভুলে যান, এক মুহূর্তে  
সকলকে আপনার করে নেয় । অনিলা ! তুই চুপ্ করে আছিস্ যে ?

অনিলা । আমি দেখছি—যাদের কথায় কথায় এমন মান-অভিমান,  
যারা সামান্য একটু কথায় ঘা সহিতে পারে না, তাদের এমন মেলা-  
মেশা লোকদেখানো ভালবাসা কেন ?

পার্বতী। ভুল বুঝেছিস্ বোন! ভালবাসা কখনও লোকদেখানো হয় না। অনিলা! তুই বড্ড ছোট, কিছুই বুঝিস্ নে, মানঅভিমান না থাকলে কি ভালবাসা জমে? এক পশলা বৃষ্টির পর সৃষ্টি ঠাকুর যখন ওঠেন, তখন কেমন দেখায় বল দেখি?

( সহসা চতুর্দিকে আলোকচ্ছটা বিকশিত হইল )

লীলা। দেখ্ দেখ্ সখী! সৃষ্টি ঠাকুরের মত চারদিক্ আলোক করে আকাশ থেকে কে একজন নেমে আসছে। আহা! গানেতে প্রাণ মাতিয়ে তুলছে।

( সকলেরই উৎকর্ষ হইয়া অবস্থান )

অনিলা। তাইতো, আমাদের দিকেই দেখ্ছি নজরটা! বোধ হয় আমাদের সখীকে হরণ করতে আসছে।

লীলা। মিথ্যে নয়, এত রূপ—একি মর্ত্যের সামগ্রী, এ যে দেবভোগ্য অম্লান কুমুম।

অনিলা। তাই হবে রে, তাই হবে।

পার্বতী। একি, আমার মন হঠাৎ কেন এমন বদলে গেল? আমি যে ক্রমেই গস্তীর হয়ে উঠছি। আমার প্রাণে কে যেন মুহূর্ত্তে সন্তান-বাৎসল্য জাগিয়ে দিলে, মধুর মাতৃভাব ফুটিয়ে তুললে।

( গাহিতে গাহিতে শূন্যে নারদের আবির্ভাব )

( গীত )

নারদ      পাপী তাপী যত      যে যেখানে আছ  
                 হরি হরি বল বদনে ।  
                 সুধামাধা নাম      জপ অবিরাম  
                 কর গুণ গান সঘনে !!

নিধিল দৈন্ত নিমিষে ঘুচিবে,  
অমৃত-অমর পদবী লভিবে,  
যদি কভু ভুলে      কেহ মন খুলে  
                 ডাকে হরি বলে চরমে !!



হ'তে চাও যদি ভবনদী পার,  
তরী কর সবে হরিপদ সার,  
যা কিছু সকলি            দাও তাঁরে ডালি  
আধিবারি ডালি চরণে !!

হয় যদি তাঁরে দেখিতে বাসনা,  
আধিমুদে ভাই বারেক ভাব'না,  
দেখিবে তখন            মুরলীমোহন  
স্বপনেরি ধন নরনে !!

( গীতান্তে স্বগতঃ ) দাক্ষায়ণি মা আমার !  
একাধারে ক্ষুদ্র বালিকার—কতশক্তি,  
কতরূপ, কত যে সৌন্দর্য্যরাশি ল'রে  
আনিয়াছ ভোলানাথে সংসারী সাজাতে !  
আহা হা !

( উদ্দেশ্যে প্রণাম করিয়া পার্বতীকে একদৃষ্টে অবলোকন )

অনিলা । ( লীলার গা টিপিয়া ) ওলো, দেখ্—দেখ্, বুড়োর দেখার  
চঙ্ দেখ্ ।

লীলা । চোখ থাকলে বা দেখ্‌বার পেলে কেই বা না দেখে!  
সত্যিই কি এরূপ দেখ্‌বার বা দেখাবার নয় ?

পার্বতী । ই্যাগা, তুমি আকাশ থেকে নেমে এলে বুঝি ?

নারদ । ই্যা মা, তোর এ ভূবনভোলান' রূপ দেখে আমি আর না  
নেমে থাকতে পারলুম না ।

অনিলা । বুড়া যথার্থ শক্তিমান্, গান দিয়ে প্রাণ নিতে এসেছে ।

লীলা । হাসি, রূপ, গান এই তিনই তো চিত্ত আকর্ষণের প্রধান  
উপাদান ।

নারদ । ই্যা মা, তুমি তো হিমালয়-কন্যা পার্বতী; কিন্তু এরা কারা ?

পার্বতী । এরা আমার সখী । তুমি আকাশ থেকে নেমে এলে ?

নারদ । ই্যা মা, তোকে দেখতে এলুম ; তুই ত্রিভুবনের মা, তাই  
তোর চরণ বন্দনা করতে এলুম ।

পার্বতী । তবে আমাদের বাড়ী চল ।

নারদ । চল । তুমি বুঝি খেলা করতে এসেছিলে ?

পার্বতী । হ্যাঁ ।

নারদ । শুধু বুঝি খেলাই কর, পূজা কর না ?

পার্বতী । হ্যাঁ, রোজ সকালে শিবপূজা করি ।

নারদ । শিবপূজা করলে কি হয় জান ?

পার্বতী । জানি, শিবের মত বরলাভ হয় ।

নারদ । তোমার কিন্তু মত আর হবে না, স্বয়ং শিবই তোমার বর হবেন । তাঁকে পছন্দ হয় তো ?

( পার্বতী অধোবদন হইলেন )

চল মা, তোমার বাপ মা'র কাছে যাই ।

লীলা । ওরে, ঘটক রে, ঘটক ।

[ সকলের প্রস্থান ]

( ত্বরিতগতি অগ্নির প্রবেশ )

অগ্নি । এসেছিল এইপথে দেবর্ষি নারদ ।  
কোথা গেল, কোথা গেল তবে ?  
হ'য়ে গেল কি যে সর্বনাশ,  
প্রকৃতি তা' আভাষে জানায়, তবুওতো  
প্রতীকারে কেহ নহে বদ্ধ পরিকর ।  
তুঃসংখ্য সে তপস্কার বলে  
চন্দ্র, সূর্য্য, বায়ু ও বরুণে  
রাখিয়াছে করি আক্রমণ ।  
প্রজাপতি - সৃষ্টি স্থিতি রক্ষার কারণ,  
ছুটে এসে দিয়ে গেল বর  
“ইচ্ছাশক্তি—ইচ্ছামত গতি  
যথেষ্ট প্রসার তার ত্রিলোক মাঝারে”  
ঐহ, তারা, কক্ষুচ্যুত হয় প্রতিরূপে,  
কি জানি কি অমঙ্গল ঘটবে অচিরে ।

আসন্ন বিপৎপাতে  
 তখন যে কোনও উপায়,  
 খঁজিলেও মিলিবে না হয় ।  
 সে তো নয় সরল দেবতা,  
 পদতলে পড়িলেও গুনিবে সহসা ;  
 সে যে'গো অসুর—হৃদয় সাহসী,  
 রাক্ষসী লালসা তাকে করিয়াছে গ্রাস ।  
 সর্বনাশ—সর্বনাশ ! ওহো-হোঃ-হোঃ—

[ প্রস্থান ]

### তৃতীয় দৃশ্য :

হিমালয়-কক্ষ ।

হিমালয় ও মেনকা ।

হিমালয় । প্রিয়তমে ! আমাদের দাম্পত্য জীবনে  
 কত সুখ, কত আশা, কত যে আনন্দ  
 সৃষ্টিহীন—শান্তিহীন উচ্ছ্বাসের মত  
 বহিতেছে নিরন্তর দুকূল প্রাবিয়া,  
 স্বপ্নরাজ্য হ'তে নামিয়া স্বর্গীয় স্মৃতি  
 কত যে প্রত্যক্ষ ছবি দিতেছে আঁকিয়া  
 তুমি আমি ছাড়া প্রিয়ে । পার্থিব জগতে  
 কেবা করে অনুভব স্বর্গীয় এ সুখ ?

মেনকা । সত্য প্রিয়তম ! আমাদের এ জীবন ..  
 স্বপ্নময়—সুখাময় হাসির ফোয়ারা ।  
 বাস্তবিক নারীজন্ম সার্থক আমার,  
 সংসারে দুর্ভাগ্য যাহা সকলি পেয়েছি ।  
 যোগ্যত্বের যোগ্যত্বের জীবন সঁপেছি,

যোগ্যপুত্রে প্রসব করিলে—বীরপ্রসূ  
 গৌরব লভিছি, সখ্যঃ কোটা ফুল—  
 সৌরভে অতুল, অলোক-লাবণ্যবতী  
 বালিকা পার্শ্বতী যার গর্ভের তনয়া,  
 নহে কি সে ভাগ্যবতী—  
 সৌভাগ্যের স্বর্ণময় শিখরে আসীনা ?

হিমা ।

সার্থক মানসকন্ঠা করিয়া সৃজন,  
 প্রজাপতিগণ দেছেন আমারে  
 “গৃহলক্ষ্মী” করি এই অমূল্য রতনে ।  
 প্রিয়তমে ! তুমি যে আমার—বিধাতার  
 হেঁয়দান, তব প্রাণ হবে উচ্চ  
 আদর্শের, বিচিত্র নহে তো ইহা ; কিন্তু  
 মেনা, তুমি দেবী—স্বর্গের ললনা, আমি  
 তুচ্ছ—হীন—মর্ত্য অধিবাসী, তথাপি এ  
 অঘটন সংঘটন, প্রীতি, পরিচয়  
 মনে হয় প্রিয়ে ! বিচিত্র ইহাই শুধু ।

মেন

বিচিত্র কিছুই নয়, স্বর্গধাম হ’তে  
 ইহা সুপবিত্র স্থান, তাহার প্রমাণ—  
 ভগবান শঙ্কর ঈশান, দক্ষযজ্ঞে  
 সতীহারা হ’য়ে, শোক তাপ শাস্তি ভরে  
 এ ভূধরে তপশ্চায় আছেন মগন ।  
 শুধু তাই নয়, স্বর্গগঙ্গা মন্দাকিনী—  
 যিনি দেবী - ত্রিলোকের ত্রিতাপ হারিণী,  
 তাঁর যে জনক তুমি,  
 এ কথা এ ত্রিভুবনে কে না জানে স্বামী ?

হিমা ।

শুধু কি তাহাই মেনা ?  
 ব্রহ্মার মানসকন্ঠা যার প্রিয়তমা,  
 সে কি শুধু পুণ্যবান্, ভাগ্যবান্ নয় ?

## ( পার্বতী সহ দেবর্ষি নারদের প্রবেশ )

নারদ : অনন্ত সৌভাগ্যশালী গিরি হিমালয়,  
 এ কথা নূতন নয় ত্রিলোক বিদিত ।  
 মনোরমা গর্ভে জাত দেবতা প্রার্থিত  
 কন্যা যার সুরতরঙ্গিনী, ত্রিলোকের  
 পতিত পাবনী ; দেবত্ব কি তার আন্ধি  
 প্রমাণ করিতে হবে নূতন করিয়া ?  
 কুলধর্মরক্ষা তরে প্রজাপতিগণ  
 সৃষ্টিয়া মানসকন্যা  
 যার করে করিলা অর্পণ,  
 সে কি শুধু গিরিরাজ রহস্য কারণ ?  
 এই যে পার্বতী, — যার পতি  
 বিশ্বপতি ভগবান্ দেব মহেশ্বর —

হিমা । এ কি কথা দেবর্ষিপ্রবর ! এ কি সত্য ?

নারদ । সত্য গিরিরাজ ! অতি সত্য এ সংবাদ ।

হিমা । আনন্দে বিশ্বয়ে আমি হ'তেছি বিহ্বল ;  
 কিন্তু বুঝিতে না পারি — কোন্ ভাগ্যবলে  
 পাব আমি মহেশ্বরে জামাতার রূপে ।  
 বল ঋষি ! বল দ্বিজোত্তম !  
 কেমনে এ অঘটন হবে সংঘটন ?

নারদ । নহে রাজা অঘটন ;  
 তোমারি আশ্রয়ে দেব ত্রিলোচন,  
 তপস্যায় আছেন মগন ।  
 শুক্রধার তরে — প্রিয়তমা দুহিতারে  
 তাঁর পাশে দাও পাঠাইয়া ।  
 গৃহস্থের ধর্ম তাহা, কর প্রাণ দিয়া  
 ষথাসাধ্য অতিথির সম্ভাষণ সাধন ।

হিমা । এখনি সম্মত আমি এ প্রিয় প্রস্তাবে ;  
বিশেষতঃ—ভগবান শঙ্করের সেবা  
কার না ঈশিতখন ? কিন্তু তপোধন !  
পার্কীতী যে তাঁর হবে পরিণীতা, হেন  
উচ্চআশা - কেমনে বা হবে ফলবতী ?

নারদ । তুই যদি হন দেব পশুপতি,  
জেনো রাজা সিদ্ধিলাভ নহে অসম্ভব ।

হিমা । কিন্তু কি কারণে সমাগত তিনি,  
কি উত্তেজে তপস্শায় রত,  
নম্যক্ না জেনে ব্যস্ত ক'রে তাঁরে  
হিতে বিপরীত হবে না তো আমি ?  
এইমাত্র বলিল মেনকা,  
দক্ষসুতাহারা হ'য়ে  
শোক তাপ শাস্তি তরে তপস্শা তাঁহার ।  
কিন্তু ইহা অনুমান, স্বীকৃতিসুলভ ;  
সক্‌সার শোকাভীত যিনি,  
শোক তাপ সম্ভবে কি তাঁর ?

নারদ । সতীবাক্য না হোক নিফল ; কিন্তু  
কি কারণ, কে করিবে নির্ণয় তাহার ?  
ভূতেশ্বর, সর্বভূতে নিয়ন্ত্রিত যিনি,  
তিনি যে কি মঙ্গল সাধনে  
তপস্চর্যা করেছেন পণ, এ সমস্যা  
সমাধান, কে করিবে ব্রহ্মা বিষ্ণু বিনা ?

হিমা । সমস্যার সমাধানে নহি যত্নবান,—  
কিন্ধা নহি পরানুখ অপমান ভয়ে । একমাত্র  
আতঙ্ক অন্তরে, কুম্‌কলিকা এই সুবর্ণ মতিকা  
বালিকা বয়সে যদি প্রত্যাখ্যাত হয়,  
কিন্ধা যদি ক্রুদ্ধ হ'য়ে দেন অভিশাপ—

নারদ ।

না—না, সে যবেহ নাই ; বুঝিয়াছি—  
বহমান কোঠপুত্র সৈন্যক তোমার,  
পক্ষদেহ-অপমান-ভয়ে  
লুকাইত চিরতরে সমুদ্র গহ্বরে ;  
জানি—প্রাণ তুমি মানীর নিকট ।

পার্বতী ।

দর্পী মনে দর্প পরিচয়—  
গৌরবজনক ঋষিবর !  
কিন্তু ত্যাগে সেবা—সতত সুখের,  
সমুচিত—সমীচিন সদা ।

নারদ ।

মা—মা ! (সবিস্ময়ে মুখপ্রতি দৃষ্টিপাত )

মেনকা ।

( গলবন্ধে প্রণাম করিয়া ) প্রণমি চরণে দেব !  
বন্দন আসনে, পাশ্চ-অর্ঘ্য-দানে  
গৃহাগত অভিধির করি সর্জন্য ।

## চতুর্থ দৃশ্য ।

ব্রহ্মলোক ।

ব্রাহ্মমূর্ত্ত, চতুর্দিক রক্তিমচ্ছটায় উদ্ভাসিত, পদ্মাসন-

গর্ভস্থিত ব্রহ্মা, তৎসম্মুখে দেবতাগণ

যুক্তকরে দণ্ডায়মান ।

ইন্দ্র ।

হে ব্রহ্মণ ! স্বর্গচ্যুত যত দেবগণ,  
প্রাণভয়ে পলায়িত—সদা সশঙ্কিত,  
অত্যাচারে নিষ্পেষিত—নির্ধ্যাতিত বণু,  
তবু তুমি উদাসীন এখনো নিম্মিত ?

কুম্ভ । প্রজাপতি ! সৃষ্টি স্থিতি অধীন তোমার ;  
তবু তুমি দেবতার দীনদশা হেরি,  
প্রলয় আধারে নিমজ্জিত করি জীবে,  
থাক যদি নিরন্তর নিজার আশ্রয়ে,  
এখনি যে ধ্বংস হবে বিশ্ব-চরাচর !

বাদিত্য । আগো জগদীশ ! জগত জীবন !  
অন্ধকার হ'তে আলোকের পথে  
ল'য়ে যাও নিখিলের লোকে ।  
ধরি পদে, জীবধ্বংস ক'রোনা সূচনা,  
যাতনা দিওনা আর প্রকৃতির প্রাণে ।

ধম । হে বিধাতঃ ! গর্ভমান হইয়াছে হত,  
মুছে গেছে কৃতান্তের দণ্ডের নাম ;  
জালা, অপমান আর সহিতে পারি না,  
ব্যর্থ প্রাণ রাখিতে চাহি না,  
চরণে প্রার্থনা—  
অমরত্ব দাও শুধু মৃত্যুদানে প্রভু !

কুবের । হে অনাদি !  
শক্তিহীন যদি হয় দেবতামণ্ডলী,  
সে কলঙ্ক স্পর্শে না কি তোমার গরিমা ?  
দীনা স্বর্গভূমি যদি কাঁদে হাহাকারে,  
তোমার অন্তরে কিহে বেদনা বাজে না ?  
ব্রহ্মাণ্ড যতপি হয় অশ্রুভারে নত,  
উচ্চনাদে অবিরত করে হাহাকার,  
তুমি পিতা হ'য়ে প্রতিকার করিবেনা তার,  
এই কি উচিত কৰ্ম বিহিত বিচার ?

বৃহস্পতি । সত্য সনাতন ! নিত্য নিরঞ্জন !  
তুমি প্রভু ! নিখিলের সমষ্টি কারণ ।  
ব্রহ্মা, বিষ্ণু, মহেশ্বর তোমারি হে রূপান্তর,



তুমি নিরাকার—তবু অগত জীবন ।  
 একবার কৃপানেত্রে চাহ দেবগণে,  
 মুছে যাক মলিনতা,—দৈন্ত-দুঃখভার,  
 সমুজ্জল হোক জ্ঞান-মুখ-ছবি,  
 দীপ্ত রবি—তপ্ত হতাশন ;—  
 জাগো প্রভু জ্যোতির্শয় ! জাগো সনাতন !

ব্রহ্মা । ( পদ্মকোষ হইতে আবিভূত হইয়া )  
 দেবগণ ! কেন হেরি বিষন্ন বদন ?  
 দিব্যকাস্তি জ্ঞান, ত্যজি জ্যোতির্শয়ধাম,  
 কেন বল দীনভাবে হেথা আগমন ?

বৃহস্পতি । অস্তুর্যামী তুমি প্রভু সকলি তো জ্ঞান,  
 নূতন করিয়া আর কি কহিব বল ?  
 তারক অশুর নাম—মহাবলবান,  
 তব বরে দৃপ্ত হ'রে মিলি দৈত্যদলে  
 দস্তভরে স্বর্গরাজ্য করি আক্রমণ,  
 করিতেছে দেবগণে ভীম নির্যাতন ।  
 সে কারণ পলায়িত ইন্দ্রাদিদেবতা  
 আসিয়াছে তব পদে লইতে শরণ,  
 প্রতিকার কিবা তার করিতে নির্ণয় ।

ব্রহ্মা । এ যে বড় সমস্যা ভীষণ !  
 নিজে যারে স্নেহদানে করেছি বর্ধন,  
 যার শিরে পরায়েছি গৌরব মুকুট,  
 নিজ করে দিছি যারে যথেষ্ট সন্মান,  
 বধিব তাহারি প্রাণ এ কভু সম্ভব ?  
 আমি লোকপিতা—আমি প্রজাপতি,  
 স্বীয় সৃষ্টি করিয়া নিধন,  
 রাখিব কি নিদর্শন,

পিতৃহন্তে পুত্রের মরণ ? অসম্ভব,—  
 দেবতা হইয়া আমি নাশিব করিতে  
 রক্তশোষী পিশাচের দৃষ্ট অভিনয় ;  
 আমি হ'তে হেন কার্য্য হবে না সাধন ।  
 দেবগণ ! সৃষ্টিভঙ্গ আমার উপরে,  
 তোমাদের পরে বৎস ! রক্তাভার ভার ।

ইন্দ্র ।  
 অস্বর্ধ্যায়ী হ'রে জানিতেন যদি সব,  
 কেন তবে হেন বর দিলেন তাহারে—  
 সবংশে নিধন যাতে হই যোরা প্রভু ?

ব্রহ্মা ।  
 আমি কি করিব বল ?  
 আমি যে ভক্তের দাস—ভক্তির অধীন,  
 স্বাধীন অস্তিত্ব বৎস ! কিছু যোর নাই ।  
 ধর্ম্মরাজ্য চিরদিন মুক্ত তার তরে,  
 ভক্তিভরে যেইজন আত্মবলিদানে  
 সর্ব্বত্র অর্পণ করে ব্রহ্মের চরণে ।  
 বিশেষতঃ যদি সে সময়ে—  
 যার সেই তপশ্চর্যা—তপস্তা প্রভাব,  
 বিশ্ববন্ধে তুলিয়া বিকোভ,  
 অগ্নির দাহিকা শক্তি করিল হরণ ;  
 যার সেই একভক্তি—একাগ্রসাধনা,  
 প্রলয়ের পূর্বাভাষ করিল সূচনা ;  
 যার সেই আত্মত্যাগ, চিন্তাজয়বলে,  
 স্বর্গ-মর্ত্য-রসাতলে—  
 দিশি দিশি অগ্নিকণা পড়িল ছড়ায়ে,  
 সেই সে সময়ে যদি—  
 নিরস্ত না করি পিয়া বর দানে তারে,  
 তাহ'লে তখনি বিশ্ব ধ্বংস হয়ে যেত,  
 থাকিতনা দেব-বংশে বাতি দিতে কেহ ।

ইন্দ্র ।

তবে কি দেখিব পিতঃ ! যত দেবদেব  
পত্নী-পুত্র-গৃহ-হারা হ'য়ে,—অনাহারে—  
হাহাকারে, বনে বনে করিছে রোদিন ?  
তবে কি দেখিবে যত অমররমণী  
মুক্তবেণী, কক্ককষ্ঠ, উত্তপ্ত নিঃশ্বাসে  
উদ্ধত সে দানবের পাশে, দিবানিশি  
দাসী হ'য়ে—বাঁধি হ'য়ে করিছে বসতি ?  
প্রজাপতি ! তাতেই কি তৃপ্ত হবে তুমি ?  
কিছা আরো চাই, আরো কিছু তপ্ত রক্ত—

ব্রহ্মা ।

না—না, আমি কিছু চাহিনা বাসব !  
উচ্চ-নীচ, ধনী বা নিধন,  
মোর পাশে সকলি সমান।  
জীবমাত্রে সম মেহ,—  
দেব বা দানব ব'লে ভেদাভেদ নাই  
শুধু যেইজন—যেই ধার্মিকরতন  
ব্রহ্মে করি সর্বস্ব অর্পণ, ধরিয়াছে  
সার জ্ঞানে তপস্তা আচার ; জেনো বৎস !  
সে আমার—আমি তার, দু'এ একাকার ।  
কিন্তু যবে দেহ তার কলঙ্কিত হবে,  
মন তার মহাপাপ আশ্রয় করিবে,  
সেই দিন সব যাবে—সর্বস্ব ঘুচিবে,  
কেহ তারে রোধিতে নারিবে ।

বৃহস্পতি ।

কিন্তু প্রজাপতি, আপনার দৃপ্তবরে  
সমরে অজেয় সেই দুর্দ্ধর দানব ;—  
কোনরূপ নরশক্তি সৃষ্টি ব্যতিরেকে  
রণে তার পরাজয় নহে তো সম্ভব ।

ব্রহ্মা ।

তুমি কি বলিতে চাও—  
মহামায়া অংশে যেই শক্তির উদ্ভব,

সেই শক্তি হ'তে সৃষ্ট যেই মাতৃজাতি,  
সে জাতিরে যদি কেহ করে অপমান,  
নহে কি সে যত্নবান নিজেই নিজের ?  
যে অধম—রক্ষণী করে নির্যাতন,  
অসহায়। অবলারে অবজ্ঞা পীড়ন,  
ক্ষুদ্র শিশু পারে তারে করিতে নিধন।

( ব্রহ্মার উত্তেজিত ভাব দেখিয়া দেবতাগণ চমকিয়া উঠিলেন )

বৃহস্পতি    সব সত্য ; কিন্তু তব বর  
হইবে বিকৃত—যে সে শক্তিবলে,  
ইহা তো সম্ভব নয়।

ব্রহ্মা        ( বৃহস্পতির সাহুস্র বাক্যে আশ্বস্ত হইয়া )  
সত্য বৃহস্পতি !  
উক্তি তব বুদ্ধি অনুরূপ ।  
বার্থ করে মোর সেই বিশ্বজয়ী বর,  
হেন শক্তিধর কেহ নাহি ত্রিভুবনে ।  
আছে মাত্র একজন, ত্রিপুর দহনে—  
দেখায়েছে যেইজন অদ্ভুত বিক্রম ;  
সেই সর্বতোবিজয়ী শৈবতেজ বিনা  
দেখিনা অপর কোন বিজয় উপায় ।

বৃহস্পতি ।    সে যে প্রভু !    অসম্ভব ।

ব্রহ্মা ।        নহে বৎস !    অসম্ভব ;  
দক্ষযজ্ঞে সতীহারা হ'রে, সিদ্ধিদাতা  
কি জানি কি সিদ্ধির আশায়  
আছে মগ্ন তপশ্চায় হিমাদ্রি-শিখরে ।  
হিমালয়-কন্যা তার শুক্রবার তরে  
নিয়োজিত আছেন সেথায় ।    উভয়েই  
যোগ্যতম—ঋতুধর্ম্যময়, এ সুযোগে

## দেবলীলা

২০

যদি হয়—উভয়ের দৃষ্টিবিনিময়,  
সকল সফল হবে, অভীষ্ট পূরিবে ।

বৃহস্পতি । তমোগুণাতীত সেই দেব মহেশ্বর  
ত্যাগ ছেড়ে পুনরায় ভোগাকুণ্ড হবে ?

ব্রহ্মা । বেশ তো হে, বেশ মনোরম দৃশ্য হবে,  
প্রযুক্তি নিবৃত্তি ছ'এ পাশাপাশি রবে ।  
যাও দেবগণ ! সবে মিলি  
করহ যতন, শীঘ্র যাতে সিদ্ধ হয়  
হর-পার্বতীর সেই শুভ পরিণয় ।

( পুনরায় পদ্মকোষ মধ্যে অন্তর্ধান )

-ইন্দ্র । বেশ হাসিমুখে নিশ্চিত অন্তরে  
ফিরিলেন স্বগৃহে অবাধে,  
অসম্ভব উপদেশ প্রদানি' মোদের ;  
কিন্তু মোরা যে তিমিরে,  
রহিলাম সেই সে তিমিরে ।  
এত বড় বিপৎসম্পাতে  
চাঞ্চল্য দূরের কথা, মনে হয়  
বিন্দুমাত্র রেখাপাত হয় নাই মনে ।  
প্রজাপতি নিদ্রামগ্ন,  
ধ্যানমগ্ন সংহারী স্বয়ং,  
এ দুর্গম প্রহেলিকাভেদ, কি করিয়া  
হবে, কে করিয়া দিবে বা আচার্য্য ?

-বৃহস্পতি । বৎস ! অবসাদে নাহি প্রয়োজন ;  
কর্মক্ষেত্র পরীক্ষার লীলানিকেতন ;  
সন্ধানই কর্ম, কর্মই জগৎ,  
কর্ম বিনা নাহি হয় কার্য্যসিদ্ধি লাভ ।

ইন্দ্র । কার্যসিদ্ধি কিসে হবে,  
সুগবুদ্ধি—কিছুই ধরিতে নারি ।

বৃহস্পতি । ব্রহ্মা নিজে যাহা ধরিতে নারিবে,  
তুমি আমি ধরিব সহসা  
এত কি সুগম এই রাষ্ট্রীয় বিপদ ?  
উত্তোগেই লক্ষী মিলে,  
উত্তোগেই কার্য সিদ্ধি হয়,  
উত্তোগেই গড়িয়া তোলে চাকু ভবিষ্যৎ ।

ইন্দ্র । শক্তিহীন, নিকপায়  
কি উত্তোগ করিব গ্রহণ ?  
একমাত্র যদি নারায়ণ,  
অনন্ত শয়ন ছেড়ে হানে স্মদর্শন,  
তবেই সম্ভব হবে সঙ্কট মোচন ।  
তবেই হইবে এই কণ্টক উদ্ধার,—  
বিপদ ভঞ্জন তিনি—তিনি কর্ণধার,  
বিনা অক্ষুগ্রহ তাঁর  
অসম্ভব সৃষ্টিরক্ষা, স্বাধীনতা লাভ ।

বৃহস্পতি । বৎস !

ইন্দ্র । আচার্য্য !

বৃহস্পতি । চল, নিয়তির যথা অভিজ্ঞায় ।

## শব্দময় দৃশ্য !

### পুষ্পোদ্ভান ।

মদন ও রত্নির উদ্যানমধ্যে পৃথক্ পৃথক্ ভ্রমণ ।

( গীত )

মদন । দূরে দূরে কেন প্রিয়ে ! কাছে এস না !

রত্নি । যেচে সেধে কাছে গেলে মান যে হবে না !!

মদন । তোমার যে লো কতই মান জগতবাসীই জানে !

রত্নি । স্ত্রী যার আছে সেই বুঝেছে কে যে কাকে টানে !!

মদন । এবার তোমার ভালবো মান, মারবো যখন ফুলবাণ ।

রত্নি । আমি ধনুক ধ'রে টানবো তখন—মলবে আপন নাক ও কান !!

মদন । এই কিরে তোর ধর্মজ্ঞান করলি আমার অপমান !

রত্নি । ( বাহুপাশে বেঁধেন করিয়া ) এই ধরছি আবার বাহু'র পরে  
রাখবে বল রত্নির মান !!

মদন । রাখবো, রাখবো, রাখবো ; নাও, এই তিন সত্যি করলুম,  
হ'য়েছে তো ?

রত্নি । আমিও ভালবাসবো, বাসবো, বাসবো । কেমন ?

মদন । তবে এমন ধারা করলে কেন ? এত ডাকলুম, এলে না ।

রত্নি । তুমি কেন আমার কাছে গেলে না ?

মদন । আমি না গেলে বুঝি আর আসতে নেই ? এই বুঝি :  
তোমার ভালবাসা, প্রাণের টান ? এ বুঝি নারীর ধর্ম ?

রত্নি । নারীর ধর্ম যে কি, তা তুমি জানবে কেমন করে ? তার  
ধর্ম—সে প্রাণ নিরে পালন করে, তার কাষ—সে আপনাই মনে আপনি  
ক'রে যার, কারও প্রতিদানের অপেক্ষা রাখে না । পুরুষ যদি গর্ব  
ক'রে—আপনার মান নিরে আপনি বসে থাকে, নারী তখন তার মান  
খুইয়ে তার মান ভঙ্গন করে না সত্যি, কিন্তু তার প্রাণ সর্বদাই পতির

পায় লুটিয়ে পড়ে থাকে। তোমরা জান না, বোঝ না, তৈরী করতে পার না, তাই এমন অনর্থ ঘটে।

মদন। সত্য প্রিয়তমে! সে দোষ আমাদেরই। আমরা নিজের নিজের স্বীকে সহধর্মচারিণী না ক'রে বিলাসের অশুভ উপকরণ ক'রে রাখি ব'লেই আমাদের এত অধঃপতন, এত সঙ্কীর্ণতা!

রতি। থাক, আর কাষ নেই, চের ব'য়েছে। যা দোষ ক'রে ফেলেছ, তার তো আর চারা নেই!

মদন। কেন থাকবে না?—আচ্ছা, তুমি দাঁড়াও, আমি এখনই তার বিহিত প্রায়শ্চিত্ত করছি।

( পদধারণে উত্তত )

রতি। ( সরিলা গিয়া ) ও কি ?

মদন। দাঁড়াও না।

রতি। কেন ?

মদন। ভয় নেই, পা দু'খানিতে শুধু একটু আলতা পরিয়ে দোব।

রতি। ই্যাঃ, আলতা পরিয়ে দেবে : কই, দেখি ?

মদন। এই দেখ। ( পুনরায় রতির অপসারণ ) আবার পালায়, দাঁড়াও ( অতি নিপুণভাবে একখানি চরণ অলঙ্কৃত-রঞ্জিত করিয়া ) দেখদেখি কেমন হ'ল ?

রতি। জানি না।

মদন। ব'লবে না ?

রতি। বেশ হয়েছে, খাসা হয়েছে, চমৎকার হয়েছে। হয়েছে তো ?

মদন। তবে দাঁড়াও, এখানিতেও পরিয়ে দিই! ( তথাকরণে উত্তত হইয়া ) প্রিয়ে! বিধি বাদী, আর হ'ল না; এখনই আমার বিদায় দিতে হবে। আমি চল্লম।

( প্রস্থানোত্তম )

রতি। সেকি! কেন, কোথায় যাবে ?

মদন। দেবসভায়; দেবরাজ ইন্দ্র আমার স্মরণ করছেন।

রতি। এমন অসময়ে যাবে কেন ?



মদন । সময় অসময় নেই প্রিয়ে ! দেবরাজ যখন আহ্বান করছেন, তখন আমার যেতেই হবে । প্রভুর আজ্ঞা পালন করাই জীবন ধারণের সার্থকতা । বোধ হয় আমার কোন অসাম্য সাধন করতে হবে ।

রতি । সখা বসন্ত তো সন্ধে যাবে ?

মদন । বসন্তকে ছেড়ে কি আমি একদণ্ড থাকতে পারি ?

রতি । আমিও তো তোমায় ছেড়ে একদণ্ড থাকতে পারি নে, তবে আমি কেন যাব না ?

মদন । সভা সমিতিতে কি মেয়েমানুষে যায় ? তারা ঘরের জিনিস, ঘরেই তাদের থাকতে হয় ।

রতি । ( পদস্পর্শ করিয়া ) না, যেও না ; তোমার পায়ে পড়ি, আমার সন্ধে নাও ।

মদন । সে কি !

রতি । না, আমি আজ কোনমতেই তোমার ছাড়তে পারছি না, আমার বুক ফেটে যাচ্ছে । কে যেন ব'লে দিচ্ছে --ওরে ছাড়িস নে, ছাড়িস নে,—এ তোর কালের আহ্বান ।

মদন । তথাপি যে কর্তব্য বড় প্রিয়ে ! আমাকে যেতেই হবে। তুমি দুঃখ ক'রো না, আমি শীগ্গিরই ফিরবো ।

রতি । মনে থাকবে ?

মদন । থাকবে ।

রতি । আমার সিঁথির সিঁচুর স্পর্শ ক'রে বল, আমার হাতের নোয়া অক্ষত থাকবে ।

মদন । থাকবে ।

( গীত )

রতি । দেখো যেন প্রিয়তম ! ভুলে যেও না ।  
দাসী ব'লে অশাগীরে পায়ে ঠেলো না !!  
জান না কি আঁধি হয় সদা সুখী,  
মুগ্ধপানে চেয়ে অপলকে থাকি,

জান নাকি প্রাণ                      বিনা প্রতিদান  
 থাকে চির সাথী পদরেণু মাধি ।  
 জান নাকি প্রিয় !                      সকলি স্বর্গীয়  
 দিয়া বলিদান বাসনা !!  
 মদন সঙ্গ—মোহন পরশ  
 করে এ অন্ধ শিখিগ অলস  
 কাছে থাক' রাখ'                      তাই এ হরষ  
 বুঝেও কি বধু বোঝ না !!

মদন :                      ( হাত ধরিয়া উঠাইয়া ) আসি প্রিয়ে !  
 থেকে হাসিমুখে গৃহে ।

[ প্রস্থান ]

রতি :                      ( স্বামীর গমন পথে অপলকনেত্রে তাকাইয়া )  
 স্বামী ! দেবতা আমার ! এই ভালবাসা,  
 এই অতুরাগ, এই হাসি, প্রীতিবিনিময়  
 থাকে যেন সতত সঙ্গ ।

( ফিরিতে উদ্যত হইলে অগ্নির প্রবেশ )

অগ্নি :                      অভাগিনী, ছাড়িয়া দিছিস্ ?  
 ছাড়িব না—ছাড়িব না ক'রে, তবুও মা !  
 ছেড়ে দিলি বহ্নিমুখে আপন পতিরে ?  
 ওহো ! কি করিলি !—কি করিলি !

রতি                      কেন দেব বৈশ্বানর ! কি হয়েছে ?  
 দেবরাজ করিয়া স্বরণ  
 আছ্যানিল পতিরে আমার,  
 দেবকার্য্য সংসাধনে দেবসভা মাঝে ।  
 এর মধ্যে ছলনা বা প্রতারণা কি ?  
 একি, আমারও যে অন্তরাশ্রয়,

ধেকে ধেকে কেঁপে উঠে কেঁপে  
বলে দেয়—কি যেন কি ভাবি অমঙ্গল ।

অগ্নি : ( স্বগতঃ ) ভেবেছিছ শুনার না অগ্নির বারতা,  
ভেবেছিছ আসিব না হেথা, দিতে ব্যথা  
কুমুম-কোমল এই কিশোর-অস্তরে !  
কিন্তু কি করিব ? বহু হ'তে  
অতীব কঠোর,—আসন্ন বিপৎপাত  
অকস্মাৎ পশিলে হৃদয়ে,  
ভেঙ্গে যাবে বাণিকার ক্ষুদ্র বন্ধুখানি ;  
তাই আসিয়াছি পূর্ব হ'তে  
পর্বতের গুরুভার চাপায়ে বন্ধেতে,  
পাষণ হ'তেও প্রাণ করিতে কঠিন ।  
মা ! কেঁপো না, স্থির হ'য়ে শোন ;—  
পতি তব চলিয়াছে কালের ঈজিতে  
বহিমুখে বিসর্জিতে প্রাণ ।

রতি  
বিপন্ন অমরগণ,  
বিপন্ন স্বরগরাজ্য—স্বর্গসিংহাসন,  
নিত্য নব সর্বনাশ—স্বাধীনতা হ্রাস,  
হেন দুঃসময়ে যদি নীচ স্বার্থআশে  
ধরে রাখি পতিরে আপন,  
হবে যে কর্তব্যচ্যুতি ঘোর মহাপাপ ।  
আমি জানি, রতি হেথা থাকিতে জীবিতা,  
সাধ্য নাই তারকের কন্দর্পে বিনাশে ।

অগ্নি ।  
চক্রপাণি নিজে নারায়ণ,  
করিল তুমুল যুদ্ধ ব্যর্থ অহঙ্কারে ।  
বাণে বাণে সমাচ্ছন্ন হইল গগন,  
উঠিল প্রলয় মেঘ ; কিন্তু  
হুসু হুসু সে দানব প্রতাপে,

অস্তিত্ত সে সকল নিষেধে শুধনি ।  
 পুনঃ হানিলেন চক্রে সুদর্শন,  
 লক্ষ্য করি বক্ষঃ তার ; কিন্তু—  
 হৃদৈব অপার,—মৃত্যু তো দূরের কথা—  
 বিজয়পদকরূপে কণ্ঠে লগ্ন হ'ল !  
 ওহো ! সকলি গিয়াছে,  
 চলেছে উদ্ধত দৈত্য উত্তাম গতিতে,  
 নিঃশেষে রাখিয়া দিয়া সকলক নাম ।

রতি । পায়ে ধরি বৈশ্বানর !  
 সংশয়ে রেখো না মোরে আর ;—  
 আমাকেও নিয়ে চল সেথা,  
 যেথা পতি মোর—দেবসভা মাঝে ।

অগ্নি । বিনা পতি অকুমতি,  
 কেমনে যাইবে সতী ?

রতি । পতি যদি রণাঙ্গণে করে প্রাণত্যাগ,  
 সতী নারী—অস্ত্রপূরে না ঘুমায়ে রয় ।  
 এস অগ্নি ! সাথে মোর ।

[ দ্রুত প্রস্থান ]

হস্ত দৃশ্য ।

দেবসভা—অপরাক্ষ ।

ইন্দ্র, অগ্নি যম, কুবের প্রভৃতি দেবতাগণ আসীন ।

ইন্দ্র । হে আচার্য্য ! কার্য্যাকার্য্য বোধহীন আমি ;  
 নাহি জানি, শক্তিহীন বজ্রের প্রভাবে  
 কিরূপে এ স্বর্গভূমি করিব উদ্ধার,  
 হৃদ্বর্ষ সে দানবের অধিকার হ'তে ।

তার চেয়ে কর অন্তে ইন্দ্রের অর্পণ,  
ভারবাহী বলদেরে দাওছে নিকৃতি ।

বৃহস্পতি । হুরপতি ! বৃথা এ আক্ষেপ কেন মনে ?  
মিলি দেবগণে, যদি নাহি পারে  
করিবারে স্বর্গভূমি—স্বরাজ্য উদ্ধার,  
তুমি একা কি করিবে তার ?  
বিশেষতঃ হরি-সুদর্শন কণ্ঠে যার  
নিপতিত হ'য়ে, বিজয়-পদকরূপে  
ব্যর্থরোধে অগ্নিকণা করে উদগীরণ,  
তাহারে নিধন করে হেন সাধ্য কার ?  
বিধাতার উপদেশ আশীর্বাদরূপে  
লহ বৎস ! মস্তকে করিয়া ;  
পার্বতীর সনে মহেশের পরিণয়,  
যে কোন উপায়ে পার দাও ঘটাইয়া ।

ইন্দ্র । করেছি স্বরণ আমি বিজয়ী মদনে,  
অসাধ্যসাধনে—অঘটন সংঘটনে  
ত্রিভুবনে তার তুল্য কেহ নাহি আর ।  
সেই যদি লয় গুরু ! এই গুরুভার,  
তবেই সম্ভব হবে এ কাণ্ড সাধন ।  
নহে, এই জন্মভূমি স্বাধীনতা ধন,  
হেঁটমুণ্ডে নতশিরে দস্তে তুণ ধ'রে  
চিরতরে দৈত্যকরে বিসর্জিতে হবে ।

( মদন ও বসন্তের প্রবেশ )

মদন । এই যে স্বরণমাত্র এসেছি বাসব !  
আদেশ' কিঙ্করে, কি কাণ্ড সাধিতে হবে ?

ইন্দ্র । ( সিংহাসন হইতে উঠিয়া উভয়ের হস্ত ধরিয়া )  
এস বৎস ! এস প্রিয়তম !

কর অগ্রে শ্রম দূর, বস এ আগনে ;  
তারপর মনোবাধা সকলি করিব ।

( প্যার্বতী আগনে উপবেশন করাইলেন )

বসন্ত

( বসন্ত : ) অসুগত জনে  
অত্যধিক হেন সম্মান জ্ঞাপন,  
স্নেহনিদর্শন নর, শক্তার কারণ ।

( অস্তান্ত দেবগণের পরস্পর মুখাবলোকন )

বসন্ত

হে দেবেন্দ্র ! একি হেরি আকৃতি তোমার ?  
বিলম্ব বসন্ত, দীপ্তিহীন সহস্রলোচন,  
যেন কোন অন্তর্দাহী জীৱ মনস্তাপে  
দহ তব কমলীয় অঙ্গের মাধুরী ।

এ দৃশ্য নেহারি ধৈর্য্য আর সহিতে না পারি,  
কহ করা করি—হে প্রভু ! হে বসন্তধারী !  
কোন কার্য্য সাধনের আশে  
করেছ স্মরণ আজি আজাবাহী দাসে ?  
বিলম্ব সহে না আর—

বল কার ত্রুতভঙ্গ করিতে হে হবে ?  
হোক সে প্রবল অরি—

নর কিম্বা নারী, অথবা মুরারী  
যুড়ি যদি ফুলশর কারেও না ভরি ।  
আজ্ঞা যদি দাও প্রভু ! বিধা নাহি করি,  
পারি অকাতরে—ত্রিপুরারি ধনুর্ধারী  
দেয় দ্বিগুণে ধৈর্য্যহীন করিতে নিমেষে ।  
প্রত্যয় না হয়—

ইন্দ্র

কেন বসন্ত ! হবে না প্রত্যয় ?  
বিশ্বজরী বীরর তোমার, ইথে কারো  
নাহিকো সংশয় । সকলেই জানে  
ত্রিভুবনে দুটি মোর বিজয় উপায় ; —



এক অস্ত্র বহু, অস্ত্র অস্ত্র ভূমি ।  
কিন্তু বহু প্রতিহত তপসীর কাছে,—  
তব শক্তি সর্বত্রই অব্যাহত গতি,  
কলপ্রদ, ছুনিবার, বিপক্ষবিজয়ী ।  
কিন্তু বৎস ! সম্মুখে রাখিয়া দেবগণ,  
যে ভীষণ পণ করিলে এখন,  
দেবভূমি রক্ষাতরে প্রভুধ্বংস চেয়ে,  
হাসিমুখে সে কার্যে কি হবে আশ্রয়ান ?

মদন ।

রাখিতে প্রভুর মান যায় যদি প্রাণ,  
হয় যদি এ দেহের চির অবসান,  
ফুলবাণ থাকিতে এ করে, জেনো প্রভু !  
প্রতিজ্ঞা পালনে কভু কান্ত নাহি হব ।  
বিশ্বাস না হয় দেব ! আজ্ঞা দাও দাসে,  
এখনই ছুটিয়া দাই মহেশ আবাসে ;  
করি গিয়া সম্মোহন বাণের প্রহার,  
নির্ঝিকার চিন্তে তাঁর তুলিগে' বিকার ।

ইন্দ্র

তুষ্ট আমি প্রতিজ্ঞা শ্রবণে ; যাও বৎস ।  
যাও তবে এই দণ্ডে হিমাদ্রি শিখরে,  
যেথায় দেবাদিদেব তপস্তার রত,  
চিন্তবৃত্তি করিয়া সংযত । বীর তুমি,  
বীরত্বের আছে তব যোগ্য অভিমান ;  
যাও মতিমান, ধর করে ফুলবাণ,  
কর ভক্ত ভগবান্ শঙ্করের ধ্যান ;—  
নহে মান, গর্ব সব যায় রসাতলে ।

মদন ।

কেন বৃথা বারবার অস্ত্ররোধ ঘোরে ?  
দাও শিরে পদধূলি, কর আশীর্ব্বাহ,  
কিঙ্করের শক্তি যেন ব্যর্থ নাহি হয় ।  
হে গুরু,—হে বৃহস্পতি ! হে দেবতাগণ !

শ্রীচরণধূলিসনে  
কর দাসে আশীর অর্পণ,  
এতদিন যে সম্মানে ছিলাম বশবী,  
সে সম্মান আজি যেন অব্যাহত রর ।

বৃহস্পতি । ব্রহ্মার মানসপুত্র তুমি,  
দেবতার অতি প্রিয়—আদরের ধনি ;  
তোমাতে যে অহুক্ষণ—  
করিতেছি প্রিয়ধন ! জয় আশীর্বাদ ।

মদন । গুরুমুখে লভিয়াছি জয়,  
নাহি ভয়, চলিলাম ইষ্টের সন্ধানে !  
সাকী থাক' অন্তরায়া,  
সাকী থাক' কর্তব্যের কঠোর ইন্ডিত,  
সাকী থাক' কুলধনুঃ, পঞ্চ ফুলশর ।  
এস হে বসন্ত—

[ প্রস্থানোত্তম ]

ইন্দ্র । ( হস্তধারণ করিয়া )  
চল বৎস ! পথশ্রম নিবারণ তরে  
সঙ্গীতনিপুণা যত সুরাঙ্গনাগণে,  
তব সনে দিই পাঠাইয়া ।

[ ইন্দ্রসহ মদনের প্রস্থান, বসন্তের অহুগমন ]

( অগ্নি ও রতির প্রবেশ )

অগ্নি । আর সে অমরাবতী শোভনা নগরী,  
আর সে বিচিত্রপুরী বৈজয়ন্ত ধাম,  
আর সে গৌরবকীর্তি রাজ সিংহাসন,  
দেবতার অধিকারে নাই, তাই হেথা  
দেবসতা এবে ।



রতি । কই, কোথা রাজরাজেশ্বর ।  
 উঠেঃপ্রবা অধ'পরে চলি বায়ুভরে,  
 বড় গর্জ বেড়েছে ভোয়ার ? লজ্জাহীন !  
 হারাইয়া রাজ্যলক্ষী—রাজসিংহাসন,  
 হারাইয়া সর্ববিধ সম্বল পাথের,  
 ছাড় নাই প্রতারণা তবু প্রতারণ ?  
 স্বার্থপর ! সতীবন্ধু হ'তে  
 ছিনাইয়া আনিয়া পতিরে,  
 কোথা তারে ছেড়ে দিলে কালের আবর্তে ?  
 বল গুরু,—বল বৃহস্পতি !  
 কোথা পতি—রতির সর্ব্ব্ব ধন ?

বৃহস্পতি । 'কি বলিব ?—কি বলে বা আশ্বাসি এখন ?

রতি । কি হেতু নীরব গুরু ? আসিতে আসিতে  
 দেখিলাম পথিমধ্যে যত অমঙ্গল ।  
 অন্ন মন প্রবোধ না যানে, বল স্বরা—  
 তবে কি মদন নাম লুপ্ত চিরতরে ?

বৃহস্পতি । না মা, শঙ্করের তপোভঙ্গ তরে  
 পতি তব অধিষ্ঠিত হিমাদ্রিশিখরে !

রতি । অ্যা, কি বলিলে ।  
 রতিনিদি কপর্দীর প্রকোপে আহত ?

( পতন ও মূর্ছা )

অগ্নি । রক্ষা কর গুরু ! যতনে রতিরে ।  
 চলিলাম কুস্তিবাণ-পাশে,—কহরোবে  
 কি জানি কি ঘটে সেথা অখণ্ড প্রায় ।

[ প্রস্থান ]

সমস্ত দুঃখ !

হিমালয় পর্বতের একদেশ ।

মহাদেব ধ্যানে নিরত, সুবর্ণযেত্র হস্তে

নন্দী ধ্যানার্থে নিযুক্ত ।

নন্দী । প্রভু আমার দ্বার রক্ষার নিযুক্ত করে বেশ নিশ্চিত মনে ধ্যানে বসেছেন । কতকাল যে এ ভাবে কেটে গেল,—তা তো তিনি জানেন না, আরও যে কতযুগ কাটবে,—তাই বা কে বলতে পারে ? আজ থেকে আবার নূতন উপদ্রব শুরু হয়েছে, স্বাবর—জগন্ম সবাই যেতে উঠেছে । কতকণ আর তাদের বাধা দিবে রাখবো ? চারিদিকে কোকিলকুল ডাকছে, অশোক ফুল ফুটছে, মুকুলদল বাবুছে, মলমল বাঘু বইছে, কোন্ দিক সামলাই ? ( মুখে বেত্রোপার্ণ করিয়া ) এই চুপ্, চুপ্ ।

( বসন্ত ও মদনের প্রবেশ )

মদন । তাই তো হে ! এত চেঁচা, এত আড়ম্বর সব ব্যর্থ হল ? নিমেষে সমস্ত জগৎ আকুল হ'য়ে উঠলো, কিন্তু মহাদেবের তো একটু ঠনকও নড়লো না ।

বসন্ত । একি আজ নূতন দেখলে ? জান না কি, মহাদেবের ধ্যানভঙ্গ ক'রতে হ'লে বসন্তের এ সামান্য উন্মাদনার কিছুই হয় না ।

মদন । জানি কিন্তু—চুপ্ ; নন্দী দ্বারে দাঁড়িয়ে র'য়েছে, এখনই দেখতে পেলে অনর্থ ঘটাবে । চল, ঐ দিক দিবে লুকিয়ে ভিতরে যাই ।

( মদন ও বসন্ত অভ্যর্হিত হইয়া মহাদেবের গঙ্গা-তাপে  
আবির্ভূত হইল এক শূভে অঙ্গরাগণ  
গাহিতে লাগিল )

( গীত )

অঙ্গরাগণ ।

আর সখী সবে মিলে প্রেম হার পরি' গলে  
প্রণয়সলিলে করি স্নান !  
মদন ধরেছে করে মধুমর ফুলশরে  
হও সুখী কর জর গান !!  
কাননে ফুটেছে কত আধফোটা ফুল  
ছুটে আসে সে সুবাসে জোলা অলিকুল  
প্রকৃতি সাজারে ডালা পরেছে আলোকমালা  
ভুবন ধ'রেছে মুহূর্ত্তান !  
আর সখী গলা ধ'রে মধুভরা এ বাসরে  
করি দৌছে বিনিময় প্রাণ !!

নন্দী । সর্বনাশ হ'ল, পৃথিবীর সমস্ত প্রাণী কেপে উঠ্লে। কি  
করি, কোন্‌দিক্‌ সামুদ্রাই ? প্রভুর যে ধ্যানভঙ্গ হবার ষো হ'ল। এই  
চুপ্, চুপ্ ।

মদন ।

( পরসংযোগ করিয়া )

প্রলয়ের পূর্বে কির অলখির মত,  
বসন্তরে ! শত্ৰুর এ ভীমমূর্ত্তি হেরি,  
তয়ে মরি—ফুলশর হানিতে তাঁহারে ।

ধর ধর কাঁপে অজ- অক্ষয় ইঞ্জিন,  
চক্ষে হেরি গাঢ় অন্ধকার । হার, হার !  
কেন আমি মরেছিছ তায়, শিবচিন্তে  
তুলিতে বিকার ? কেন আমি ব'লেছিছ  
সবার সমক্ষে, দেবতার মুখরক্ষা  
আমিই করিব ? কেন আমি দস্তভরে  
আপনার গর্ভশিরে হানিলাম বাণ,  
কেন বা আহতি দিতে প্রাণ,  
আমিলাম ছুটে পতনের মত  
প্রজ্বলিত হরকোপানলে ?

বসন্ত ।      ভাবিতে উচিত ছিল প্রতিজ্ঞা যখন,  
এখন তাহার অস্ত বৃথা অহুতাপ ।

যদন ।      কিছু সখা, জর-আশা নিতান্ত ছুরাশা !

বসন্ত ।      সাধ,মত চেষ্টা কর, ধর ধরুর্বাণ,  
সিদ্ধ যদি নাহি হয় দুঃখ কিবা তায় ?

যদন ।      ( পুনরায় পরসংযোগ করিয়া, ব্যর্থচিন্তে )

না—না, কিছুতে হ'ল না ; কোনমতে  
পারিব না—ধৈর্য্যচ্যুত করিতে শরীরে ।  
জল বাই ফিরে, ফুলশর ত্যজি—  
করি গিয়া দৌছে আজি কাননে বসতি ।

( ফুলধরু ও পর নিষ্কণ করিয়া উত্তরে কিয়দূর অগ্রসর হইলে )

বসন্ত ।      শোন সখা, কাণ পেতে শোন,—  
কলহাত, রিতা—বিয়োগবিধুনা—বিষণা—  
শ্রেয়িকার করুণ আহ্বান সম  
বাহুভরে ভেসে আসে  
কি যেন কি মনোহর অব্যক্ত সঙ্গীত ।

মদন ।

( উৎকর্ণ হইয়া )

না—না প্রিয়তম ! ও নহে সঙ্গীত ;

কার বেন নুপুরের রুণু রুণু ধ্বনি

স্বমধুর বুজ্যসম ডালে ডালে নেচে

ধীরে ধীরে আসে কাছে সাহায্যে আমার ।

( সোলাসে ) ভাই—ভাই ! বুঝিবা এ বিধির প্রেরণা !

হয় তো বা কার্যসিদ্ধি হবে,

তারি এই প্রথম গুচনা ।

( পার্বতী ও সখীদ্বয়ের প্রবেশ )

[ তদীয় নুপুরশিঞ্জন শুনিয়া মদন পুলকিতাঙ্কুরে  
কিরিয়া দাঁড়াইলেন ]

মহাদেব । ( চক্ৰস্মীলন করিয়া ) নন্দী !

নন্দী । এই যে প্রভু !

মহাদেব । হিমালয়-কন্ঠা পার্বতী এখনো আসে নি ?

নন্দী । ঐ আসছেন ।

মহাদেব । ( স্বপতঃ ) তার প্রতি কেমন বেন আমার একই  
অহুবাগ এসেছে, আসক্তি জন্মেছে । তার ঋতিমধুর নুপুরশিঞ্জন শুনে  
আমি স্বপ্নোখিতের মত জেগে উঠি, তার আসবার সময় হ'লে আমার  
দ্যান বেন আপনি ভেঙ্গে যায় । কেন এমন হয় ?

( পার্বতী আসিয়া পুষ্পসস্তার তাঁহার চরণপ্রান্তে  
রাখিয়া গলবস্ত্রে প্রণাম করিলেন )

কল্যাণি । কল্যাণ হোক ; আশীর্বাদ করি, তুমি তোমার মনোমত  
পতি লাভ কর । কিন্তু একটা কথা বলি—বালিকা হ'লে কতকাল  
আর এ ভাবে আমার সেবা করবে ? তোমার পুজার আমি সন্তুষ্ট  
হ'য়েছি, এক্ষণে বর গ্রহণ কর ।

পার্বতী । অল্প বর কিছুই চাই না, আমাকে শুধু এই বর দিন,  
যাসী যেন কোনদিন আপনার চরণসেবার বঞ্চিত না হয় ।

মদন । পার্বতীর এ অনন্ত রূপজ্যোতিঃ হেরি,  
অস্তরে জেগেছে মোর নূতন উৎসাহ ;  
হইরাছে আশা, এ নারী সহায় করি—  
নিশ্চয় জিনিব আজি সময়ে বিজয় ।

( ফুলধনু ও শর উঠাইয়া লওন )

মহাদেব । আয়ুষ্কামি ! আমার জন্ম আজ কি উপহার এনেছ ?

পার্বতী । আপনার জপের জন্ম পদের বীজ শুকিয়ে যে মালা  
গেঁথেছি, তাই আজ আপনার চরণে উপহার দিতে এনেছি ।

মহাদেব । কই দেখি ? ( হস্ত প্রসারণ )

মদন । উপযুক্ত অবসর, হানি ফুলশর,—  
দেখি, পারি কিম্বা হারি জিনিতে সম্বর ।

মহাদেব । ( বিক্ষুব্ধ হইয়া ) একি ! কেন মন হইল উন্মাদ ?  
কেন বা এ অকস্মাৎ জাগিল লালসা ?

( রক্তচক্ষু হইয়া চতুর্দিক্ অন্বেষণ করিতে করিতে মদনকে-

দেখিবামাত্র তাঁহার তৃতীয় নয়ন হইতে এক

অনির্বচনীয় অগ্নি নির্গত হইয়া মদনকে

ভস্মীভূত করিয়া ফেলিল )

দেবকণ । ( অন্তরীকে আবির্ভূত হইয়া )

রক্ষা কর—রক্ষা কর শুগবন্ !

কাস্ত হও—সর্বনাশ করো না সাধন ;

ক্রোধবশে মদনেরে নিহত করিয়া,

হে শকর ! সৃষ্টিলোপ করো না জীবের ;

মহাদেব । ( যোগাসন পরিত্যাগ করিয়া )  
 রে মম্বথ ! যোগাশাস্তি লভেছিষ্ তুই ।  
 ক্ষুত্র হ'য়ে এত স্পর্ধা ! এত অহঙ্কার !  
 পাত্ৰাপাত্ৰ না করি বিচার, এসেছিলি  
 আজি তুই, ধূর্জটীরে করিতে প্রহার ?  
 ধিক্ তোরে, ধিক্ তোর জয় আকাঙ্ক্ষার ।

[ প্রস্থান ]:

( হিমালয়ের প্রবেশ )

হিমালয় । আয় পুত্রী, বক্ষে আয় ;  
 মদন হ'য়েছে ভঙ্গ হরকোপানলে,  
 তোর মনে দুঃখ কিবা তার ?  
 তুই রাজপুত্রী, চির স্নেহের সামগ্রী,  
 তোরে করে অবহেলা হেন সাধ্য কার ?  
 ক্রোড়ে আয় জননী আমার,  
 স্নাথি তোরে বুকে ধ'রে স্নেহ আবরণে ।

( পার্শ্বতীকে বক্ষে ধারণ ):

# দ্বিতীয় অঙ্ক ।

প্রথম দৃশ্য ।

শয়ান ।

আলুথালুবোশে রতি ও চিতাসজ্জায় ব্যাপ্ত বসন্ত ।

রতি । কোথা প্রিয়তম ! কোথা তুমি  
অবলা জীবন ! দেখা দাও, ফিরে চাও,  
সহিতে পারি না আর এ তীব্র যাতনা ।  
জান না কি সতীনারী পতি অদর্শনে  
জীবন-যৌবন তার জনমের মত  
ভারবোধে বিসর্জন দেয় হতাশনে ?  
জেনে শুনে কেন নাথ ! বিনা অপরাধে  
সাধে বাদ সাধিয়া আমার,  
চ'লে গেলে দুবাস্তরে ত্যজিয়া রতির ?  
ওহো ! ভাবিতে যে ফেটে যায় বুক,  
হে শঙ্কর ! কিবা সুখ লভিলে বল না,  
বালিকারে বিনাদোষে বিধবা করিয়া ?  
ত্রিভুবনে সকলেই করে জয়গান,  
তুমিহে মঙ্গলময় করুণানিদান,  
তবে কোন্ ইষ্ট সাধনের তবে  
অবলার প্রাণনাথে করিয়া হরণ,  
সে নামে কলঙ্ক আজি করিলে লেপন ?

বসন্ত । ( বাষ্পানিরুদ্ধ শুষ্ককণ্ঠে )

এস দেবী পতিব্রতা !

মনোব্যথা হরিতে তোমার,—

নিজহাতে আলিয়াছি চিতা ।

বুধা কি ছিলাম তবে দাস এতদিন ?



অস্তিম সময়ে যদি চিত্তা সাজাইয়া  
 না করিব উপকার প্রভু বনিতার,  
 তবে আর সে সেবার চিহ্ন কিবা রবে ?  
 মদনের বন্ধু আমি, বাণ্যসহচর,  
 আমি যদি তার যত্নে স্বচক্ষে না দেখি,  
 আমি যদি তার শোকে জীবন না রাখি,  
 তার সহধর্মিণীর সম্বন্ধে চিত্তার—  
 স্বহস্তে যত্নপি আমি আগুন না জালি,  
 তবে আর ত্রিভুবনে সাক্ষী কে থাকিবে  
 বন্ধু বিনা শেষরক্ষা কে আর করিবে ?  
 সখা, আর জ্বালাতন করিতে চাহি না ;—  
 শোন মাত্র শেষ কথা—শেষ আবেদন,  
 বৎসরান্তে আমাদের করিও তর্পণ ।  
 তুমি তো সকলি জান,  
 তিনি যাহা বাসিতেন ভাল ;—  
 সেই মধু বসন্তের মুকুলমুঞ্জরী  
 তোয়াঞ্জলি সহ সখা ! তাঁহার উদ্দেশে  
 'সাদরে অর্পণ ক'রো এই আকিঞ্চন ।  
 আর আমি শূন্যমনে, শূন্য অপেক্ষায়,  
 শূন্য আকাশের পানে শূন্যনেত্রে চাহি,  
 পূর্ণপ্রেম রসাস্বাদে বঞ্চিত রব' না ।  
 যাই আমি সেই পুণ্যলোকে,  
 যেথায় রতির স্বামী রতি ভুলে আছে ।

( ক্রতবেগে প্রজ্জ্বলিত চিত্তার আত্মাহুতি দিতে উদ্বৃত্ত হইলে দেবর্ষি নারদ আসিয়া বাধা দিলেন ) .

নারদ । কর কি মা ! ধৈর্য্য ধর, রহ ক্ষণকাল ;  
 এখনও হয়নি কেনো কালপূর্ণ তোমার পতির ।  
 অতি সযতনে রাখ সে শরীর,  
 অচিরে ফিরিবে প্রাণ কোন ভয় নাই ।

রতি । এ আশ্বাসে বিশ্বাস না হয় ;  
 হেন ভাগ্য যদি মোর হবে,  
 কেন তবে রতির এ দুর্দশা ঘটিবে ?  
 কেনই বা হরকোপাননে  
 স্বামীর সে চাক্ষুস উন্মসার হবে ?

নারদ । হৃৎকথন,—  
 এইছিল বিধিলিপি তার :—  
 একদা ব্রহ্মার চিন্তে তুলিয়া বিকার,  
 নিজকৃত্য সরস্বতী প্রতি  
 আসক্তি আগায়ে দিলে,  
 পতি তব করেছিল যেই মহাপাপ,  
 তারি বিষম ফল এই অভিশাপ ।  
 বিশ্বয়ে চেয়ো না মুখপানে,  
 জেনো স্থির—অতিসত্য এ গুহ্য সংবাদ ।

বসন্ত । জানি ঋষি ! আত্মশক্তি বিশ্বসিতে,  
 ফুলশরে পরীক্ষা করিতে,  
 লভিতে ত্রিলোকজয়ী চিন্তের প্রসাদ,  
 করেছিল হেন কায কৌতুকের বশে ;—  
 নহে মন অভিপ্রায়ে, আমি সাক্ষী তার ।

নারদ । সাক্ষী হয় প্রয়োজন বিচার আলয়ে ।  
 বিচারের অতীত যা কিছু ;  
 ফল তার ফলে কর্ম জীবনেই ;—  
 কর্মেই বিকাশ, কর্মেই নিহতি পুনঃ ॥

রতি । এত যদি জানেন দেবর্ষি !  
 কৃপা ক'রে বলুন আমারে,  
 স্বামী মোর কতদিনে শাপমুক্ত হবে ?

নারদ । পার্বতীর তপস্তায় যবে ভূষ্ট হ'য়ে  
 দেবদেব মহাদেব অতি সমাদরে

পত্নী ব'লে ধরিবেন বন্ধঃপরে তাঁরে,  
 সেইদিন—সে শুভ মুহূর্ত্তে  
 মুক্ত-হবে তোমাদের দাম্পত্যজীবন ।  
 রতি । বল ঋষি ! বল, লভিতে ঈশ্বরে স্বামী—  
 পার্বতী কি তপস্শায় হ'য়েছেন ব্রতী ?  
 -নারদ । সিদ্ধিলাভ নহে তাঁর বেশী দূর আর,  
 সিদ্ধিদাতা মহাদেব শিয়রে তাঁহার ।  
 জীবন করিয়া পণ, ধরি অনশন,  
 নগেন্দ্রনন্দিনী—স্বয়ং পার্বতী সতী  
 যে ভীষণ তপস্শায় হ'য়েছেন ব্রতী,  
 তাহে দেব পশুপতি তুষ্ট নাহি হ'লে  
 আশুতোষ নামে তাঁর কলঙ্ক রটিবে ।  
 সে তপস্শা কত যে ভীষণ,  
 কল্পনায় নাহি আসে কারো ।  
 গ্রীষ্মকালে চতুর্দিকে জালি হতাশন,  
 তারি মধ্যে আসন রচিয়া  
 উদ্ধনেত্রে চেয়ে থাকে দিবাকর পানে ।  
 বর্ষায় বসে সে ধ্যানে মুক্ত আবরণে,  
 তুচ্ছ গর্গি' জলদের ভৈরব ছঙ্কার ।  
 শীতে আকণ্ঠ নিমগ্ন করি জলে,  
 থাকে নিবানিশি মন্দাকিনী গর্ভে পশি'  
 মৃত্যুঞ্জয়-পতিপদে আত্মবলি দিয়ে ।  
 রতি । হে দেবর্ষি ! আমিও নির্জনে বসি,  
 আজি হ'তে—পতিস্থতি বন্ধে ধ'রে শুধু,  
 করিব অরণ্যে গিয়া পতিরূপ ধ্যান ।  
 -বসন্ত । আমিও রাখিছ ঋষি ! প্রাণ,  
 ভবিষ্যৎ আশামাত্র সম্বল করিয়া ।

## । অতীত দৃশ্য ।

পথ ।

ইন্দ্র ।

আগুন নেভাতে গিরে,  
জ্বলে ওঠে পুনরায় দাউ দাউ ক'রে ।  
ত্রস্তবরে বলিমান্ দুর্দান্ত তারক  
সর্বশক্তি, অধিকার আরম্ভ করিয়া,  
কিছুতে চাহেনা দেখি তিলেক বিশ্রাম ।  
মূর্ত্তিমান্ কর্মবীর,  
কর্মসনে সতত আলাপ,  
কোনঘতে নারিলাম নিরস্ত করিতে ।  
ব্যর্থমাত্র অভিনয় করিয়া এসেছি,  
রাজশব্দ শিরে আমি বৃথাই বহেছি,  
কলঙ্ক কিনেছি শুধু “শতমহ্য” নামে ।  
সঙ্কোপনে নিশিদিন পশি' রাজধানী,  
হেরি কার্যাবলী—কলাকুশলতা,  
সার্থক স্বরাজ শব্দ করি অসুভব,—  
প্রতিপদে—প্রত্যেক ঈদ্রিতে ।  
পরাজিত, পলায়িত স্বদেশ হইতে,  
তথাপি পশিতে মনে ঘৃণা নাহি হয়,  
নির্বিচার, অচৈতন্য, পাছুকালেহক ;—  
ধিক !

( অগ্নির প্রবেশ )

অগ্নি ।

কে দেবরাজ না ?  
কোথা যাও চূপি চূপি উপহার ল'য়ে ?  
ছেড়ে দাও রাজ্য-আশ,  
ছেড়ে দাও ইন্দ্রানী উদ্ধার ;

যতই করিবে ভোষামোদ,  
ততই বাড়িবে ক্রোধ—অনলে ইন্ধন !  
জান নাকি মদনের দশা,—  
শোন নাই কি কারণে অভিশাপ তার ?  
নিরতির এ ঔদ্ধত্য মার্জনীয় নয় ।

ইন্দ্র ।      তারও চাও দুর্দশা দেখিতে ?  
ঔদ্ধত্যের পুরস্কার কেমন প্রকট,  
কেমন হীনতাময় নীচ প্রত্যাখ্যান  
চাহ যদি প্রত্যক্ষ করিতে, এস সাথে—  
অস্তুরাল হ'তে দেখি সে দৃশ্য করণ ।

অগ্নি ।      কি বলিছ তুমি দেবরাজ ?  
এরি' পরে করিছে নির্ভর,  
ভবিষ্যের যে নির্ঝিন্ন সাফল্য সকল !

ইন্দ্র ।      কি রকম ?

অগ্নি ।      উমা মহেশ্বরে হইবে মিলন,  
মদন নিধন হেতু—  
সে আশা যে নির্ঝাপিত প্রায় ;  
তাই এই নবপন্থা—নূতন উপায়,  
ঘুরিছে নিরতি নিত্য মাল্য ল'য়ে করে,  
যদি ধরে করে—প'রে গলে, তবেই সুরাহা ;  
নতুবা—

ইন্দ্র ।      নতুবা কি ? নতুবা হইবে রুদ্ধ,  
চিরজরে স্বর্গরাজ্যে প্রবেশের দ্বার ?

অগ্নি ।      তাই বুঝি পূর্ব হ'তে  
সঙ্কোপমে নিয়ে যাও ডালি,  
যদি দেয় কিরায়ে ইজ্রাগী ?

ইন্দ্র ।

যৈশানর !

শ্লেষ বা বিক্রমে আর নাহি আসে স্থণা,  
শোকে কোঙে এ সবেয় বাহিরে গিয়েছি ।  
কিন্তু একবার—ভাব দেখি একবার,  
ইন্দ্রাণীর কি দশা আমার ? খোঁজ ল'ব,  
সেটুকুও নাহি অধিকার । আমি ভর্তা,  
অক্ষয় পালক তার, অযোগ্য এ করে  
তারে, বধুরূপে করেছি গ্রহণ,  
করি পণ—সাক্ষী রাখি তোমা হতশন,  
জীবনে মরণে সদা সঙ্গিনী রাখিব ।  
কোথা সেই পণ রক্ষা,  
কোথা বা সে যোগ্যতা আমার ? বজ্র ! বজ্র !  
এতদিন ছিলে তুমি সহায় আমার,  
আজ্ঞামাত্র ছুটে যেতে অতীষ্ট সাধনে—  
অবিচারি' উচ্চ-নীচ সমান আগ্রহে ।  
আর আমি আজি তব করুণা ভিখারী,  
ধ্বংস কর—লুপ্ত কর প্রভু শব্দ নাম  
বিদারি' পাষণ বক্ষঃ পাপবৃন্তি সহ ।

অগ্নি ।

অনুতাপে আছে কি নিস্তার ?  
ভেবেছ কি—মরণেও পাবে পরিজ্ঞান ?--  
লভেছ অমর নাম জগতে হুম্মভ !

ইন্দ্র ।

( অশ্রুমনস্কে ) অগ্নি ! অগ্নি ! তুমিও তো পার,  
দাহ করিবার শক্তি তোমারও তো আছে ;  
কৃপা কর, তুমি মোরে কৃপা কর ভাই !

( হস্ত হইতে উপচৌকন পড়িয়া গেল )

অগ্নি ।

ঘটে বুঝি মস্তিষ্ক বিকার, এ যে হেরি—  
তারি পূর্বাভাষ ! দেবরাজ—দেবরাজ !

[ ধরিয়া লইয়া প্রস্থান ]

## পট পরিবর্তন ।

( নগরী সুসজ্জিত করিতে করিতে )

ভারক । এই কি অমররাজ্য স্বাধীন আবাস ?  
 এই কি ঈশিতস্থান—কাজ্জনীয় দেশ ?  
 চারিদিকে আবর্জনা, দুর্গন্ধের স্তূপ,  
 চারিদিকে আলশ্বেব হতাশ বিষয়,  
 হেথা আসি—বিরামের নাহি অবসর ।  
 অমৃতের আশ্বাদ কোথায় ? সে কোথায় ?  
 শুষ্কভূমি—মরুভূমি ধ'রেছে আকার,  
 পত্র, পুষ্প, ফল—সেও আজ  
 নাহি ধরে বৃক্ষরাজী আর, সুনির্মিত  
 হৃদয় সব—ভয়প্রায় সংস্কার অভাবে ।  
 কোন্‌দিকে করি দৃষ্টিপাত ?  
 কোন্‌কার্যে করি হস্তক্ষেপ ?  
 আসিয়া অবধি—  
 পরিষ্কৃত করিতে জঞ্জাল,  
 বিতাড়িত করিবারে বিধর্মীর দলে,  
 কেটে গেল কাল—সকল উত্তম ।  
 এই কি নন্দনবন ? হি—হি !  
 পারিজাত—কুসুমের রাজা,  
 সেও আজ গন্ধহীন ব'লে,  
 ঘৃণাভরে ত্যজি দূরে  
 চলে যায় ভ্রমরী-ভ্রমর,  
 তিলমাত্র করে যারা মধু আকিঞ্চন ।  
 এই সব বৃক্ষ পুরাতন,  
 জীর্ণ ও নিফল, উৎপাটিয়া এ সকল,  
 প্রয়োজন—নবকেন্দ্রে নূতন আরোপ ।  
 ( স্বহস্তে নূতন নূতন বীজবপন, জলসিঞ্চন ইত্যাদি )

( সম্মুখে পুষ্পমালা করে নিয়তি আসিয়া বাধা প্রদান,

অদূরে পশ্চাতে খড়গ ও ছিন্নমুণ্ড হস্তে

শক্তির আবির্ভাব )

- কে আপনি? আমার অলক্ষ্যে আসি,  
হাসিমুখে—চঞ্চল চরণে,  
ধন, ধান্ন, প্রীতিরানি অঞ্চলে উড়ারে  
নীরবে কাড়ালে ক'খি' সম্মুখ আমার ?
- নিয়তি । জয়মালা এসেছি অর্পিতে ।  
শক্তি । নহে উহা জয়মালা—বধ্যমালা বটে !  
তারক । কে আপনি ?  
নিয়তি । ( নিরস্তর )  
তারক । কে আপনি ?  
নিয়তি । ( নিরস্তর )  
তারক । কে আপনি ?  
নিয়তি । আমি ?—আমি ?—কি বলিব কেবা আমি ।  
(  
তারক । কহ দেবি ! নির্ভয়ে সঙ্কোচ ত্যজি ।  
নিয়তি । ভয় বা সঙ্কোচ,  
এ সকল মোর পাশে না পারে ঘেসিতে ।  
তারক । হেঁয়ালির ভাষা আমি না পারি বুঝিতে ;  
কহ শীঘ্র, ধৈর্য্যচ্যুত নাহি কর বৃথা ।  
নিয়তি । দেবতার গৃহে চল, করহ শপথ !  
তারক । দেবতা ! দেবতা ! এখনো দেবতা !  
শীঘ্র কহ, আমি বড় উদ্বেজিত,  
উৎপীড়িত বন্ধা-আবর্তনে ।  
নিয়তি । কি কহিব, এতদেও না পার বুঝিতে ?  
বেশ, অন্তরাত্মা ছুঁয়ে বলি ?



তারক। একি,—একি ! কে আপনি ?  
আমার এ মর্শ্ববাণী,  
কেমনে তোমার জানে আসিল রমণী ?  
কে তুমি ?—কে তুমি ?

নিয়তি। কৰ্মফলদাসী আমি, সেবিকা শৌৰ্য্যের,  
সততার প্রিয়সখী,—সজ্জনসঙ্গিনী,  
বর্ধিনী স্কৃতিধারে প্রাক্তন-প্রারন্ধে ।

তারক। একি কথা শুনি তবমুখে ! হেন  
নব বাণী—নব ধর্ম—নবীন আশ্বাদে !  
প্রাক্তনের নামগন্ধ কিছু মোর নাই,  
আছে কিছা ছিল তাহাও জানি না ;  
তবে যদি প্রারন্ধের থাকে কোন ফল,  
বিন্দুমাত্র তাহে যদি থাকে অধিকার,  
করি নমস্কার—যে হও সে হও তুমি ।  
জন্মভূমি হ'তে মোরা চির বিতাড়িত,  
অমৃত আশ্বাদে ছিন্ন সতত বঞ্চিত,  
এবে তব আগমন—শুভ পদার্পণ,  
সার্থক করিল মোর জীবন-যৌবন  
জ্ঞান ও বিজ্ঞানে বাধি বাধ ; সত্য ইহা—  
অস্তরাগ্নিই একমাত্র দেবতা জগতে,  
এ দেহ মন্দির তার, নৈবেদ্য ইঞ্জিয় ।  
তুমি দাসী—ওকথা বলো না আর ;  
তুমি মাতা, আমি পুত্র,  
মাল্য-বিনিময়ে লইলাম শিরে,  
অক্ষর ঐশ্বর্য্যজ্ঞানে ত্রিচরণধূলি ।  
( শক্তিমূর্তি বিনিময়ে জগদ্ধাত্রীমূর্তি আবির্ভূত )  
জগদ্ধাত্রী । মর্যাদা যতপি বীর ! পার রাখিবারে,  
ছিন্নশির বিনিময়ে এই সিংহাসন,  
অনন্ত—অনন্তকাল সাক্ষীরূপে রবে ।

নিয়তি । ( হস্তনির্দেশে ) ওঠ বীর !  
 তব যোগ্য পুরস্কার ওই সিংহাসন ।  
 তারক । সিংহাসন ! সিংহাসনে পাই বড় ভয় ।

( জগদ্ধাত্রীমূর্তি অন্তর্হিত, স্বর্গলক্ষ্মীর আবির্ভাব )

স্বর্গলক্ষ্মী । তা কি হয় ?—এস পূজা, এস হে বরেণ্য !  
 ( তারকের সন্নিকটে আগমন ও হস্তধারণ )

তারক । কি বলিছ ?—না—না, বড় ভয়—বড় ভয় ;  
 আসে যদি ব্যাস্তমুখে বহু অরাতির,  
 গ্রাসেও যতপি মোর অর্দ্ধ অবয়ব,  
 তথাপি—তথাপি আমি নাহি করি ভয়,  
 যত ভয় এই—

নিয়তি । বৎস !

তারক । মাতা !

নিয়তি । উপবিষ্ট হও সিংহাসনে ।

তারক । না—না, ও আদেশ ক'রো না আমারে ;  
 তার চেয়ে পুনরায় চলে যাব বনে,  
 অনশনে কাটাইব কাল,  
 তথাপি না বসিব মা ! ভোগের আসনে ।

নিয়তি । বৎস ! এখনো ঘোচেনি ভ্রম ;  
 নহে সিংহাসন—ভোগের আসন ।  
 কর্ম ব্রহ্ম—কর্ম নারায়ণ,  
 বিনা ভোগ—কর্মে আলিঙ্গন,  
 তারি নাম রাজ-সিংহাসন ।

তারক ! মা—মা !

নিয়তি । প্রাণাধিক ! প্রিয়তম !

এখনো কি চিনিছ না মোরে ? একবার,  
 একবার চেয়ে দেখ—মুখ তুলে দেখ ।

( লজ্জানতমুখী )

তারক । একি ! কে তুমি ?—কে তুমি ?—  
তুমি যে আমার সেই আরাধ্যাজননী,  
মধুবন-অধিষ্ঠাত্রী, ভাগ্যা-প্রবর্তিকা,  
নবপদ্মা-প্রদর্শিনী, আলোকদায়িনী ?  
এখানেও তুমি ! মা !—মা !

স্বর্গলক্ষ্মী । নহে সে আলোক, উহাই অমৃত ;  
তুমি ভাগ্যবান্—তাই পেয়েছ সন্ধান ।

তারক । কি হেতু ছলনা মাতা, সন্তানের সাথে ?

নিয়তি । বৎস ! কি কহিব,  
ঔদ্ধত্যের উপযুক্ত এই পুরস্কার ।

স্বর্গলক্ষ্মী । এস প্রিয়, এস বীর,  
এস নব নটবর অমরাবতীর,  
পূর্ণকর হতমান শূন্য সিংহাসন ।

নিয়তি । আমার আদেশ ।

তারক । মা !—মা !

নিয়তি । অনুনয় ।

তারক । মা !—মা ;

নিয়তি । শোন- মন দিয়া শোন ;—  
কর্ম-অবসানে  
কাম্য ইহা প্রত্যেক জীবের ।  
তুমি যদি কর ব্যতিক্রম,  
মম গতি রুদ্ধ হবে চিরদিন তরে ।

তারক । মা !—মা !

নিয়তি । সকল ইন্দ্রিয় যবে মনেতেই লয়,  
আত্মা সনে পরমাত্মা হয় পরিচয় ।  
উত্থান-পতন—প্রকৃতির এ নিয়ম,  
দেবতা—দানব, দানব—দেবতা !

## কৃতীকৃত দৃশ্য ।

গৌরী-শেখর ।

পার্বতী তপস্কারতা, অদূরে সখীদ্বয় আসীম ।

লীলা । ওলো ! শুধু শিবপূজা ক'রলেই হয় না, এমনি ক'রে তপস্কা করা চাই ।

অনিলা । সাধনা না ক'রলে কি আর সিদ্ধিলাভ হয় ? সখীর মত যদি সবাই এমনি করে, জীবন-যৌবন আহুতি দিয়ে আপন আপন পতি বেছে নেয়, তাহ'লে—

লীলা । তাহ'লে আর কারুর বিয়ে হ'ত না, একটা বরেই পাঁচটার বিয়ে হ'ত, সতীনে সতীনে জগতটা ছেয়ে যেত ।

অনিলা । দূর, তা' কেন ; তাহ'লে বরং সংসারটা বেশ একটা স্বপ্নময়—সঙ্গীতময়—সুখের রাজ্য ব'লে বোধ হ'ত । স্বামী তাকেই বলে, যে স্ত্রীর—অবলার—আশ্রিতার সমস্ত দায়িত্ব গ্রহণ করে, তার অভাব পূরণের জন্য আশ্রাণ চেষ্টা করে । স্ত্রীও তাকে বলে, যে স্বামীকেই সর্বস্ব—দ্বিতীয় জীবন মনে ক'রে সমস্ত সুখৈশ্বর্য বলি দিয়ে গাছতলায়, এমন কি জলস্ত অগ্নিতেও ঝাঁপ দিতে কুণ্ঠাবোধ না করে ।

লীলা । বোন, এ কি শুধু পার্বতীকে দেখেই বলছিস ?

অনিলা । তা' কেন, স্বামী কে ? স্বামী যে মনের রাজা, দেহের রাজা, এক প্রাণই বিধা বিভক্ত বৈভো নয় ।

লীলা । এ আদর্শকে গ'ড়ে তুলতে হ'লে নূতন জগত সৃষ্টি করতে হয় । তাই,—তাই বুঝি এই উমামহেশ্বরের কঠোর তপস্কা !

অনিলা । কি ভাবছ ?

লীলা । ভাবছি,—এরি মধ্যে তুই এ সব শিখলি কেমন ক'রে ?

( মেনকার প্রবেশ )

মেনকা । উমা ! মা আমার !

অনিলা । এই দেখনা সই মা !- সই আর আমাদের সঙ্গে খেলা  
করে না, মোটে হাসে না, একটা কথাও কয় না ।

মেনকা । উমা ! এই ছিল তোর মনে ?

মাতা বর্জ্যমানে—

গৃহ ছেড়ে এসেছি বনে,—

অনশনে অতিক্রমি দিবস-যামিনী,

সেজেছি সৌবনে যোগিনী ;

না জানি এখনো কত নবসাজে সাজি

ব্যথা দিবি অশ্রুগিনী জননীর প্রাণে ।

আয় বাছা ! ঘরে ফিরে,

তোর এই দুঃখভরা শুকমুখ হেরে,

আমার বুকের রক্ত জল হ'য়ে আসে,

আসে মোর কাঁপে কায়, রসনা শুকার,

দিশেহারা হই আমি উন্মাদনাবশে ।

( হিমালয়ের প্রবেশ )

হিমালয় । মেনা, পারি না তোমারে আর ;  
উন্মাদের মত ছুটে এসেছ আবার,  
বাধা দিতে তনয়ার স্বকৃতির পথে ।

মেনকা । কেন যে এসেছি—তুমি কি বুঝবে স্বামী ?  
দেখদেখি—কি হ'য়েছে কঙ্কার আকৃতি !

হিমালয় । ( স্বগতঃ ) এইবার বুঝি মোর হয় সর্বনাশ !  
ঐর্ষ্য আর কোনমতে প্রবোধ না মানে ।  
এতদিন রুদ্ধস্বাসে—পাষাণে বাধিয়া  
প্রাণ, বেঁধেছিলুম যে মহান বাধ—

মর্শভেদি-বেদনার শ্রোতে, মুহূর্তের  
এ আঘাতে আজ বুঝি ভেঙ্গে চূরে যায় ।  
( ভয়কণ্ঠে প্রকাশে ) পার্বতী !

পার্বতী । বাবা !

হিমালয় । কাষ নেই তপস্যায় আর ;  
এ কঠোর ত্যাগব্রত ছেড়ে  
ঘরে ফিরে চল্ এবে নন্দিনী আমার ।

পার্বতী । বাবা, তুমিও কি বাদী হ'লে আজ ?  
তুমিও কি—( কাঁদিয়া ফেলিলেন )

হিমালয় । নামা, আমি কিছু বলিতে চাহিনা ;  
চেয়ে দেখ্—একবার মা'র মুখপানে,  
প্রাণে তার হানে কত বৃশ্চিক দংশন ।

পার্বতী । মাগো ! করি মানা, কেঁদো না আমার তরে ;  
আমিও কি স্মৃথে আছি তোমাদের ছেড়ে ?  
কিন্তু মাগো ! নারীধর্ম অক্ষত রাখিতে,  
আত্মীয়-স্বজন ছেড়ে—যদি চিরতরে  
বনবাসী হ'তে হয় মোরে, বল মাতা !  
কাতরা কি হবে তার হিমাদ্রিতনয়া ?

মেনকা । দিন দিন তোর এই ক্ষীণদশা হেরি,  
অমঙ্গল ভয়ে বে মা ! কাঁপে এ অন্তর ।  
করি অনুরোধ, একবার ঘরে চল্,  
মুখে দিবি শুধু বাছা ! একফোটা জল ।

পার্বতী । মাগো ! নাহি ভয়, নাহি সে সংশয়,  
মৃত্যুঞ্জয় মহাদেব ইষ্টদেব যার,  
ক্ষুধা, তৃষ্ণা, অমঙ্গল থাকে কি মা তার ?  
একবার ভক্তিভরে শুধু বিশ্বদলে,  
অর্ঘ্য দিলে মহেশের চরণকমলে,

প্রাণের অভাব যত দূর হ'য়ে যায়,  
শান্তি, সুখ, চিরতরে সঙ্গী তার হয় ।  
করি অনুনয়, যাও মাগো ! ঘরে ফিরে,  
নির্জনে থাকিতে দাও যোগাসনে মোরে ।  
যাও বাবা ! হাসিমুখে সঙ্গে ল'য়ে মা'কে ।

[ হিমালয় ও মেনকার প্রস্থান ]

লীলা । সখি ! বাপ্, মা'র প্রাণে করি শেলাঘাত,  
উচিত তোমার কিলো হেন স্বাধীনতা ?

পার্বতী । স্বাধীনতা, স্বৈচ্ছাচার নহে ইহা বোন্ !  
নারীধর্ম এ সংসারে বড়ই কঠোর ;—  
আজন্ম করিয়া বাস পিতার আলয়ে,  
একদিনে—মুহূর্তের মন্ত্র উচ্চারণে,  
সেই পরিচিত, শৈশবের স্মৃতি-পুতঃ,  
স্নেহসার পিতৃগৃহ হ'য়ে যায় পর,  
তখন স্বশুর ঘর হয় আপনার ।  
তুচ্ছ তার মাতৃস্নেহ—পিতার আদর,  
সিঁথির সিঁদুর শুধু গৌরব সতীর ।

( ব্রহ্মচারী বেশে মহাদেবের প্রবেশ )

মহাদেব । সত্যকথা আয়ুস্মৃতি !  
স্ত্রীলোকের গতি—একমাত্র পতি,  
তোমার এ উক্তি শুনে বাস্তবিক মনে  
জাগিয়াছে পরম উল্লাস, বুঝিলাম—  
এ সংসারে নারীরত্ন তুমি । কিন্তু বালা ! ..  
তোমার এ কার্য্য দেখে হয় অনুমান,  
জ্ঞান, ভক্তি, শিক্ষালাভ অসম্পূর্ণ তব ।

পার্বতী । কেন সখি ! অপরাধ কি করেছে দাসী ?

মহাদেব । অপরাধ,—অপরাধ অতি ভয়ানক ।  
 এই রূপ, এ ভয়াঘোবন,  
 স্বর্গীয় সম্পদ যাহা—  
 দেবতার কার্জনীয় ধন, তাহা তুমি  
 কি কারণ, অবহেলে নিঃসৃত্তি অনলে  
 অকালে কালের কোলে দাও বিসর্জন ?  
 জাননাকি শৈলসুতা ! শরীর ধারণ,  
 উপস্থার আদি ধর্ম—প্রথম সোপান ?  
 জাননাকি সে ঐশ্বর্য্য বিধাতার দান ?

পার্বতী । কেন ঋষি ! অকারণে কর তিরস্কার,  
 না বুঝিয়া উদ্দেশ্য আমার ?

মহাদেব । বেশ, বল, কিবা তব অভিপ্রায় ?  
 উদ্দেশ্য মহৎ যদি হয়—  
 স্বীকার করিব আমি স্বীয় অপরাধ ।

( পার্বতী বলিবার জন্ত মথীকে ঈঙ্গিত করিলেন )

লীলা । শোন ঋষি ! একদিন দেবর্ষি নারদ  
 দৈবযোগে আসি কহিলেন গিরিরাজে,—  
 চাহ যদি যোগ্যবরে দিতে পার্বতীরে,  
 উপযুক্ত এই অবসর,—বিপত্তীক  
 মহেশ্বর—অধিষ্ঠিত তোমারি আলয়ে ।  
 যদি তাঁরে কস্তাদানে হয় অভিলাষ,  
 দাও রাজ্য—পার্বতীরে পাঠাইয়া সেথা ।

মহাদেব । জানি বটে, পিতার আদেশে  
 পার্বতী নিয়ত যেত' শুক্রবা করিতে ।  
 কিন্তু আমি বুঝিতে না পারি—এত বর  
 প্রাক্ষিতে কেন যে! অসত্য সে দিগ্বরে  
 আমাতা করিতে তাঁর হ'ল অভিরুচি ।



নাহন কোহুকপ্রিয়, কোহুকের বশে...  
সব পারে করিতে সে, কিন্তু গিরিরাজ—  
স্নেহময় পিতা হ'রে করিল স্বীকার,  
কেমনে কল্পারে তাঁর জলে ফেলে দিতে ?

লীলা । উন্মাদের মত তব প্রলাপ বচনে,  
কে করিবে বল ঋষি ! বিশ্বাস স্থাপন ?  
বিশ্বের আরাধ্যন দেব ত্রিলোচন,  
যোগ্য পাত্র তব মতে যদি নাহি হয়,  
হবে কি কষায়ধারী কোন ব্রহ্মচারী ?

মহাদেব । উত্তেজিত হ'য়ো না বালিকা ; শাস্ত্রে আছে—  
“কল্পা বরযতে রূপং, মাতা বিত্তং, পিতা ক্ষতং,  
বান্ধবাঃ কুলমিচ্ছন্তি মিষ্টায় নিতরে জনাঃ”  
কিন্তু উমা ! মহেশের কোন গুণ নাই ;—  
রূপবান্ তুমি তারে বলিতে পার না,  
বিরূপাক নামই তার স্পষ্ট নিদর্শন ;  
ঐশ্বর্যেরও চিহ্ন নাই, নাই শাস্ত্রজ্ঞান,  
প্রমাণ—শ্মশানবাসী যুবভবাহন,  
দিগম্বর, সর্ব অঙ্গে ভস্ম-বিলেপন ।  
নাম, গোত্র, সংকুলেরো প্রসঙ্গ তুলোনা,  
বেজন্মা সে—নাহি কোন জন্মের ঠিকানা ।  
সামান্ত মিষ্টায় মাত্র চাহে সাধারণ,  
সে আশাও শূন্যগর্ভ—নিশার স্বপন,  
তবে কোন্ আকাজক্ষার কহলো কল্যাণি !  
চাহ তারে পতিরূপে করিতে বরণ ?  
শোন রাজকন্যা ! মোর হিতৈষী বচন,  
ত্যজ এ ছরস্ক পূর্ণ, করি নিবারণ,  
ভ্রম অগ্রে—এখনও সময় আছে,  
ক'রো না মো মহেশ্বরে পতিত্বে বরণ ।

পার্বতী । অভাগত অতিথিরে নারায়ণ জানে,  
 এতক্ষণ কোন কথা বলিনি তোমারে ।  
 ভাল হোক, মন্দ হোক, কিবা যার আসে,  
 আমার সে ইষ্টদেব, পতি, প্রিয়তম,  
 তার মাঝে তুমি এসে কথা কেন কও ?  
 ঈশ্বর ঐশ্বর্যহীন, অসভ্য, বর্বর,  
 তুমি ব্রহ্মচারী—এ কথা তোমারি সাজে ।  
 বেজ্ঞান্য সে, এ অধ্যাত্তি করিতে তোমার  
 রসনার অগ্রভাগ খসিয়া গেল না ?  
 তুমি মূখ, নীচমনা, ভণ্ড ব্রহ্মচারী  
 তুমি কি বুঝিবে—সর্বস্ব থাকিতে তিনি  
 কেন যে ভিখারী ? ভোগের সাফল্য ত্যাগে  
 এ জ্ঞান যত্বপি ঋষি ! থাকিত তোমার,  
 তাহ'লে তুমিই হ'তে বিশ্বের ঈশ্বর ।  
 তোমাকেই আরাধ্য ভাবিয়া—যুক্তকরে  
 তোমারই চরণতলে থাকিত পড়িয়া,  
 দেবতা-দানব-যক্ষ-গন্ধর্ব্ব-কিন্নর ।  
 যাও বিজবর ! শঙ্করের যোগ্যতায়  
 সন্দেহ ক'রো না, কভু যেন মোহবশে  
 ভুলেও এনো না মুখে পাপকথা আর ।

মহাদেব । ক্ষিপ্ত তুমি হয়েছ সুন্দরী ; ভেবে দেখ—  
 একবার হাতে নাতে পেয়েছ প্রমাণ,  
 হয়েছ চরম অপমান, তবুও যে  
 হয়নি তোমার জ্ঞান কেমনে বুঝিবে ?  
 তুমিই করেছ ভুল—চেন নাই তারে,  
 রুদ্রমূর্ত্তি, উগ্র মনোভাব, হৃদে তার  
 তীব্র হলাহল, বিফল বাসনা তব ।  
 বিন্দুমাত্র রসবোধ থাকিত যত্বপি,  
 বুঝিত সে প্রেমের আশ্বাদ, তাহ'লে কি—

সৌন্দর্যের গর্ভশিরে করি পদাঘাত,  
 মদনে করিয়া ভস্ম,—দলিয়া তোমার  
 আকুল হিয়ার দান করিত প্রস্থান ?  
 হিমালয়-কন্যা তুমি আদরের ধন,  
 তাই তোমা করি নিবারণ,  
 বিষধর সর্পে যার বেষ্টিত শরীর,  
 জটাভারে অবনত শির,  
 তার করে কর দিয়া,—  
 কেমনে করিবে তুমি প্রেম-আলাপন ?  
 তার চেয়ে হও যদি ইন্দ্রের গৃহিণী,  
 রাজকন্যা ছিলে, হবে রাজরাণী,  
 পাবে যোগ্য সমাদর, যোগ্য পুরস্কার,  
 অহুযোগ কেহ আর কভু না করিবে ।

পার্বতী

সখি ! আর আমি হেথা থাকিতে চাহিনা ;  
 অন্তায়—অসহনীর,  
 মার্জ্জনাবিহীন এই উদ্ধত বচনে  
 যোগাসন ত্যাগ ভিন্ন অন্টোপায় নাই ।  
 একবার পিতৃগৃহে পতিনিন্দা শুনি,  
 নিরুপায়ে দিয়েছিল অভাগিনী সতী,  
 অপ্রাপ্ত যৌবনে তার জীবন আছতি ।  
 আজও বুঝি সখি ! মোর সেই দশা হয়,  
 দুর্ক দুর্ক কাঁপে বক্ষঃ—মস্তক ঘূণিত,  
 অবশ হইয়া আসে অঙ্গ ও প্রত্যঙ্গ ।  
 ওই দেখ, কাঁপে ওষ্ঠাধর, পুনরায়  
 আরো কটু কি বলিতে চায় ব্রহ্মচারী ;  
 তার চেয়ে চল যাই যোগাসন ত্যজি,  
 দুর্জনের পাপ-সঙ্গ করি পরিহার ।

[ প্রস্থানোত্তোগ ]

মহাদেব । ( আত্মপ্রকাশ করিয়া ) কোথা যাও ? —  
 যেতে আর হবে না সুলক্ষী ; চেয়ে দেখ—  
 তোমার অভীষ্টদেব বরসাজে সাজি,  
 তোমারি সম্মুখে আজি আসিয়া হাজির ।  
 ভক্তি যদি একবার করে আকর্ষণ,  
 ভক্ত যদি করে পণ জীবন মরণ,  
 তাহ'লে কি প্রিয়তমে ! ত্যজিয়া তাহারে,  
 আমি কি থাকিতে পারি যুগে অচেতন ?  
 এস প্রিয়ে ! দাও আলিঙ্গন,  
 তপস্কার শ্রম তব দূর হ'য়ে যাক ।

লীলা । তাহ'লে সংবাদ দিই আত্মীয়স্বজনে ?

মহাদেব । এখনো হয়নি বালা ! সে শুভ সময় ;  
 যোগ্যকাল হ'লে উপস্থিত, জেনো স্থির—  
 আনন্দে অধীর হবে ত্রিভুবনবাসী,  
 বাজবে মোহন বাণী প্রকৃতির প্রাণে ।  
 আসি প্রিয়ে ! হাসিমুখে দাওলো বিদায় ।

## চতুর্থ দৃশ্য ।

হিমালয়-বক্ষ ।

### হিমালয় ও মেনকা ।

হিমালয় । প্রিয়ে ! হিমাদ্রির হৈন প্রশস্ত হৃদয়ে  
আনন্দ ধরে না আর ; শুনলাম আজ,  
ব্রহ্মচারীবেশে শঙ্কর স্বয়ং এসে  
করেছেন পার্বতীরে শুভ আশীর্বাদ ।

মেনকা । এত শীঘ্র সিদ্ধ হবে পার্বতীর আশা,  
আমি তো ভুলেও স্বামী ! কখনো ভাবিনি ।

হিমালয় । তুমি তো বরং তার সৌভাগ্যের পথে  
প্রতিদিন বাধা দিতে যেতে, আমি কিন্তু  
জানিতাম, সিদ্ধিলাভ নিশ্চয় ঘটবে ।  
পার্বতীর আত্মদান—আকুল আহ্বান,  
সিদ্ধিদাতা ভগবান্—  
কোনমতে পারিবে না উপেক্ষা করিতে ।

মেনকা । এখন যে বুকে দেখি বড়ই সাহস !  
দুইদিন আগে—হাসিতো দূরের কথা,  
মুখে থেকে কথা যোগো বাহির হ'ত না ।

হিমালয় । কে বলে এ কথা, দেখি—দেখি মুখখানি ?  
এখনো চোখের কোণে রয়েছে যে জল,  
ক্ষীত বক্ষঃস্থল, সিক্ত বসন-অঞ্চল ;—  
ঢল ঢল মুখ আজ যদিচ নেহারি,  
তাব'লে কি একদিনে লুকাতে পার তা' ?

( অঙ্গিরা ও অরুন্ধতীর প্রবেশ )

অঙ্গিরা । গিরিরাজ !

হিমালয় । আসুন ব্রহ্মর্ষি ! অসীম সৌভাগ্য মোর ।

অঙ্গিরা । ভাগ্যের দোহাই দিও না ধীমান্ !  
ভাগ্য যেবা সৃষ্টি করে সেই ভগবান্,  
পূজনীয় স্বশুর বলিয়া—  
যখন তোমাতে চান করিতে গ্রহণ,  
তখন কি আমাদের এই আগমন  
তোমার সৌভাগ্যকীৰ্ত্তি করিবে ঘোষণা ?  
সৌভাগ্য কাহার রাজা ? পার্বতীর  
পিতা তুমি, শঙ্করের তুমি গুরুজন,  
তোমার নর্শনলাভ, প্রীতি-আকর্ষণ,  
হে হিমাদ্রি ! আমাদেরি গর্বের কারণ ।

মেনকা । এস দেবী অরুন্ধতী ! দীন-মর্ত্যালোকে  
দীনা আজি ভক্তিভরে করে আবাহন ।

অরুন্ধতী । ( মেনকার চিবুক ধরিয়া )  
ভাগ্যবতী ননদিনী, গিরিরাজ-রাণী,  
রত্নগর্ভা, উমার জননী, দীনা তুমি ?

অঙ্গিরা । শোন রাজা ! কি কারণে এসেছি হেথায় ;  
পার্বতীর তপশ্চায় পরিতুষ্ট হ'য়ে  
হৃষ্টমতি পশুপতি—সঙ্গিনী করিতে  
চান আজি ভাগ্যবতী কন্যারে তোমার.  
আশা করি—অভিলাষ সিদ্ধ হবে তাঁর ।

হিমালয় । কন্যা মোর শঙ্করের অঙ্কলক্ষ্মী হবে,  
এ যে প্রভু বিধাতার স্নেহ-আশীর্ব্বাদ !  
এর চেয়ে ধ্যাতি, গর্ভ, মহত্ব, সম্মান,  
হিমবান্ আর কি লভিবে ?

কন্যাপক্ষ হ'তে  
 বরণীর বরণক্ষ চিরস্তনরীতি,  
 কিন্তু আজি ভাগ্যে মোর হেরি ব্যতিক্রম ।  
 আমি যে কন্যার পিতা,  
 একবারও ভাবিতে হ'লনা,  
 ব্রহ্মি, দেবর্ষি যত পুণ্য পদার্পণে  
 স্থাপিল শঙ্কর সনে জামাতৃস্বয়ম্বন্ধ ।  
 এ আনন্দ ধরে না অন্তরে,  
 ঋষিবর ! সক্রতজ্ঞ প্রণাম চরণে ।

অরুন্ধতী । তোমার কি অভিমত বোন্ ?

মেনকা । ঠাকুরাণি ! কন্যা হবে জগতজননী,  
 মা'র প্রাণ—তায় সুখী কি হবে না ?

( দেবর্ষি নারদের প্রবেশ )

অঙ্গিরা । এই যে দেবর্ষি ! কোথা হ'তে আগমন ?

নারদ । ত্রিভুবন করিয়া ভ্রমণ,  
 নিমন্ত্রণ কার্য্য সব সারিয়া এসেছি ।

হিমালয় । এরি মধ্যে ?

নারদ । ক্ষতি কিবা তায় ? ঐশ্বরিক  
 ক্ষমতায়, কতক্ষণ লাগিবে সময়  
 আহাৰ্য্য সামগ্রী সব সংগ্রহ করিতে ?

অঙ্গিরা । আর সব আয়োজন ?

নারদ । ইন্দ্রাদিদেবতাগণ সম্মত সকলে  
 কার্য্যভার সমস্তই করিতে বহন ।  
 বাণকরগণ—এতক্ষণ এল ব'লে,  
 পুরোহিত অগ্রেই তো এসে উপস্থিত ।

[ অঙ্গিরাকে প্রদর্শন ]

অগ্নিরা ! তবে আর দেবী নয় ; এস হিমালয় !  
 করি গিয়া বিবাহের অস্ত্র আরোজন ।  
 সার্থক জীবন জেনো হে নগ-দম্পতি !  
 স্ফুটরে করিয়া আজি সুপাত্রে অর্পণ ।  
 এস দেবী অরুন্ধতি ! এস হে দেবমি !  
 ভগবতী পার্বতীর চরণ দর্শনে  
 ভক্তি, প্রেম, পুণ্য, প্রীতি করি উপার্জন ।

[ সকলের অভ্যন্তরে গমন ]

পট পরিবর্তন ।

( বৃহস্পতি ও অগ্নির প্রবেশ )

বৃহস্পতি । পবিত্র আশ্রম বটে এই হিমালয় !  
 পাদদেশ চুম্বি' যার কুলু কুলু স্বনে  
 ব'য়ে যায় মন্দাকিনী স্বর্গ হ'তে নামি  
 ওই দিব্য শ্রোতঃস্বতী ভাগিরথী নামে ।  
 এর তটদেশ—নিধিলের মহাতীর্থ,  
 শান্তিময় শক্তিপীঠ, বিশ্রামের স্থান ;  
 এর বারি—অমৃত সমান,  
 ধরাধামে একমাত্র পুণ্যের আধার,  
 সর্বপাপধোতকারী, সদা পূর্ণবক্ষঃ,  
 স্নানীয়, পানীয়, খাদ্য, আয়ুর্কৃৎসিকর ।

অগ্নি । সত্য গুরু !  
 হিমাচলঅধিবাসী কত সুখে সুখী !  
 নিত্য যাগ, যজ্ঞ, হোম, নৈষ্ঠিক আচার  
 শুভ সূচনার করিছে প্রচার ; তাই—  
 চারিদিকে স্বাস্থ্য, সুখ, স্বাচ্ছন্দ্যবিহার  
 যথাবৃষ্টি—প্রজাসৃষ্টি অগ্নের প্রাচুর্য্যে ।



বৃহস্পতি । কিন্তু বৈশ্বানর ! অপূর্ব বৈশিষ্ট্য আজ ;  
হের ওই গিরিরাজ নব সমাবেশে,  
নব রাগে নবমূর্তি করেছে ধারণ,  
অফুরন্ত ঐশ্বর্যের গাঢ় আলিঙ্গনে ।

অগ্নি । হের গুরু ! ঐশীশক্তিবল !  
ভারে ভারে উপনীত—রাশি রাশিকৃত  
দুগ্ধ, ক্ষীর, নবনীত, মিষ্টান্ন প্রচুর !  
যেন সব বাহকেরা নব নবোচ্চমে  
পরস্পর অগ্রসর স্পর্কসহকারে,  
“কে কত বহিতে পারে—  
ভবিষ্যের মঙ্গল সঞ্চয়ে,  
মঙ্গলময়ের কার্যে মঙ্গল সাধিতে” ;—  
যেন শেষ নাহি তার ।

বৃহস্পতি । সর্বদেবদেবীসম্মিলনে,  
সর্বশক্তিজাগরণে একত্রীকরণে,  
প্রযুত্তির এই সমারোহে—  
প্রিয়—মিষ্ট—তীব্র আকর্ষণে,  
সান্ধ্য চৈতন্যমূর্তি বিরাজে প্রকৃতি !  
জলে, স্থলে, অন্তরীক্ষে—সুরে-লয়ে-তানে  
উঠিতেছে কি অপূর্ব মোহন সঙ্গীত ;—  
যেন সবই মাদকতা ভরা,  
চিত্তমগ্ন, ধূলকসঞ্চারী !

অগ্নি । হের পুনঃ জনতার শ্রোত ;  
গুরুভারে একপ্রাস্ত নত,  
ঘন ঘন বিকম্পিত বাসুকির শির !  
ওহো ! শিবশক্তির কি বিচিত্র ক্রমতা ;  
দেবতা, দানব, যক্ষ,  
ভূত, প্রেত, সিদ্ধ, গিণাচ সকলি—

বরষাত্রীরূপে আসে শ্রেণীবদ্ধভাবে,  
আহ্বানিয়া গিরিরাজে প্রতিদ্বন্দ্বিতায়  
রুদ্ধ করি আকাশ-বাতাস !

বৃহস্পতি । বৈশ্বানর ! প্রয়োজন এইমত,  
এক কেন্দ্রে সবাকার প্রীতি-সম্মিলন !  
উদ্যম, সাহস, ঐক্য ও অধ্যবসায়  
নৈতিক জীবনে বৎস ! শ্রেষ্ঠ অভিযান ;  
সেই ভিত্তি করিতে নির্মাণ, অনুমান—  
উমা-মহেশ্বর ছিল তপে নিমগন ।  
ত্যাগ ভিন্ন নাহি হয় তপঃ,  
তপঃ ভিন্ন নাহি ঘটে সিদ্ধিলাভ !

অগ্নি । হের—রজত সুন্দর—হৃদাংশুশেখর,  
দিব্যকাস্তি চারু মনোহর,  
বুদ্ধ বুষে করি আরোহণ,  
বিশ্ববন্ধু—বিশ্বরক্ষার কারণ,  
সহস্র আননে আসে—  
কারুণ্যের প্রস্রবণ হ'য়ে,  
পথে পথে বিভূতি ছড়ায়ে,  
প্রবৃত্তির সনে পুনঃ হ'তে পরিচিত ।

বৃহস্পতি । কারে তুমি বলিছ বিভূতি ?  
ও নহে বিভূতি বৎস ! উহাই ঐশ্বর্য্য ;  
প্রতিবিন্দু—ভূমিস্পর্শে চৈতন্য জাগায় ।  
ওই গুন মার্জালিক উচ্চ শঙ্খধ্বনি ;  
সহস্ররমণীমুখে হইয়া ধ্বনিত,  
বরাগমনের বার্তা করিছে সূচনা ।  
এস মোরা হই অগ্রসর । ৷

শান্তি  
শান্তি

অমরাবতী ।

তারক সিংহাসনে উপবিষ্ট, নিম্নে সূর্য্যদেব  
করযোড়ে দণ্ডারমান ।

( গীত )

অপ্সরাগণ ।

এস বীরবর !                      নবীন নাগর !

প্রিয় ধনুর্ধর ধনুর্ধর ।

তোমার প্রভাবে,                      মুখ প্রকৃতি

যত দেবতার নস্তশির !!

নন্দনবন সফল এখন,

বহিছে সদাই মলয় পবন,

মধুর গন্ধে অন্ধ অমর—

ধরিছে কণ্ঠ অমরীর !!

সূর্য্য তোমার দুয়ারে রক্ষী

বিধাতা স্বয়ং সাধনাসাক্ষী

স্বরগলক্ষী সাধিয়া তোমায়—

দিল এ আসন যশস্বীর !!

এস শান্ত, সৌম্য, মুক্ত, উদার !

পরহে কণ্ঠে কুহুম এ হার,

আজি তোমাতে ধরিয়া রাখিব ঘিরিয়া

ভাগ্য বলিয়া অমরাবতীর !!

( গীতান্তে চামর বীজন করিতে লাগিল )

তারক । সত্য বটে সার্থক জীবন ;—  
 দেবের আরাধ্যন নিত্য নিরঞ্জে  
 পাইয়াছি দরশন ইষ্টদেব রূপে ।  
 তাঁরি আশীর্ব্বাদে—সমরে অজয় হ'লে  
 জিনিয়াছি স্বর্গরাজ্য, স্বর্গসিংহাসন ।  
 তাঁরি বরে দৃষ্ট হ'লে দিতিসুত আমি,  
 করিয়াছি বিতাড়িত অদিতিনন্দনে ।  
 এতদিনে পূর্ণ মনসাধ;  
 এতদিনে ঘুচ্চিয়াছে দৈন্ত-অবসাদ ;—  
 এতদিন ছিল বিধাতার মনে  
 যে কিছু হে পক্ষপাত, ঈর্ষা, অবিচার  
 এতকাল পরে এ শ্রায়বিচারে  
 হ'ল সে কলঙ্ক দূর । সকলেই জানে—  
 উভয়েরি এক পিতা, এক মাতামহ,  
 সহোদরা দুটি ভগ্নী দিতি ও অদिति—  
 স্নেহময়ী জননী তাদের ; কিন্তু মোরা  
 দিতিসুত—যজ্ঞভাগে আজন্ম বঞ্চিত,  
 অদিতিনন্দন—চিরকাল করে ভোগ  
 নির্ঝিবাদে স্বর্গরাজ্য—স্বর্গসিংহাসন ।  
 এই কি হে বিধিলিপি ?—বিধির বিচার ?  
 এই কি অপক্ষপাত, নীতি সাধুতার ?  
 কেও ?

( দূতের প্রবেশ )

দূত । মহারাজ ! দেবরাজ ইন্দ্র আপনাকে এই উপহার পাঠিয়েছেন ।

তারক । উপহার ! হাঃ হাঃ হাঃ হাঃ !  
 যাও—যাও, নিয়ে যাও, তুচ্ছ প্রলোভনে  
 অশান্ত এ চিত্ত মোর তৃপ্ত নাহি হবে ।  
 যতক্ষণ তপ্তরক্ত বহিবে শিরায়,

রাজ্য যায়, প্রাণ যায়, তথাপি কখনো  
নিরস্ত হব না আমি দেব-নির্ধ্যাতনে ।  
যাও, শীঘ্র নিয়ে এস শচীরে এখানে ;  
মুষ্টিমধ্যে পেয়ে—মধুপাত্র মুখে ধ'রে  
থাকিব না সুখান্বাদে আজি উদাসীন ।

[ দূতের প্রস্থান ]

সূর্য্য । ( স্বগতঃ ) এরি জন্তু আছি কি এখানে ?  
এ দৃশ্য দেখিতে ষাররক্ষী করি  
রেখেছে কি দৈত্যাদয় ! বন্দী করি মোরে ?  
ইন্দ্রাণীর বুকফাটা তপ্ত অশ্রুজল,  
সতীর এ মর্শভেদি—মুক্তঅপমান,  
বীর্ঘ্যহীন শৃগাল সমান—  
নীরবে সহিতে হবে চক্রের সমক্ষে ?  
এতদিনে যথার্থই দেবতার নাম,  
অধর্মের অভ্যুত্থানে স্নান হ'য়ে গেছে ;  
নহে—প্রাণ কেন হবে নিষ্কীর্ত্তি পাষণ ?

( দূরে দূতসহ কন্দনরতা শচীকে প্রবিষ্ট হইতে দেখিয়া  
সূর্য্যদেব পশ্চামুখ হইলেন )

তারক । কোথা যাও রক্ষীবর ! ষাররক্ষা ছেড়ে ?  
তুমি সূর্য্যদেব—সাক্ষী জগতের,  
তুমি যদি চক্রমুদে ফিরিয়া দাঁড়াও,  
কর যদি পলায়ন অপমান-ভয়ে,  
শচীর লাঞ্ছনা তবে অস্ত্রে কে দেখিবে ?

( শচীর প্রবেশ )

এই যে সুন্দরী !  
এস বিধুমুখী, কেন এ বিষণ্ণমুখ ?  
পাবে সুখ—সৌন্দর্য্যের অমুরূপ বাহা ।

তাজ এ অলীক মান, অথবা ভাবনা,  
 অলোকসামান্য স্বর্গীয়ললনা তুমি,  
 তোমারে কি পারি আমি করিতে শাসন ?  
 বেশী কি বলিব ? শোন মোর আকিঞ্চন,  
 তোমার এ সিংহাসন তোমারি থাকিবে,  
 লখা ব'লে যদি মোরে করহ গ্রহণ ।

[ হস্তধারণে উচ্চত ]

( স্বর্গলক্ষ্মীর আবির্ভাব )

স্বর্গলক্ষ্মী । এই কি নারীর প্রতি যোগ্য সম্ভাষণ ?  
 এই কিরে বীরত্বের গর্ব নিদর্শন ?  
 ধিক্ তোরে দৈত্যধম ! এই মন নিরে,  
 এসেছিলি স্বর্গলক্ষ্মী করিতে বরণ ?  
 দেবতা-দানবমাঝে পার্থক্য যে কত,  
 হিংসাবৃত্তি দানবের কত যে পঙ্কিল,  
 এখনো কি থাকি আছে বুঝিতে রে তোর ?  
 এইবার ক'রেছি সীমা অতিক্রম,  
 এই মহাপাপ নারী-নির্ঘাতনে,  
 নিজ হাতে জালিলি যে তপ্ত ছত্ৰাশন,  
 তারি দাপে ভস্মীভূত হ'বি অচিরায় ;—  
 জেনে রাখ্—এই তোর পতনের মূল ।

[ নতমুখে তারকের প্রস্থান ও সঙ্গে সঙ্গে অপ্সরাগণের অহুগমন ]

( শচীকে বাহুপাশে বেঁটন করিয়া )

এস য়োন্ ! অবিশ্বাস ক'রো না আমার ;—  
 যদিও সতীন আমি ইন্দ্র-প্রণয়িনী,  
 তবু কি বিপদে মোরা নহি একপ্রাণ ?  
 রাখিতে সতীর মান, নারীর মর্যাদা—  
 নারীশক্তি চিরদিন রর সম্মিলিত,  
 ভ্রীশীয়া তখন মনে থাকে না ভগিনী ।

শচী । দিদি ! ( বস্ত্রাঞ্চলে রোদন )  
 স্বর্গলক্ষ্মী । বোন্ ! ( নিবৃত্তকরণ )  
 শচী । দানবের সহবাস এত কি মধুর ?  
 পরগৃহ আলো করা এত কি গৌরব ?  
 স্বর্গলক্ষ্মী । বোন্ ! কৰ্মভূমি—জন্মভূমি সবাকার ;  
 কৰ্মী সনে সতত বিজয়,  
 অক্ষয় গৌরব সদা বিজিতের ;—  
 গৌরবের দাসী আমি—নহি দানবের ।

[ প্রস্থান ]

ষষ্ঠ দৃশ্য ।

কৈলাস ।

অনন্তরত্বখচিত সুচারু সিংহাসনে মহাদেব অঙ্কোপরি পার্বতীকে  
 লইয়া বসিয়া আছেন, পার্শ্বদ্বয়ে জয়া ও বিজয়া দাঁড়াইয়া  
 চামর বীজন করিতেছে, পাদনিরে নন্দী ও ভৃঙ্গী  
 সঙ্গীতের তালে তালে মৃদুমৃদু করতালি  
 দিতেছে ও নৃত্য করিতেছে ।

( গীত )

অঙ্গরাগণ

ভোলা সন্ন্যাসী                      হ'ল গৃহবাসী  
 হাসি যে অধরে ধরে না !  
 ত্যাগের অঙ্গে                      ভোগের বিহার  
 মরি কি বাহার দেখ না !!

ভোলা—ছাইমাথা ভালবাসে না,  
 ভুলেও খাশানে যায় না,  
 চেরে থাকে শুধু                      বঁধু মুখপানে  
 আর যেন কিছু চায় না !!

আজি—ভাঙিল আলোক ভাসিল গান,  
 আসিল ছুটিয়া পুলক বাণ,  
 প্রেমের পরশে                      জাগিল সহসা  
 জড়ের হৃদয়ে চেতনা !!

বিয়ে ক'রে ভোলা প্রণয়ী হ'য়েছে  
 মদনের প্রাণ ফিরারে দিরেছে,  
 ব'লেছে তাহারে                      ফুলধনুঃশরে  
 আমারে আবার মার' না !!

মহাদেব । প্রিয়ে ! দুঃখ নাই মনে ?

পার্বতী । দুঃখ কি প্রাণেশ ?

মহাদেব । তুমি রাজপুত্রী, চির আদরে লাগিতা,  
 জেনে শুনে এই কথা, অযথাবিলম্বে  
 কত কষ্ট, কত ব্যথা দিয়াছি তোমারে ।

পার্বতী । কষ্ট ব'লে জানিতাম যদি,  
 তা হ'লে কি তপস্তায় হইতাম ব্রতী ?

মহাদেব । কিন্তু প্রিয়ে ! কি করিব, আমি নিরুপায় ;  
 মহেশ্বরে যদি কেহ পায়,  
 বিনা ক্রেশে—বিনা তপস্তায়,  
 তাহ'লে গুরুত্ব মোর কোথায় রহিবে ?  
 কেহ আর রাখিবে না মান,  
 কেহ আর আশিষ্মদে করিবে না ধ্যান,  
 কেহ আর প্রাণধূলে ব্যোমব্যোম ব'লে  
 ভুলেও ভোলার নাম মুখে আনিবে না ।



ভক্তের হৃদয় বেগো ! আশ্রয় আমার,  
ভক্ত যদি ভুলে যায়,  
নাহি দেয় ভক্তিপূত অর্ঘ্য-বিষদল,  
নিঃস্বল, নিরাশ্রয় হব যে অচিরে,  
লুপ্ত হবে চিরতরে ঈশ্বর-মহিমা ।

পার্বতী । জানি প্রিয়তম !  
ভক্তজনসখা তুমি অনাথ শরণ,  
তাই দেবগণ — সदा “শিব” সম্বোধনে,  
তোমারি মহিমা করে সাদরে কীর্তন ।

( গাহিতে গাহিতে নারদের প্রবেশ )  
( গীত )

নারদ । হর হর হর . . . . . বোম বোম বোম  
বামে শোভে গৌরী !  
জয়, ভূতনাথ ভব . . . . . ভীম ভয়ঙ্কর  
শঙ্কর সংহারী !!  
জয়, নিত্য নিরঞ্জন . . . . . বিভূতি বিভূষণ  
বিশ্বনাথ বৃষরাজ-নিকেতন !  
জয়, সত্য সনাতন . . . . . দৈত্য-নিহ্বাদন  
মৃত্যুঞ্জয় ত্রিপুরারি !!

মহাদেব । কেও, ভক্তবর নারদ যে ! অসময়ে কি মনে ক’রে ?  
( মহাদেব ও পার্বতীর অবতরণ )

নারদ । পিতৃ-মাতৃ-চরণে পূজা দিয়ে পাপভার লাঘব কর’বুতে এলুম,  
জীবমুক্ত হ’তে এলুম !

মহাদেব । এই খানিক আগেই ব’লুছিলুম নারদ ! ভক্ত আছে  
ব’লেই ভগবান্ আছে, নৈলে আমার জানতো কে, চিন্তো কে ? যে  
ঈশ্বর, লোকসমাজে সে অসত্য, বর্কর ।

নারদ । আমার সাম্নে আর ও কথাগুলো বলবেন না, ও শোনাও আমি মহাপাপ মনে করি ।

পার্বতী । এই যে আরম্ভ হ'ল, এর আর বিরাম নেই । এস নারদ ! আমরা এখান থেকে প্রস্থান করি ।

[ উভয়ের প্রস্থানোচ্চম ]

মহাদেব । নারদ ! তুমি যে আমার উপেক্ষা ক'রে এক কথার চ'লে যাচ্ছ ? তুমি আমাকে চাও, না তোমার মা'কে চাও ?

নারদ । পিতা, পিতা,  
 মাতৃহারা অভাগা সন্তান,  
 যত্বপি সন্ধান পায় মা'র পুনরাগমন  
 পদসেবা, অর্ঘ্যদান, পূজার সমাপ্তি  
 আর কি সম্ভবে তার ?  
 মাতা পিতা ভিন্ন নহে,  
 দুই দেহে এক আত্মা - একেরি বিকাশ,  
 এ শিক্ষা যে আপনারি দান ।  
 ব্রহ্মা, বিষ্ণু, মহেশ্বর  
 একই আত্মা ত্রিরূপে বিভক্ত, শুধুমাত্র  
 ভিন্ন ভিন্ন কার্যভার করিতে বহন ।  
 এক ব্রহ্মই প্রধান কারণ,  
 যাহ'তে এ জীবসৃষ্টি, উৎপন্ন জগৎ ;  
 সেই ষড়ৈশ্বর্যশালী সর্বশক্তিমান্ ;—  
 আত্মমায়াবশে  
 স্বীয় প্রকৃতিরে করিয়া আশ্রয়,  
 সৃজিলেন সপ্তর্ষি প্রথম ;  
 তারপর চারি যজু,  
 যাহ'তে নিখিল বিশ্ব—প্রজাজাগরণ ;  
 এ নহে নূতন দেব ! এবে চিরপ্রচলিত ।

মহাদেব । নারদরে ! এই গুণেই তোকে এত ভালবাসি ; এরই  
জন্য তুই ভক্তগণের মধ্যে শ্রেষ্ঠ, হরিহরের সর্বাপেক্ষা প্রিয়তম ।

নারদ । এখন আসুন, ভক্তের বাসনা পূর্ণ ক'রে ভক্তসখা ভগবানের  
নাম অক্ষুণ্ণ রাখুন ।

মহাদেব । ভক্তরে ! তোর আহ্বান কি আমি উপেক্ষা ক'রতে  
পারি ? আমার কি সে শক্তি আছে ? চুষকের আকর্ষণে লৌহ আর  
কতক্ষণ স্থির থাকবে ? জানিস্ নে, তোদের প্রগাঢ় ভক্তিই যে আমার  
শক্তি, তোদের প্রীতির আহ্বানই যে আমার ঐশ্বর্য্য । চল ।

[ সকলের প্রস্থান ]

( নৃত্য গীত করিতে করিতে বিবিধ পুষ্পালঙ্কারে  
বিভূষিত মদন ও রতির প্রবেশ )

( গীত )

মদন ও রতি ।

আজি এসেছি ভুবন ভোলাতে দৌহে এসেছি !  
যাহা কিছু আছে কুসুমশায়ক  
সকলি হে সাথে এনেছি !!

আজি, মলয়পবন          ঝোঁকিল কুজন  
ভ্রমরের মূর্ছ রব !

আছে আরো কত          সুমধুর স্মৃতি  
হাসি, প্রীতি অভিনব !!

এ সব সহারে          নিখিল হৃদয়ে ..  
প্রেমের তুফান তুলিয়া !

নিমেষে জগত          মোহিত করিব  
ফুলবাণ করে ধরিয়া !!

আজি নাচিয়া নাচিয়া প্রেমিকযুগলে  
আঁচলে আঁচলে বাঁধিব !

মেখলা খুলিয়া চরণে জড়ায়ে  
চলনের বাদ সাধিব !!

আজি নূতন জীবনে নূতন সহায়ে  
নূতন শক্তি লভেছি !

যে যত চাহিবে দিব অকাতরে  
বুকভ'রে মধু রেখেছি !!

( নারদের অভ্যস্তুর হইতে আগমন )

নারদ । এই যে তোমরা এসেছ ! এখন যাও, শীঘ্র মহাদেবের  
অস্তরে আবির্ভূত হও, তাঁকে উন্মাদ কর, নৈলে কার্যসিদ্ধির আশা  
একেবারেই ছুরাণা ।

মদন । প্রভু ! দাসতো সর্বদাই আত্মবিসর্জনে প্রস্তুত ।

নারদ । না বৎস ! এখন তো আর তোমার সে ভাবনা নেই,  
এখন তুমি নির্ভয়ে তাঁর হৃদয়ে বিহার ক'রতে পার । সে অধিকার তো  
তুমি তাঁর কাছ থেকেই পেয়েছ ।

মদন । আজ্ঞে হ্যা, তা' পেয়েছি ।

নারদ । তবে আর দেরি নয় ; যাও, শীঘ্র তাঁর হৃদয়ে সন্তানস্বজনের  
প্রবৃত্তি জাগিয়ে দাও, দেবগণের আশা পূর্ণ কর, স্বর্গলক্ষ্মীকে যন্ত্রণার জালা  
হ'তে নিষ্কৃতি দাও ।

মদন । আসি তবে প্রণাম চরণে । ( যুগলে প্রণাম করণ )

নারদ । চিরজরী হও যুগ্ম করি আশীর্বাদ ।

[ মদন ও রতির অভ্যস্তরে গমন ও নারদের প্রস্থান ]

## সপ্তম দৃশ্য ।

ব্রহ্মলোক ।

### ব্রহ্মা ও বৃহস্পতি ।

বৃহস্পতি । হে ব্রহ্মণ ! কি অনর্থ ঘটালে বিষম ;  
এক স্বর্গরক্ষার কারণ  
স্বর্গ, মর্ত্য, রসাতল এ তিন ভুবনে  
কি ভীষণ প্রলয়ের করিলে সূচনা !  
করি মানা,  
কাষ নাই স্বর্গরাজ্য করিয়া উদ্ধার,  
কাষ নাই দানবেরে করিয়া দমন ।  
দানবের অত্যাচার বেনী কি করিবে ?  
দীনা স্বর্গভূমি শুধু করিবে পীড়ন,  
নির্বাসিত করিবে অমরগণে ।  
কিন্তু যদি এইমত,  
ত্রিলোকের মঙ্গলনিদান—  
ঈশানী-ঈশান, মদনে উন্মত্ত হ'য়ে  
দিবানিশি সুধস্বপ্নে থাকেন মগন,  
তাহ'লে এ ত্রিভুবন—  
পিতৃমাতৃহীন দীন অনাথের মত,  
হে বিধাতঃ ! নিমেষে যে ধ্বংস হ'য়ে যাবে ।

ব্রহ্মা । সত্য বৃহস্পতি ! ষোড়শবৎসরব্যাপি  
হরপার্বতীর এই অবাধমিলনে,  
সৃষ্টির সুখমা সব ধুয়ে মুছে যাবে,  
রবে শুধু বিশ্বমাত্রে ধ্বংসের প্রভাব ।  
তবুও যে করেছি স্বীকার, শুধু বৎস !  
দানবের অত্যাচার করিতে দমন ।

জেনো স্থির, কুমারের অন্তর্ভুক্ত বিনা  
তারক নিধনকার্য হবে না সাধন ।

বৃহস্পতি । তাহ'লে কি হবে প্রভু ?

ব্রহ্মা । মহাশক্তির এ স্বন্দে কি জানি কি হবে ।

বৃহস্পতি । তবে কি দেখিতে হবে উদ্বোধবিহীন,  
নিরুদ্ভিগ্ন, উদাসীন বিশ্বের বিধাতা ?

ব্রহ্মা । কি করিব, নিরুপায় ; মহেশ্বর পাশে  
শক্তিহীন চিরদিন বিধির বিধান ।

( বেগে বসুমতীর প্রবেশ )

বসুমতী । বিধির বিধান যদি এত পঙ্গু হয়,  
অষ্টা যদি সৃষ্টিকার্যে পরানুখ রয়,  
ত্রিভুবনে ঘটুক প্রলয় ; স্বর্গভূমি—  
দানবের হোক পদানত,  
পৃথিবীর প্রতি পরমাণু—  
কুঞ্জাটিকা, ভূকম্পনে, অগ্নি-উদ্গীরণে  
ভস্ম হ'য়ে মিশে যাক্ দিগন্তের সনে,  
রসাতলে দাবানল উঠুক জলিয়া,  
সমগ্র পৃথিবী আজ সমতল হ'য়ে  
নীরব শ্মশান-ভূমে হোক পরিণত ।  
তবেই তো বিধাতার সার্থক সৃজন,  
তবেই তো প্রভুধর্ম অক্ষত তাঁহাব ।  
হে আচার্য্য ! কাষ নাই আর ; এস সবে-  
ত্রিলোকের নরনারী এক সাথে মিলি,  
তুলি ক্ষীণকণ্ঠে দীন বিষাদরাগিনী,  
ডুবে যাই নিধিলের নিবিড় আধারে ।

ব্রহ্মা । বসুমতী ! কেন মোরে কর অসুযোগ ?  
বৃথা এই অভিযোগ, আমার কি দোষ ?

আমা হ'তে অসম্ভব শঙ্করশাসন ।  
অসাধ্যসাধনে কেহ কি সক্ষম ক'তু ?  
বিভূ বলে শক্তি তার নহে তো অসীম ।

বৃহস্পতি । তা ব'লে নিশ্চেষ্ট থাকা উচিতও তো নয় ।

ব্রহ্মা । নিশ্চেষ্টও তো নহি আমি, শঙ্করের  
রতিভঙ্গ ভরে, ইন্দ্রাদিদেবতাগণে  
পাঠায়েছি কৈলাস ভূধরে । আশা করি,  
অচিরে ফিরিবে তারা সুসংবাদ ল'য়ে,  
পাবে তার প্রত্যক্ষ প্রমাণ ।

( ইন্দ্রাদিদেবতাগণের প্রবেশ )

ইন্দ্র । সর্বনাশ, ঘটিল প্রমাদ !

ব্রহ্মা । কেন বৎস ! কি সংবাদ ?

ইন্দ্র । অতি গোচনীয়, নিদারুণ দুঃসংবাদ ;  
পদার্পণমাত্র হীন উদ্দেশ্য বুরিয়ার  
শৈলস্থতা ক্রোধভরে দিল অভিশাপ,  
“দেবতা হইয়া—সুখে মোর বাধা দিয়া  
যেই মহাপাপ তোরা করিলি স্বজন,  
সেই পাপে আজি হ'তে

সমস্ত দেবতাগণ চিরদিন ভয়ে  
সঙ্কানসঙ্কতিলাভে হইবে বঞ্চিত” ।

ব্রহ্মা । সত্যই জগতে আজ বিপ্লব আগত !

সত্যই সোণার রাজ্য ধ্বংসের কবলে !

কি করি, কি হবে ? কেমনে এ ত্রিভুবন  
ঈশ্বরের লীলাভূমি আনন্দ-কানন,

আজিকার এ দুদিনে নিরাপদে রবে ?

বসুমতী । নিরাপদ ? নিরাপদ চাহি না বিধাতা ;

আপদের কোলে

চিরতরে ফেলে দাও মোরে ।

সুখৈশ্বর্যে নাহি আর মন ;  
 ঝঞ্জাবাত, ভূকম্পন—  
 এ সবতো নিত্যকার ভূষণ আমার ;  
 প্রতীকার নাহি চাহি আর ;  
 চাহি শুধু যুক্তকরে—জগতের আদি,  
 হে অনাদি, প্রভু, পরাংপর !  
 ধর তুমি বিশ্বস্তর সংহারমুরতি,  
 সৃষ্টি, স্থিতি সঙ্গে সঙ্গে ধ্বংস হ'য়ে যাক ।

ব্রহ্মা ।

পরিহর শোক বসুমতী ! মুছ আঁধি,  
 ব্রহ্মা, বিষ্ণু, শক্তিধর একত্র মিলিয়া  
 এখনি শঙ্করশক্তি করিব লাঘব ।  
 ত্যজ কোভ, যাও বীরগণ ! অগ্নিদেবে  
 প্রদান' সংবাদ, পারাবতমূর্তি ধরি—  
 পশি' ছদ্মবেশে—এখনি কৈলাসে,  
 করে যেন মহেশের প্রবৃত্তি হরণ ।

( দেবগণ চমকিয়া উঠিলেন )

নাহি চিন্তা, নাহি কোন উদ্বেগ কারণ,  
 শৈলস্থতা সে সময়ে রবে অচেতন,  
 সে সুষোগে তুলে ল'য়ে সেই তেজোরাশি  
 রক্ষা করে অগ্নি যেন স্বগর্ভে ধরিয়া ।  
 আসি তবে, যাও ত্বর!—বিলম্ব না কর,  
 পরে যা বিহিত হয় করিব বিধান ।  
 মনে রেখো—শঙ্করের এই শক্তিই  
 অচিরে দানবশক্তি করিবে দলন ।

[ একদিকে ব্রহ্মা ও অপরদিকে অগ্নাশ্বের প্রস্থান ]



## অষ্টম দৃশ্য ।

গঙ্গাতীর ।

[ কুলুকুনুনাদিনী গঙ্গা ধীরভাবে বহিয়া যাইতেছে, তদীয় উপকূলে স্বপীকৃত শরবণ, শূন্যে খণ্ড খণ্ড মেঘ ঘুরিয়া বেড়াইতেছে ]

কুষ্ঠরোগগ্রস্ত অগ্নির প্রবেশ ।

অগ্নি ।

পারি না, পারি না আর অসহ যাতনা !

দুঃসহ এ শৈবতেজ সহিতে না পারি ।

প্রাণ যায়, জলে যায়; একে এই

অস্তদাহ, নিদারুণ জালা, তায় পুনঃ

পার্বতীর তীব্র অভিশাপ । হায়—হায় !

কি কৃষ্ণে ধরেছি কপোতের বেশ,

কি কৃষ্ণে পশেছি দুর্জটী-আবাসে,

কি কৃষ্ণে বাধা দিয়া পার্বতীর স্মখে

এই পাপ কুষ্ঠরোগ করিছ অর্জন ।

যাই এবে, গঙ্গাজলে পশিয়া নিভূতে

শিব-বীৰ্য্য করিগে নিক্ষেপ ; তাহ'লেই

পূর্ণকাম, যজ্ঞগার হবে অবসান,

মুক্ত হব মুক্তিস্থানে মহাপাপ হ'তে ।

[ গঙ্গাগর্ভে ঝম্প প্রদান, বিপুল জলোচ্ছ্বাস

উত্তালতরঙ্গভঙ্গ ও গুরু গুরু গর্জন ]

( মধ্যস্থলে গঙ্গাদেবীর আবির্ভাব )

গঙ্গা ।

করে, করে তুই পাষণ নিশ্চয় !

নিশ্চল জাহ্নবী-গর্ভে পশিয়া নিভূতে,

ঢেলে দিলি প্রাণে মোর তীব্র বিষকণা,

জ্বলে দিলি মর্মান্তিক এ ভীম প্রদাহ ?

আমি তো কাহারো স্মৃথে দিই নাই বাধা,  
 আমি তো ভুলেও কারো অনিষ্ট করিনি !  
 আমি যে বিশ্বের হিতে জীবন উৎসর্গি,  
 মন্দাকিনী, ভাগিরথী, জোগবতী রূপে  
 স্বর্গে, মর্ত্যে, রসাতলে মুক্ত ত্রিধারায়  
 ধৌত করি নিখিলের শোক-তাপ-জ্বালা,  
 পাপী-তাপীগণে অঙ্কে ল'য়ে টেনে,  
 আপনার মনে—আনন্দে বহিয়া যাই  
 অনন্তের গাহি গান অনন্তের পানে ।  
 এই কি সে সার্বল্যের যোগ্য প্রতিদান ?  
 এই কি সে মহত্বের মধু পরিণাম ?  
 কোন কথা শুনিতে চাহিনা,  
 কোন দিক্ দেখিবার নাহি প্রয়োজন ;  
 কব্বিলাম পণ,  
 বিশ্ব যদি ছারখারে যায়,  
 গঙ্গা যদি মরুভূমে পরিণত হয়,  
 সমগ্রদেবতা যদি রক্ষা কর ব'লে,  
 করযোড়ে — নতশিরে দাঁড়ায় সম্মুখে,  
 তবু মোর রোষবহি—

অগ্নি । ( জলমধ্য হইতে নির্গত হইয়া )

ক্ষমা কর জগতজননী !  
 যজ্ঞগা অসহবোধে বিধাতৃ-নিয়োগে  
 জেনে শুনে তব পদে অপরাধী আমি ।

গঙ্গা । জেনে শুনে অপরাধ তবু ক্ষমা চাও ?  
 এত স্পর্ধা, এত হীন মর্প-পরিচয়  
 রে অনল ! কোথা হ'তে করিলি সঞ্চয় ?  
 আজ তোর নাহি পরিজ্ঞান;  
 গঙ্গার অপূর্ব শক্তি এধনি ফুৎকারে  
 নির্কারণ করিবে তোর প্রচণ্ড এ তেজ ।

## ( ব্রহ্মার আবির্ভাব )

- ব্রহ্মা । কান্ত হও ত্রিলোকতারিণী,  
অগ্নি নয় অপরাধী, অপরাধী আমি ।
- গঙ্গা । এ কি কথা হে বিধাতা, একি প্রহেলিকা ?
- ব্রহ্মা । নহে বৎসে ! প্রহেলিকা ; আমারি আদেশে  
তব গর্ভে যেই শক্তি হ'য়েছে সঞ্চার,  
জেনো তাহা মহা-অস্ত্র দানবসংহারে,  
স্বর্গলক্ষ্মী-উদ্ধারের অনন্য-উপায় ।
- গঙ্গা । তবে কি এ শৈবতেজ প্রভু ?
- ব্রহ্মা । অধীর হ'য়ো না বালা ! বেনীকণ আর  
সহিতে হবে না তব যজ্ঞগার ভার ;  
অগ্নিগর্ভে কাল পূর্ণ হ'য়েছে তাহার,  
অগ্নিই প্রসূত হবে সেই বীরশিশু ।
- গঙ্গা । কিন্তু প্রভু ! অসহ এ জালা আমি  
মুহূর্ত্ত যে সহিতে নারিব ।
- অগ্নি । যতই কঠোর হোক, দিনেকের তরে  
বিধাতার অমুরোধ উপেক্ষা ক'রো না ;
- ব্রহ্মা । হে জাহ্নবী ! স্বর্গলক্ষ্মী শত্রু-পদানত,  
দেবগণ নির্ঝাসিত, ধর্ম্ম প্রপীড়িত,  
নিষ্পেষিত দৈত্যকরে সতীর মর্যাদা ।  
তার চেয়ে এ জালা কি এতই অসহ ?  
সহশীলা ! সহ কর শঙ্করপ্রতাপ,  
বিশ্বের বিপদ রাশি চূর্ণ হয়ে যাক ।
- গঙ্গা । যান্ দেখি, যতক্ষণ পারি—  
চেষ্ঠা করি শিবশক্তি ধরিতে জঠরে ।
- ব্রহ্মা । এস অগ্নি ! এখনো বিশ্বাস নাই ;  
চতুর্দিকে গাঢ় অন্ধকার,  
দেখি তার প্রতীকার কি করিতে পারি ।
- [ অগ্নিসহ ব্রহ্মার প্রস্থান ]

[ গঙ্গাদেবীর গঙ্গাগর্ভে নিমজ্জন, বিপুল তরঙ্গোচ্ছ্বাস, ভয়ঙ্কর গর্জন ;  
চতুর্দিকে নিবিড় অন্ধকার, আকাশ হইতে ধগু ধগু  
মেঘ যেন খসিয়া পড়িতেছে ]

( কিয়ৎপরে আকাশে কৃত্তিকাশ্রমুখ ছয়টি

নক্ষত্রবধুর আবির্ভাব )

( গীত )

১ম নক্ষত্র । আজি, পূর্ণিমা নিশি শারদীয় শশী  
জোছনার হাসি স্নান !

২য় নক্ষত্র । আজি নিখিল ভুবন আঁধারে নগন  
শিখিল মিলনগান !!

৩য় নক্ষত্র । বুঝি, বিরাট পাহাড় ভাঙ্গিয়া,

৪র্থ নক্ষত্র । বুঝি, অকুল পাথর মজিয়া,

৫ম নক্ষত্র । বুঝি, এ বিশালভূমি করে মরুভূমি  
স্বতিখানি শুধু রাখিয়া !

৬ষ্ঠ নক্ষত্র । ওষে, ওলট পালট যুগের ধরম  
সত্য শুধুই নাম !!

সকলে । আজি পূর্ণিমা নিশি—

( গঙ্গাজলে এক সুবর্ণগোলক ভাসিতে লাগিল )

১ম নক্ষত্র । ওলো দেখ্ দেখ্, গঙ্গাতরঙ্গের সঙ্গে কি একটা  
আলোকময় সুবর্ণগোলক ভেসে যাচ্ছে ।

২য় নক্ষত্র । তাইতো সখী ! কিন্তু কি বল্ দেখি ?

৩য় নক্ষত্র । আমার বোধ হয়, ওটা আপনি ভেসে যাচ্ছে নয়, গঙ্গা  
সৈতে না পেয়ে তরঙ্গে তরঙ্গে কিনারায় ঠেলে দিচ্ছেন ।

৪র্থ নক্ষত্র । আমারও তাই বোধ হয়, দেখ্‌হিস্ না—দেখ্‌তে  
দেখ্‌তে শরবণে গিয়ে ঠেকলো ।

৫ম নক্ষত্র । ওলো, আজ যে রকম ছুঁকিন, তাতে বোধ হয়—হয়  
কোন অসুর, নয় তো কোন অবতার জন্মাবে ।

( সেই সুবর্ণগিও ক্রমশঃ উল্লসে উল্লসে শরবণে স্থাপিত হইলে  
তাহা হইতে গগনবিদারী বিরাট শব্দ সমুদ্ভূত হইয়া  
এক নবকুমার সমুদ্ভূত হইল, চতুর্দিক্ আলোকে  
উদ্ভাসিত হইয়া উঠিল, অপূর্ব তেজস্বিতায়  
সেই স্থান সুবর্ণময় হইয়া গেল । )

১ম নক্ষত্র । ওলো, সত্যিই এক ছেলে জন্মালো ।

২য় নক্ষত্র । কাঁদছে ভাই ! চল, কোলে নিই গে ।

( কৃত্তিকাশ্রমুখ ছয়টি নক্ষত্রবধুর তথায় আগমন )

১ম নক্ষত্র । আমি ভাই ! আগে কোলে নোব, আমি আগে  
দেখেছি ।

২য় নক্ষত্র । আমি যে আগে বল্লুম ।

৩য় নক্ষত্র । আমরা বুঝি কানা হ'য়ে ছিলুম ?

( সকলেই সমান আগ্রহে শিশুকে বেটন করিয়া উপবিষ্ট  
হইলে শিশু বগ্নু হইয়া তাহাদের স্তন্যপান করিল )

২য় নক্ষত্র । দেখ্ দেখ্ সখী ! আমাদের বাগ্‌ড়া দেখে শিশুকুমার  
ছয়টি মুখ বার করে একসঙ্গে সকলেরই স্তন্যপান করছে ।

সকলে । ওমা, তাইতো—তাইতো ।

১ম নক্ষত্র । বাস্তবিক সকলই অদ্ভূত, নিশ্চয়ই এ বালক কোন  
অবতার হবে ।

( গঙ্গাদেবীর পুনরাগমন )

গঙ্গা । একি শব্দ ভয়ঙ্কর গগনবিদারী !

জনমিল বুঝি তারকারি,

মুছাইতে আঁধিবারি ত্রিলোকবাসীর ।

দেখি, দেখিলো ভগিনী, কেমন কুমার !

( শিশুকে কোড়ে করিয়া )

আহা ! অপূর্ব এ রূপ,

দেখে যেন নরন জুড়ায়,

পরিতৃপ্ত হয় নারীর জীবন ।

কৃত্তিকা গো ! কি কহিব, এ পুত্র আমার ;  
দেখেছ নিশ্চয়, আমিই তরঙ্গ-ভঙ্গে  
সহিতে অক্ষয় হ'য়ে এই তেজোরশি  
শরবণে করেছি নিক্ষেপ ?

( অগ্নির প্রবেশ )

অগ্নি ।

না জাহ্নবী !

এ পুত্র তোমার নয়, এ পুত্র আমার ;  
আমিই নির্দিষ্টকাল স্বর্গতে ধরিয়া,  
সহিয়া অসীম জালা, তোমারি সমক্ষে  
এই শক্তি তব গর্ভে করেছি সঞ্চার ।  
দাও দেবী ! বক্ষে দাও সন্তানে আমার,  
ভুলে যাই অতীতের সে সব যাতনা ।

( কুমারকে ক্রোড়ে গ্রহণ )

( ব্যোমযানে হরপার্বতীর আগমন )

পার্বতী । প্রভু ! ওখানে অত লোকসমাগম কেন ?

মহাদেব । শরবণে এক পুত্র উৎপন্ন হ'য়েছে, তাই নিয়ে সকলের  
বিবাদ হ'চ্ছে । এস, আমরাও এইখানে উপস্থিত হই ।

( বিমান হইতে অবতরণ )

অগ্নি । ( পার্বতীকে পুত্র দিয়া ) ভগবতী !

এই নিন্ আপনার আনন্দহুলাল ।

পার্বতী । ( সবিস্ময়ে ) এ কি হে রহস্য প্রভু ?

মহাদেব । না প্রিয়ে ! রহস্য নয় ;  
সত্যই এ শক্তিধর তোমারি নন্দন ।

পার্বতী । আমারি নন্দন যদি হবে,  
কেন তবে গর্ভে 'মোর না লভি' জনম,  
শরবণে আসিল ভাসিয়া ?

মহাদেব । শুন তবে আশ্চর্যশক্তি !  
 এই পুত্র তব গর্ভে জন্মিত যত্নপি,  
 তাহ'লে কি প্রিয়তমে ! এই শক্তিধর  
 শুধুই দানবশক্তি করিয়া দমন,  
 কাস্ত হবে রণোত্তম হ'তে ? তাই বিধি—  
 পূর্বাপর বিচার করিয়া, দেবগণে  
 অক্ষত রাখিতে, করিল উপায় স্থির ;—  
 শরবণে কুমারের হইলে জনম,  
 সব দিক রক্ষা হবে, কার্যোদ্ধারও হবে ।  
 আরও শুন সুসংবাদ দেবী, অগ্নিগর্ভে  
 বসবাসহেতু, “অগ্নির তনয়” ব'লে  
 এই পুত্রে জানিবে সকলে । সুরধুনী !  
 বালকের তুমিও জননী, সে কারণ  
 নাম তার আজি হ'তে হইল “গান্ধেয়” !  
 কৃত্তিকাশ্রমুখ অরি তারাবধুগণ !  
 পুত্রে মোর করেছ যতন, শুণুদানে  
 রেখেছ জীবন তার, করি আশীর্বাদ—  
 আজি হ'তে এই পুত্র “কার্ত্তিকেয়” নামে  
 ত্রিভুবনে হ'উক প্রচার । যাও সবে  
 সন্তুষ্ট হইয়া, বালকের শিক্ষাভার  
 হস্ত থাক ধূর্জটীর শিরে ।

# তৃতীয় অঙ্ক ।

প্রথম দৃশ্য ।

পর্কভ্রমণী ।

চতুর্দিকে নিবিড় অন্ধকার, প্রস্তরোপরি এলায়িতবেঐ  
একাকিনী দেবসেনা উপবিষ্টা ।

( গীত )

দেবসেনা । আমি, পাবনা কি তাঁরে জনমে ?  
এ জীবন যোগো ! বৃথা ব'য়ে যায়  
আকাশকুম্বম ধোয়ানে !!  
যেজন নাশিবে দানবশক্তি  
মুক্ত করিবে স্বরগলক্ষী  
সে জন আমার আমি দাসী তাঁর  
বাঁধা রব' বঁধু চরণে !!  
আশাপথ চেয়ে দিন চ'লে ধায়,  
প'ড়ে থাকি শুধু একা নিরালায়,  
ওপারেতে স্থখ ভাবি' ফাটে বুক  
দুঃখ এসে ডাকে মরণে !!  
কবে আর পাব দরশন তাঁর  
কবে আর দিব প্রাণ উপহার  
কবে আর তাঁরে বাধি বাহুডোরে  
রাখিব হৃদয়ে গোপনে !!

দেববাণী । “ব্রহ্মার মানসকন্ঠা অয়ি দেবসেনা !  
বিরহবেদনা তব সহিতে হবে না ;  
শরজন্মা, যড়ানন, পার্শ্বতীনন্দন  
দানবীর সৈন্তগণে করিয়া সংহার,  
অবিলম্বে স্বর্গরাজ্য করিবে উদ্ধার ।”



( দৈত্যসেনাপতি গ্রসনের প্রবেশ )

গ্রসন ।

তুর্কি এ দৈত্যশক্তি করিয়া সংহার,  
কার সাধ্য স্বর্গরাজ্য করিবে উদ্ধার ?

( সহসা দেবসেনাকে দেখিয়া )

একি, কে এই রমণী ! এলাসিতবেণী,  
বিষাদে আনতমুখ, সজলচাহনী,  
ব'সে আছে একাকিনী আশাপ্রতীকার ?  
সত্যই অপূর্ব নারী, যে উপায়ে পারি—  
ল'য়ে যাব এ কুসুমে রাজসন্নিধানে,  
দিব তাঁর চরণসরোজে উপহার,  
বহুমূল্য রত্নরাজি পাব পুরস্কার,  
ধন্য হব, প্রজা আমি রাজ-আশীর্ব্বাদে ।

[ দেবসেনার অন্তর্ধান ]

কই, কই, কোথা গেল এ অপূর্ব নারী ?  
পরিহরি সান্নিধ্য আমার—কোথা গেল,  
কোথায় লুকালো ?

( উন্মাদ আশ্রমে পর্ব্বতসন্নিধানে গমন )

কই, এখানেতো নাই !

তবে কি পর্ব্বতশৃঙ্গে করিল প্রয়াণ ?  
দেখি তার নানাস্থান সন্ধান করিয়া ।

দৈববাণী ।

সাবধান দৈত্যসেনাপতি ! নিয়তির  
কঠোর আঙ্কানে, অহঙ্কারে মত্ত হ'য়ে  
আপনার সীমাপথ ক'রোনা লঙ্ঘন ।  
তারক-নিধনতরে যেই শক্তিধর—  
শরবণে লভেছে জনম, জেনো মূর্খ !  
এ রমণী তাঁরি পত্নী—নাম দেবসেনা ।

গ্রসন ।

পরিচয়ে নাহি প্রয়োজন ; বৃথা দম্ব,  
আফালন, সগর্ব্ব বচন, বহরার

## দ্বিতীয় দৃশ্য ।

বৃহস্পতির আশ্রম ।

### বৃহস্পতি ও কার্তিক ।

বৃহস্পতি । হে কুমার ! শাস্ত্রশিক্ষা সম্পূর্ণ তোমার ;  
চতুর্দশবিদ্যা যাহা ছিল অধিকারে,  
সকলি তোমারে সাদরে করিহু দান ।  
এবে মতিমান, যাও পিতার সকাশে,  
শিক্ষা কর মনযুদ্ধ—অস্ত্রের প্রয়োগ ;  
পিনাকীর ধনুর্বেদ, সংগ্রামকৌশল  
পার যদি বীরদর্পে আয়ত্ত করিতে,  
তবেই বুঝিব বৎস ! বিশ্বজয়ী তুমি ।

কার্তিক । হে গুরু, হে বৃহস্পতি ! শিক্ষালাভকালে  
কৃতিত্ব যত্নপি কিছু দেখাইয়া থাকি,  
সেতো গুরু ! তোমারি মহিমা ! তুমি যোরে

দিয়েছ চেতনা, তুমিই করুণা ক'রে—  
 জ্ঞানাজ্ঞান-শলাকায় অজ্ঞানতিমিরে  
 দেখায়েছ প্রতিভার অপূর্ব আলোক,  
 তোমারি শিষ্যত্ব লভি জীবন আমার  
 হইয়াছে অফুরন্ত আনন্দ-ভাণ্ডার ।  
 হে বাণীর শ্রেষ্ঠ অবতার ! ধরি বক্ষে  
 চরণ তোমার, কর আশীর্বাদ—  
 শিষ্য যেন ধনুর্বেদে পারদর্শী হয় । ( পদধারণ )

মুহম্পতি । ওঠ বৎস ! ওঠ প্রিয়ভয় ! শঙ্করের  
 পুত্র তুমি, পার্বতীর অঞ্চলের ধন,  
 এ কথা কি ভুলে গেছ সর্বস্বরতন ?  
 দীপ্ত-হতাশন-গর্ভে লভিয়া বসতি  
 দুর্নিবার যেই শক্তি ক'রেছ সঞ্চয়,  
 ত্রিলোক যতপি তার বিপক্ষেও রয়,  
 তথাপি নিশ্চয় জেনো হে বীরপুঙ্গব !  
 অক্ষত রহিবে তব বীরত্ব গৌরব ।  
 যাও বৎস ! শিক্ষা অস্ত্রে পিতার ভবন ;  
 স্নেহ-নিদর্শন আর কি দিব তোমায়,  
 এই লও গুরুদত্ত দণ্ড উপহার,  
 যাহার প্রভাবে হবে ধর্ম প্রতিষ্ঠিত । ( দণ্ডদান )

### ( গঙ্গার প্রবেশ )

সঙ্গা । আমিও এসছি পুত্র ! উন্মাদ আবেগে  
 আনন্দে অধীর হ'য়ে স্নেহচূষনে  
 বিজয়ী পুত্রের শিরে আশীষ অর্পিতে ।  
 এই লও প্রাণাধিক ! দিব্য কমণ্ডলু,  
 যাহার প্রভাবে চির অশান্তি দলিয়া  
 ত্রিভুবনে পুনরায় শান্তি বিরাজিবে ।  
 ( কমণ্ডলুদান, মস্তকাজ্ঞাণ ও মুখচূষন )

কার্তিক । যাগো ! কৃপা ক'রে এসেছ যখন, দাও  
শিরে শ্রীচরণধূলি, তব আশীর্বাদে  
পিতৃগুণে যেন হই পূর্ণ অধিকারী ।  
গঙ্গা । কেন বৎস ! হতেছ আকুল ; নিজ গুণে  
হবে তুমি, নিঃসন্দেহে ত্রিভুবনজয়ী ।  
কার্তিক । আসি তবে জননী গো ! প্রণাম চরণে ।  
গঙ্গা । এস বৎস ! ধন্ত হও কৃতিত্ব অর্জনে ।

[ কার্তিকের প্রস্থান ]

( অপরাধিক হইতে অগ্নির প্রবেশ )

অগ্নি । ধ্বংস, ধ্বংস, ধ্বংস বুঝি হয় ত্রিভুবন ।  
বৃহস্পতি । কেন, কেন, কি হ'য়েছে দেব বৈশ্বানর ?  
অগ্নি । সর্কনাশ হ'য়েছে সাধন ;  
দৈত্যসেনাপতি দুর্দ্ধর্ষ গ্রসন—  
দেবসেনা করিতে হরণ,  
ভীষণ শার্দূল সম  
ঘুরিতেছে নিরন্তর পশ্চাতে তাহার ;  
বুঝি আর বালিকার নাহি পরিজ্ঞান,  
বুঝিবা কুমারীপ্রাণ মর্যাদা হারায়ে  
চিরতরে দৈত্যকরে কলুষিত হয় ।  
গঙ্গা । তাহে কেন কোভ মনে ?  
এসেছ তো ফিরে—অক্ষতশরীরে  
কুলের গৌরবলক্ষ্মী ডালি দিরে  
দানবচরণে । ধন্ত তুমি, ধন্ত তব  
অপার মহিমা ! অমৃত করিয়া পান,  
লভিয়া চক্রীর দান,  
সার্থক অমর নাম করেছ অর্জন ।  
বৃহস্পতি । কেন দেবী ! দাও মনস্তাপ ?  
পাপ যবে মূর্তিমান্ হয়,

অধর্ম যখন—  
 ঐক্যের গর্ভশিরে করে আরোহণ,  
 তখন তাহার গতি  
 রুদ্ধ করে সাধ্য আছে কার ?  
 কর্মফল নিয়ন্তা সবার ;  
 নিজের জীবন—  
 নিজে যদি না করে হনন,  
 কার শক্তি—তার পাশে অগ্রসর হয় ?

( বিষ্ণুর প্রবেশ )

বিষ্ণু ।

সত্য বৃহস্পতি !  
 বিধিলিপি কর্মের অধীন ;  
 ব্রহ্মা, বিষ্ণু, মহেশ্বর  
 কেহ নহে শক্তিধর,  
 সর্বশক্তি মূলাধার শুধু কর্মফল ।  
 কর্মফলে ওঠে জীব উন্নত শিখরে,  
 কর্মফলে পড়ে পুনঃ গভীর কর্দমে ।  
 জনার্দন ! জনার্দন ! ধরি শ্রীচরণ,  
 বল—কবে হবে দানব দলন ?  
 কবে হবে এ রাক্ষসী দুর্দশা মোচন ।

গঙ্গা ।

বিষ্ণু ।

ত্যজ চিন্তা, নাহিকো বিলম্ব আর ;  
 ত্রিলোকের পাপভার পূর্ণ এতদিনে ।  
 চল যাই ব্রহ্মার সদনে,  
 তাঁহারে অগ্রণী করি কার্তিকেয় বীরে  
 আসন্ন সমরে—সৈন্যপত্যে করি অভিষেক ।  
 এস অগ্নি !  
 তোমারি প্রদত্ত শক্তি অস্ত্রের প্রহারে,  
 সমরে তারকাসুর হইবে নিহত ।

[ সকলের প্রশ্নান ]

## তৃতীয় দৃশ্য ।

দৈত্যরাজমন্ডা ।

দৈত্যরাজ তারক সিংহাসনে উপবিষ্ট, উভয়-  
পার্শ্বে জম্ভ, কুজম্ভ, বাণ, মহিষ প্রভৃতি  
অম্বরসৈন্যাধ্যক্ষগণ দণ্ডায়মান ।

তারক । শোন সেনাপতিগণ !  
তোমাদের প্রচণ্ড বিক্রমে  
নির্বাসিত দেবগণ স্বর্গরাজ্য হ'তে ;  
তোমাদেরি দুঃস্বপ্ন প্রতাপে  
অমর হ'য়েও তারা থরহরি কাঁপে ।  
সুখ নাই, শাস্তি নাই, চির অনশন,  
হাহাকাারে বনে বনে করিছে রোদিন,  
অপমানে উত্তমাজ তুলিতে পারে না,  
তবু স্বর্গজয়আশা, উদ্দাম-বাসনা ।

জম্ভ । বার বার করি পলায়ন,  
স্বর্গ-প্রদর্শনে ভয় দিয়া যুগে  
কলঙ্ক-কালিমা কুলে করিয়া লেপন,  
এখনো কি মুখ দেবরাজ—  
আশা করে অসি করে পশিতে সমরে ?

কুজম্ভ । জানে না কি সে অধম,  
হীন বল তার—সহিতে না পারে আর,  
ক্ষুণ্ণতার দৈত্যের প্রতাপ ?

মহিষ । এখনো কি বোঝে নাই সেই ঘৃণ্য পশু,  
স্বর্গরাজ্যে নাহি তার,  
প্রবেশের ক্ষীণ অধিকার ।

- বাণ । তা যদি বুঝিত, তাহ'লে শিশুরে এক  
সেনাপতি করি, আনিত না বলি দিতে  
মাতৃক্রোড় হ'তে তারে বিচ্ছিন্ন করিয়া ।
- ভারক । শোন বলীশ্রেষ্ঠ বাণ ! লয়েছি সন্ধান  
আমি, কেবা সেই শিশু—কাহার সন্ধান ।  
ভগবান্ শঙ্করের নিষ্কিঞ্চ শক্তি,  
যোগ্যকাল অগ্নিগর্ভে করিয়া বসতি,  
শরবণে লভেছে জনম ; সে এখন  
স্বর্গজর-আশে, ক্রৌঞ্চ-শৈল-সাহুদেশে  
শিথিতেছে পিতৃপাশে অস্ত্রের প্রয়োগ ;  
সুযোগ বুঝিয়া যদি সৈন্তদল ল'রে  
পার আজি নাশিতে তাহারে, জেনো বীর !  
বহুমূল্য রত্নহারে ভূষিব তোমার ।
- বাণ । আসি তবে দৈত্যরাজ ! সিংহাসনে বসি'  
এখনি শুনিবে তুমি আনন্দ সংবাদ ।  
[ অভিবাদন করিয়া প্রস্থান ]

( নিয়তির প্রবেশ )

( গীত )

নিয়তি ।

আলোক আঁধার জীবন মরণ মিথ্যা স্বপন অভিনয় !  
কার যে কখন প্রভাত-জীবন, কার যে কখন সন্ধ্যা হয় !!  
কেউ বা হাসে সুখের কোলে  
কেউ বা ভাসে অগাধ জলে  
নিখিল জীবন কৰ্ম্মফলে—চলে মূব সময় !!  
শিশুর খেলা—যুবাব মেলা,  
বৃদ্ধের আশা চড়বো দোলা,  
সদু-রজঃ-ভয় এ তিন দশা পরিচয় !  
ওঠা নামা—নামা ওঠা নিতুই বিনিময় !!

তারক । একি, কেবা এই নারী ! চকিতে নেহারি—  
 প্রাণ মোর উঠিল শিহরি !  
 কেন বা এ সিংহাসন,  
 আমার সাধনালব্ধ সগর্ভ-আসন,  
 তুচ্ছ এই নারী-আগমনে  
 অকস্মাৎ উঠিল টলিয়া ?  
 বল, বল ঘরা, কে তুমি রমণী ?

নিয়তি । তোমার নিয়তি ।

তারক । ( সিংহাসন হইতে লক্ষ্য দিয়া )

আমার নিয়তি ? আমার নিয়তি আমি ;  
 কেবা তুমি হেন শক্তিঘরী, বিশ্বজয়ী  
 প্রভুত্বে আমার—হানা দিতে এসেছ রাক্ষসী ?  
 পাপিয়সি ! ইষ্টনাম করুলো অরণ্য !

[ তারকের অসিহস্তে ধাবন ও নিয়তির অন্তর্ধান ]

একি, কোথা গেল, আমার জীবনীশক্তি  
 করিয়া হরণ, ব্যর্থ করি মোর পণ,  
 কোথা নারী পলকে কবিল পলায়ন ?  
 একি, একি অশুভ দর্শন !  
 চতুর্দিকে হেরি ঘোর অমঙ্গল ছায়া,  
 ঘেন—কায় ছাড়ি যেতে চায় মন ।  
 তবে কি শিথিল আজ বন্ধন আমার ?  
 কখনো না, কখনও সম্ভবে না ;  
 ত্রিভুবনে কেহ নাহি হেন শক্তিদর,  
 ধরে অস্ত্র আমার বিপক্ষে ।  
 যাও বীরগণ ! সংগ্রামের কর আয়োজন ;  
 রণোন্মত্ত তারকের কিণুরোযানে  
 অকালে প্রলয় আজ হউক সৃজন ।

[ একদিকে তারক ও অন্যদিকে অরণ্যের প্রস্থান ]



চতুর্থ দৃশ্য ।

ক্রৌঞ্চপর্বত ।

অল্পযুগে ব্যাপ্ত মহাদেব ও কার্তিক, কিয়ৎপরে

অদূরে শৈলসম্মিথানে সসৈন্য

বাণের প্রবেশ ।

-বাণ ।

সাবধান সৈন্যগণ !

যতক্ষণ নাহি হয় শিক্ষা-সমাপন,

যতক্ষণ ত্যজিয়া কুমারে—

ত্রিপুরারি স্থানান্তরে না করে গমন,

ততক্ষণ এস এই শৈল-অস্তরালে

সঙ্কোপনে করি অবস্থান ; জেনে রেখো—

সংহারীর উদ্ধত কৃপাণ—

সন্ধান যত্বপি পায়,

আমাদের আগমন—গূঢ় অভিপ্রায়,

তাহ'লে নিশ্চয় তাঁর দীপ্ত-রোষানলে

যত্নমদনের মত—

চক্কের পলকে মোরা হব' উন্মীভূত ।

১ম সৈন্য । এই চূপ্—চূপ্ !

২য় সৈন্য । ধবর্দার, কেউ গোলমাল করিস্নে, সব আন্তে

আন্তে আয় ।

( সকলের পর্বত-অস্তরালে অবস্থিতি )

মহাদেব । ( মন্ত্রশিক্ষা সমাপনান্তে )

প্রাণাধিক ! শিখ তব শক্তির সাধনা ;

অস্ত্রশিক্ষা, ধনুর্বেদ, মন্ত্রের কোশল

বাহা কিছু আছে বিশ্বে বীরত্ব বৈভব,

সকলি অবাধে তুমি আয়ত্ত করিলে ।

এবে এই শৈবধনুঃ করিয়া গ্রহণ,  
 শৈলবক্ষঃ লক্ষ্য করি হানি তীক্ষ্ণবাণ,  
 কর বৎস শিক্কা অবসান ; কিন্তু জেনো—  
 ব্যর্থকাম হও যদি ক্রৌঞ্চ-বিদারণে,  
 কীর্ত্তি তব চিরতরে মসীলিপ্ত হবে ;  
 জয়লক্ষ্মী বাধা যবে শত্রু-পদতলে ।

কার্ত্তিক । ( পিতার চরণধূলি মস্তকে লইয়া )  
 পিতা, পিতা, সিদ্ধিদাতা জনক আমার !  
 তুমি যার শিক্কাভার করেছ গ্রহণ,  
 তার শক্তি তুচ্ছ এই ক্রৌঞ্চ-বিদারণে  
 কতু নাহি হবে পরানুধ । আমি জানি—  
 মহেশ্বর মহাবীৰ্য্যে জনম আমার,  
 মাতা মোর আত্মশক্তি দেবী ভগবতী,  
 আমি যদি ইচ্ছা করি,  
 সংহারমুরতি ধরি  
 নিমেষে করিতে পারি ত্রিলোকবিজয় ।  
 মৃত্যুঞ্জয় ! কালকরে নাহি প্রয়োজন ;  
 তব নাম করিয়া স্মরণ, হের' ত্রিলোচন !  
 ধনুঃ করে করে পুত্র ক্রৌঞ্চ-বিদারণ ।

( শরাঘাতে ক্রৌঞ্চ-পৰ্ব্বত বিদীর্ণ হইল, সঙ্গে সঙ্গে বিকট,  
 আর্তনাদ সমুখিত হইয়া দিগ্গুণ্ডল মুখরিত করিল,  
 সিংহ-ব্যাঘ্রাদি প্রাণভয়ে ইতস্ততঃ পলাইতে  
 লাগিল এবং আকাশ হইতে হুম্মুভিধ্বনি  
 সহ কুমারের মস্তকে পুষ্পবৃষ্টি হইল )

দৈববাণী । ধনু, ধনু তুমি বিজয়ী কুমার !

মহাদেব । পুত্র ! পুত্র ! বীরশ্রেষ্ঠ সন্তান আমার !  
 বক্ষে এস, কর মোরে আলিঙ্গন দান ।

( আলিঙ্গন করণ )

( ইন্দ্রের প্রবেশ )

ইন্দ্র । হে সংহারি ! পদে ধরি,  
কর আজ বাসবে সংহার ।

মহাদেব । এ কি কথা কহ সেবরাজ !  
অকস্মাৎ কেন আজ হেরি ভাবান্তর ?

ইন্দ্র । অকস্মাৎ ? অকস্মাৎ নহে হে শঙ্কর !  
যুগব্যাপি করেছি সময়,  
প্রাণপণে সাধিয়াছি স্বরাজ্য রক্ষিতে ;  
তার কলে দিছি তুলে স্বাধীনতা ধন,  
স্বরগের সিংহাসন শত্রুপাদমূলে ।  
কুলের কামিনী—  
মৃতিমতী পবিত্রতা রাজার গৃহিণী,  
না জানি নীরবে কত সহে অত্যাচার,  
ব্যভিচারী দানবের পাপ-সহবাসে ।

( বলিতে বলিতে কণ্ঠরোধ হইল )

মহাদেব । কি কহিলে ? ইন্দ্রাণীর প্রতি অত্যাচার ?  
মাহিকো নিস্তার আর, সংহার—সংহার !

[ সংহারমূর্তি ধারণ ]

( ব্রহ্মা ও বিষ্ণু বেগে উভয়দিক্ হইতে প্রবেশ করিয়া )

উভয়ে । হে সংহারি ! কাস্ত হও ত্রিলোক সংহারে ;  
তুচ্ছ এক দানবেরে করিতে দমন,  
ক্রোধবশে—হিতাহিত জ্ঞানহারা হ'য়ে,  
শঙ্কর ! স্বধর্ম তুলে  
দিও না হে নৃষ্টি-স্থিতি ধ্বংসে বিসর্জন ।

[ মহাদেবের উত্তরপার্শ্ব ধারণ ]

( অগ্নি ও নারদ প্রবেশ করিয়া )

উভয়ে। রাখ প্রভু! রাখ ভগবান!  
“সদাশিব” নাম তব আজি অব্যাহত।

( মহাদেবের পদদ্বয় ধারণ )

কার্তিক। ( অগ্নি পাতিয়া ) পিতা! পিতা!

মহাদেব। বুকেছি তনয়!  
ইচ্ছা তব তুমি কর স্বর্গরাজ্যজয়;  
বেশ যাও,—অনুমতি দিলাম সানন্দে।  
হে রাজন! পুত্রে মোর করহ গ্রহণ,  
দেবকার্যসাধনের ভরে  
অর্পিতাম তব করে নন্দনে অ্যামার।  
যাও বৎস! কর এবে ত্রিদিব উদ্ধার।

ব্রহ্মা। উদ্দেশ্য সফল, যাও হে গোলকপতি!  
নাশিতে দানবে—দেব-সেনাপতি পদে,  
শঙ্কসুতে এই দণ্ডে করহ বরণ!

বিষ্ণু। ( কুয়ার সরিধানে গমন করিয়া )  
হে কুমার! পাপভার বৃদ্ধি হয় যবে,  
অধর্মের ভরা যবে ছকুল প্লাবিতা,  
ভাসাইয়া দিতে চায় ধর্মের প্রভাব,  
তখন সে দৃষ্টশক্তি করিতে দমন,  
নবশক্তি স্বজন্মের হরু প্রয়োজন।  
সে কারণ—নিখিলের শক্তি-সম্বন্ধে  
ঈশ্বর ঐরসে তব হইছে জনম।  
এস বীর! এস পুত্র—শিষ্য পিনাকীর!  
আজি হাতে দেবসৈন্য করিতে চালনা,  
সেনাপতি পদে তোমা করিছ বরণ।

কার্তিক । ধন্য আমি,—সার্থক জীবন,  
দেবতার রক্ষীরূপে আজি নারায়ণ,  
বরণ করিল মোরে সেনাপতি পদে ।

অগ্নি । প্রাণাধিক ! প্রিয়তম !  
দেবের বাহিতখন ! সর্বস্বরতন !  
এই লও অগ্নিদত্ত শক্তি প্রেরণ  
যার বলে হবে তুমি তারক-বিজয়ী ।

( শক্তিঅঙ্গদান )

কার্তিক । ( গ্রহণান্তে ) প্রথমি চরণে পিতঃ !  
জননীর মত স্বীয় অঠরে ধরিয়া,  
তুমিই করেছ মোর গঠিত শরীর ;  
তোমারি অনন্তশক্তি হৃদয়ে লভিয়া  
হ'য়েছি হে ক্রৌঞ্চভেদি বিশ্বজয়ী বীর ।  
আজি পুনঃ তব দত্ত শক্তিব সহায়ে  
বীরদর্পে পশিব সমরে,  
নাশিব অরাতিকুল,  
করিব স্বরগরাজ্য স্বাধীন আবার ।

ইন্দ্র । ( গলদেশ হইতে উন্মোচন করিয়া )  
হে কুমার ! রাজ্যরক্ষী হিতৈষী আমার !  
হৃদয়ের কৃতজ্ঞতা কেমনে জানাব ?  
তোমার এ অযাচিত মহা-উপকারে  
চিরদিন বাধা রব' চরণে তোমার,  
এর চেয়ে—আর কি বলিতে পারি  
আমি কুলদার ।

কার্তিক । কিছু নাহি বলিবার রাজা !  
কালজয়ী সর্বত্র সর্বদা । দুঃখ বৃথা,  
অচিরে হইবে তব অরাতিনিধন ।

ব্রহ্মা । যাও বৎস ! বিলম্ব ক'রো না তবে আর ;  
জম্বিনীর পাদপদ্মে করি প্রণিপাত,  
ল'য়ে এস অহুমতি—আশীর্বাদ তাঁর ।

( পার্বতীর প্রবেশ )

পার্বতী । তার জন্ত অপেকার নাহি প্রয়োজন ;  
বীরপুত্র যদি মোর করে আকিঞ্চন,  
জম্বভূমি—স্বাধীনতা করিতে রক্ষণ,  
সেতো প্রভু ! আমারি গৌরব।  
এস পুত্র ! এস মোর বিজয়ী নন্দন !  
নিজ হাতে বীরসাজে সাজায়ে তোমারে,  
আজি এই শুভকণে—  
মাতৃদেহের পূর্ণ সুখ করি আহ্বান ।

( ময়ূরসহ গরুড়ের প্রবেশ )

গরুড় । ভক্তবাহুপূর্ণকারী হে ক্রৌঞ্চ-বিদারী !  
পদে ধরি—করি হে মিনতি,  
অহুমতি দাও আজ অকৃতী গরুড়ে,  
সে যেন অবাধে পারে দিতে উপহার,  
প্রাণ খুলে ভক্তি-অর্ঘ্য চরণে তোমার ।

কার্ত্তিক । ভাগ্যবান্ পক্ষিরাজ, বৈকুণ্ঠবাহন !  
অকপটে কর মনোভাব ; জেনো হির—  
লইব ভক্তের দান নতশিরে আমি ।

গরুড় । লহ তবে ভক্তসখা ! ভক্তের নৈবেদ্য—  
স্নেহসার সন্তানে আমার, আজি হ'তে  
ও রাঙা চরণতলে বাহন করিয়া ।  
আজি এই ময়ূরে চড়িয়া—শক্তিধর !  
সংগ্রামে প্রস্তুত হও, শক্তির সহানে  
অর্গরাজ্য কর নিরাপদ ; জাতি, ধর্ম  
রক্ষা কর, মুক্ত কর সতী-অপমান ।

( বেগে স্বর্গলক্ষীর প্রবেশ )

স্বর্গলক্ষী । তিলমাত্র বিলম্ব ক'রো না, ছুটে যাও—  
এখনি সঠিক্তে কর স্বর্গ আক্রমণ ।

( নেপথ্যে সমরবাণ, কার্তিকের ময়ূরে  
আরোহণ ও নিয়তির প্রবেশ )

নিয়তি । এস বীর ! আমি তোমায় পথ দেখিয়ে নিয়ে যাচ্ছি ।

কার্তিক । কে আপনি ?

নিয়তি । তোমার নিয়তি । [ সকলের প্রশ্নান ]

পঞ্চম দৃশ্য ।

স্বর্গবন ।

হাঁফাইতে হাঁফাইতে বিশ্রান্তবসনা

ত্রস্তা দেবসেনার প্রবেশ ।

দেবসেনা । আর যে পারি নে আমি রাখিতে জীবন,  
আর যে চরণ মোর চলিতে পারে না,  
কোথা তুমি পতি, প্রভু, আরাধ্য আমার !  
বুঝি আর এ জনমে হ'ল না মিলন ।  
ওই আসে, ছুটে আসে ধরিতে আমারে,  
রক্ষা কর, রক্ষা কর কে আছে কোথায় ?  
সতী নারী শত্রুকরে মর্যাদা হারায় ।

( সশস্ত্র এসনের প্রবেশ )

স্বপ্নন । বিফল চীৎকার ;

এই আমি করিলাম বাহর প্রসার,  
দৈত্যরাজ-অঙ্কলক্ষী করিতে তোমারে ।

( সশস্ত্র গণদেবতাগণের প্রবেশ )

গণদেবতা । তার পূর্বে ধরাবন্ধঃ করিয়া চূষন,

দৈত্যাধম ! নিজ প্রাণ দাও বিসর্জন ।

[ গণদেবতা কর্তৃক এসনের কেশমুষ্টিগ্রহণ ও শিরচ্ছেদন ]

( গাহিতে গাহিতে নিয়তির প্রবেশ )

( গীত ) •

নিয়তি । কারণ সুলিলাে জনম আমার ব্রজার তপোবলে !

জীবন আমার পূর্ণ নিয়ত অমৃত ও হলাহলে !!

মেঘ হ'য়ে আমি আকাশেতে উঠি জল হ'য়ে পড়ি ঝ'রে

কখনো আবার আওনের শিখা জ'লে উঠি দপ্ ক'রে

চন্দ্র, তপন—আমার নয়ন, চিরদিন ধ'রে জলে !!

রাত্রি আমার কুন্তল জাল দিবস আমার হাসি ;

সৃজন-পালন-সংহাররূপে ঘুরি আমি দিশিদিশি,

জীবন-মরণ, ত্যাগ-প্রলোভন, আমারি চাতুরীছলে !!

যে বৃকেতে করি অনন্ত মেহে তনয়ে স্তম্ভদান,

সেই বৃকে ধরি মুণ্ডের মালা করিতে রক্তপান,

আমি উৎসবে থাকি পুন্ডকে মিশিয়া শ্মশানে অশ্রুজলে !!

( গীতান্তে দেবসেনাকে বাহুপাশে বেঁধন করিয়া )

ওঠ বোন্ ! ক'রো না ক্রন্দন ;

জীবনবল্লভ তব গিয়াছে সমরে,

নাহি চিন্তা—আশা তব পূরিবে অচিরে ।

দেবসেনা । দিদি ! দিদি ! তুমি কি তা' স্বচক্ষে দেখেছ ?

নিয়তি । এস বোন্ ! তুমিও দেখিবে এস ; একাধারে

সৌন্দর্য্য ও বীরত্বের পূর্ণ সমাবেশ,

• কবিরাজ মহাশয় "খাদি" না করিলেই নয়, এই গীতটা তাঁহারই রচিত



যুহতা ও কাঠিলের মধু সমধম,  
তুমি কেন প্রত্যক না হেরি'  
না করিবে সার্থক জীবন ?

দেবসেনা । দিদি ! বিধিলিপি কর্ণের অধীন ;  
কর্ষভূমি—সব চেয়ে বড়,  
কর্ষফল অবশ্য ফলিবে,—  
এ কথা যথার্থ মানি । নহে আজ  
তারক অশুর, কঠোর তপস্শ্রা ক'রে  
লভেছিল বেই উচ্চ সিংহাসন,  
তাহ'তে পতন হবে তার—  
এ কথা কি ভেবেছিল কেহ ?

নিরতি । সত্য বোন্ ! ভাবে নাই কেহ ;—  
কিন্তু এই বা কে ভেবেছিল,—  
অশুর তারক তপস্শ্রা করিয়া  
করিবে অষ্টার হৃদে আতঙ্ক সঞ্চার ?

দেবসেনা । তাহার সে আত্মত্যাগ, বিপুল সাধনা—  
হ'ত না বিফল দিদি ! তাই প্রজাপতি  
সৃষ্টি তাঁর অক্ষত রাখিতে,  
অবাধে দিলেন বর—সে যাহা চাহিল ।  
কিন্তু মুগ্ধ সে দানব—  
না চিনিল আপনার হিত,  
না বুঝিল কিবা শ্রেষ্ঠপথ,  
ডুবিল—মরিল শুধু আপনার জ্বলে ।

নিরতি । বোন্ ! এই ছিল তার কর্ণফল ;  
এই বিধিলিপি—ইহাই নিরতি ।  
এরই প্রতাপে—  
ওঠে পড়ে হাসে কাদে নিখিলের জীব,  
এরই প্রভাব—

অতি স্পষ্ট জলন্ত অক্ষরে  
লেখা থাকে নিখিলের ভালে ;—  
মুছিবার নহে তাহা, মুছাইবারও নয় ।  
দেবসেনা । সব জানি ; কিন্তু দিদি বড়ই আক্ষেপ,  
জেনে শুনে এ সব বারতা,  
দেবতা দেবত ত্যজি—  
ভুলে যায় যদি কর্তব্য আপন,  
না করেন ধর্মরক্ষা — স্বাধীনতা পণ,  
তবে আর স্থান কোথা তার ?  
এ জগতে একমাত্র সার,  
জীবে দয়া — সত্যের সন্ধান,  
প্রিয়জনপ্ৰীতি—আত্মার উন্নতি ;  
এটুকু পালনে যদি কৃপণতা আসে,  
তবে সাধ কেন সিংহাসন-লাভে ?

## ( ব্রহ্মার প্রবেশ )

ব্রহ্মা । কেন মাতা ! হেন অভিযোগ ?  
আধিজল পড়েছে ধরায়  
শুধু কি তোমার মাতা ?  
অবহেলে যেইজন ত্রিলোক চালায়,  
যার হাতে র'রেছে চাবুক —  
ত্রিলোকের পাপতাপ মুছাইয়া দিতে,  
হের' সেইজন সম্মুখে তোমার—  
লইয়া শাস্তির জল পূর্ণকুণ্ড ভ'রি ।

ধনিয়তি । পিতা, পিতা, ধরি শ্রীচরণ,  
উত্তেজিত পুনঃ কর কি কারণ ?  
ওই দেখ—পতিতপাবনী মাতা সুরধুনী  
বক্ষে ল'য়ে নিদারুণ যাতনার জালা,  
অভিশাপ দিতে উত্তত হইয়া

তোমারি আশ্বাসবাণী পেয়ে  
কোনরূপে রয়েছে শীতলা ।  
আর কেন, আর কেন পিতা, পদে ধরি  
সহরিয়্যা ক্রোধ, সুবোধ শিশুর মত  
রুদ্ধকণ্ঠ—তপ্ত আধিজলে  
সৃষ্টির সৌন্দর্য্য সব দিও না মুছায়ে ।

( বিষ্ণুর প্রবেশ )

বিষ্ণু । নিয়তি ! নিয়তি ! তাও কি সম্ভবে আর ?  
ধরেছি যখন করে চক্র স্মদর্শন,  
তখন কি নিবারণ আর শোভা পায় ?  
চালাও—চালাও রথ,  
কর কশাঘাত—তীব্র কশাঘাত,  
রে সারথি ! রুদ্ধপথ যদি দেখ —  
তথাপি হ'য়ো না কাস্ত কর্তব্যসাধনে ।  
শুনিছ না—শুনিছ না কাণে,  
ঐ যে হুন্দুভিবান্ধ বাজিছে সঘনে,  
ঐ যে ভীষণ যুদ্ধ  
হইতেছে দেবাসুর সনে,  
ঐ যে নিখিলশক্তি একত্রীকরণে  
ছুটে যায় গ্রাসিতে অসুরে ।  
এস—এস, হাত ধরে নিয়ে যাই সেথা,  
যেথায় হ'তেছে এই প্রত্যক্ষ ঘটনা ।

ব্রহ্মা । চক্রী, চক্রী, চক্রগতি রুদ্ধ কর ;  
তুমি যদি নিজে চক্র ধর',  
হবে না স্বরাজলাভ—কখনো হবে না ।

বিষ্ণু । স্বরাজ্যেতে নাহি প্রয়োজন,  
হোক কিম্বা নাহি হোক কোন কতি নাই ;  
তার চেয়ে বড় কতি এই প্রজাপতি !

সতীত্ব, সৌন্দর্য্য, বাহ্য—  
 যাহা শ্রেষ্ঠ—যাহা সার,  
 তাই যদি ডুবে যার আজ  
 প্রবলের নিষ্ঠুর পীড়নে,  
 তবে রণ-অবসানে—  
 ছার সৃষ্টি-স্থিতি কি হবে রাখিয়া আর ?

ব্রহ্মা । নারায়ণ ! নারায়ণ ! রক্ষা কর,  
 সব যার—সব বুঝি ভেসে যায় আজ ।  
 কাষ নাই—প্রত্যক্ষ নামিয়া রণে,  
 তুমি যদি যোগ দাও কার্তিকেয় সনে  
 ধ্বংস মাত্র হবে ত্রিভুবন,  
 হবে ভঙ্গনার, কেহ না রহিবে আর,  
 বংশে বাতি দিতে কেহ না থাকিবে,  
 পাছে পাছে র'বে শুধু আলেয়ার আলো ।

নিরতি । জানি পিতা, সব জানি আমি ;  
 তাই আজ ষড়ৈশ্বর্য্যে একত্রিত ক'রে  
 উমা-মহেশ্বরে করেছ মিলন,  
 জ্যাগীরে বসারে দেছ ভোগের আসনে ।  
 তাই আজ কার্তিকেয় বীর—  
 করে ল'য়ে শুধু তীরধনুঃ,  
 অসীম সাহসভরে  
 অবাধে চলেছে আজ সমরে একাকী ।

দেবসেনা । বাবা ! বাবা ! কি কহিব, কথা নাহি সরে ;  
 কত যে যাতনা স'য়ে—  
 হ'য়ে আছি নিপীড়িত—জর্জরিত আমি,  
 বুক চিরে দেখাই যতপি  
 বুঝিবা তোমারও বুক  
 ভেঙ্গে চূরে বিধগিত হবে ।

ব্রহ্মা ।

মা, মা, চূপ্ কর—চূপ্ কর ।  
আমাকেও উত্তেজিত ক'রে  
টেনে নিয়ে যেতে চাস্ রণে ?  
একান্ত কি বাসনা তোদের  
সৃষ্টি সব ধুয়ে মুছে যাক্ ?  
না—না, তাও কি সম্ভবে দেবী ?  
আমি সৃষ্টিধর—আমি প্রজাপতি,  
আমি যদি হই এতটা অধীর,  
তবে আর শাস্তি কোথা র'বে ?  
শাস্তি যে মা ! চিরতরে ধূলায় লুটাবে ।  
কাঁচ নাই—কাঁচ নাই, আয় দেখি যাই—  
সমরের কিবা ফলাফল ? এস বিষ্ণু !—

( ইন্দ্রের প্রবেশ )

ইন্দ্র ।

পদ্মাসনগর্ভ হ'তে যোগ ভাঙ্গাইয়া  
করিয়াছি নিজ্রার ব্যাঘাত,  
কম অপরাধ দেব !

ব্রহ্মা ।

কেনহে বাসব ! কি হেতু আতঙ্ক এত ?

ইন্দ্র ।

তারকনিধন তরে—কিষ্কা  
প্রতিষ্ঠিতে স্বাধীনতা—স্বরাজ আসন,  
সংহারিতনয়—একাই যথেষ্ট প্রভু !

ব্রহ্মা ।

বজ্রী ! বজ্রী ! উভয়ে কি হ'য়েছে সাক্ষাৎ ?

ইন্দ্র ।

শত বাধাবিন্ম করি' অতিক্রম,  
সিংহশিশু চলিয়াছে অমিতবিক্রমে ;  
যার সনে হয় দরশন,  
মুহূর্ত্তেকে ধরাশায়ী হয় সেইজন ।

ব্রহ্মা ।

সুসংবাদ বটে ; এস শচীপতি !  
দূর হ'তে সেই দৃশ্য করি' দরশন,  
অস্তরের সেই জালা—সেই তীব্রদাহ

করি আজ নির্ঝাপিত,  
 বিষ্ণুর চরণ-ধৌত শুভ্র গঙ্গাজলে ।  
 এস মা—জননীঘর,  
 আজি রণ-অবসানে—আনন্দের দিনে  
 দেবের বাহিতখন কার্তিকের করে,  
 এই পুত্র জয়মালা উপহার দিয়া  
 সৃষ্টিকার্য্যে পুনরায় হই নিমগন ।

( নিরতি ও দেবসেনার হস্তধারণ )

চক্রী! চল আশুসারি ;  
 বজ্রধারী! ধর অস্ত্র লভিতে স্বরাজ ।

[ সকলের প্রস্থান ]

### ষষ্ঠ দৃশ্য ।

রণস্থল ।

যোদ্ধৃবেশে সুসজ্জিত তারক ।

তারক । কোথায় দেবতা—দেবতা কোথায় ?  
 দেবতার স্থান নাহি আর স্বর্গভূমে ।  
 বারবার দস্তে তুণ করিয়া ধারণ,  
 করি পলায়ন, এখনো কি লজ্জা নাই মনে ?  
 সাধ্য যদি থাকে,  
 শক্তি যদি চাহ পরীক্ষিতে,  
 সম্মুখসমরে এস রে দেবতাগণ !  
 করি নিমন্ত্রণ,—  
 একা কিম্বা সমষ্টি মিলিয়া  
 সম্মুখে দাঁড়ায়ে কর রণ ;  
 নচেৎ আদিবধ করিব তোমার,  
 অজর, অমর নাম দিব ঘুচাইয়া !

কই, কেহ নাহি হয় অগ্রসর ?—  
 শুধু হানে বাণ অলক্ষ্যে থাকিয়া ?  
 এই কিরে ধর্মযুদ্ধ—শ্রাব্য আচরণ,  
 এই কিরে অমৃতপানের ফল ?  
 মোহিনীর মূর্তি ধরি'  
 চুরি করি ধেয়েছ অমৃত,  
 এইবার দিব প্রতিশোধ ;—  
 উদগার করায়ে মেই অমৃতের রাশি,  
 হলাহলে পরিণত করিব এখনি ।

[ ক্রতবেগে প্রস্থান ]

পট পরিবর্তন ।

( সূর্যের প্রবেশ )

সূর্য্য ।  
 দৈব ও পুরুষাকারে  
 হইতেছে প্রবল সংগ্রাম,  
 নৈত্যপতি বাঁধিয়া রেখেছে মোরে,  
 সময় ও গতি না হয় নির্ণয় আর ।  
 একদিকে মন্ত্রশক্তি—সাধুতার ভাণ,  
 অন্যদিকে ক্ষুরপ্রাণ—  
 পদাহত ভূজঙ্গের কাতর ক্রন্দন ;  
 একদিকে প্রবঞ্চনা—সমষ্টির বল,  
 অন্যদিকে রুক্ষ পশু দেশের আহ্বান ;  
 কিন্তু কি কঠিন প্রাণ মোর,  
 বাঁধা আছি সতত দুয়ারে ;  
 যেতেও পাবনা—  
 শুধুই হতাশনেত্র  
 চেয়ে আছি জগতের পানে,  
 অত্যাচারী দানবের আজ্ঞাবাহী হ'য়ে ।

চন্দ্র । ( অন্তরাল হইতে )  
তুমি কি একাই শুধু কাঁদিছ নীরবে ?  
রাত্রিকাল—বিশ্রামের কাল,  
তাতেও কি নিশ্চিন্ত বিরামে  
সুখে বাস করে কেহ ?

সূর্য্য । কে—সুখাংগু ? কি বলিছ ?—  
সুখ,—সুখ ? —সুখ কোথা আর ?—  
এই দেশ—সর্বজয়ী রাহুর প্রভাব,  
সর্বগ্রাসে সর্বশক্তি হরিল আমার ।  
অন্ধকার—অন্ধকার—গাঢ় অন্ধকার !

[ সূর্য্যের তিরোধান ]

( চন্দ্রের আবির্ভাব ও নক্ষত্ররাশির বিকাশ )

চন্দ্র । একি !—একি অদৃশ্য আঘাত !  
দৃষ্টিশক্তি ক্ষীণ হ'য়ে আসে,  
কর্ণ যে বধির হয়, হয় রুদ্ধশ্বাস !  
উদ্ধাপাত,—উদ্ধাপাত ! ভীষণ আকার !  
স্তব্ধ রুদ্ধ, বায়ুর সঞ্চারণ ! ধ্বংস—ধ্বংস !

( অভয়হস্ত উত্তোলনে বেগে নিয়তির প্রবেশ )

নিয়তি । ভয় নাই—ভয় নাই !  
ওই আসে কার্ত্তিকের বীর,  
আধিনীর সবাকার মুছাইয়া দিতে ।

( সহাস্র আননে কার্ত্তিকের প্রবেশ )

কার্ত্তিক কোথা সেই শক্তিমান্ ভক্তশ্রেষ্ঠ বীর !  
ব্রহ্মা, বিষ্ণু, মহেশ্বর  
রক্ষা করে সতত শরীর ?  
তপস্শার বলে কত শক্তি করেছ সঞ্চয়,  
যার কাছে হীনবল সমগ্র দেবতা ?



যাহার নিধন তরে  
 ত্যাগী স্বীয় আসন ছাড়িয়া,  
 ভোগের মন্দিরে বসি'  
 সাদরে গ্রহণ করে পূজা ?  
 কই, কই সেই ভাগ্যবান,  
 কোথা সেই উদার—মহান,  
 যাহার উচ্চার তরে সমগ্র দেবতা  
 আলস্য ছাড়িয়া  
 ব্যস্ত আজ স্বাধীনতা-লাভে ?  
 এইমত সজাগ প্রহরীরূপে  
 থাকিতে যত্নপি সবে স্বীয় অধিকারে,  
 তবে কি এ বিড়ম্বনা—নির্ঘাতন ভোগ,  
 হইত কি কাহারো কখনো ?  
 সূর্য্য আজ সাক্ষী তার দ্বারে,  
 চন্দ্র করে শীতলতা দান,  
 মহেশ্বর পুত্র আমি—  
 আসিয়াছি করিতে সন্ধান,  
 কোথা সেই ভাগ্যবান্ তারক অসুর ?

( পট পরিবর্তন )

( গৈরিকবেশ-পরিহিত তারকের পুনঃ প্রবেশ )

তারক । তন্ন তন্ন করিয়া সন্ধান,  
 না পেলাম এখনো দর্শন,  
 যম ইষ্টদেব সেই সংহারিতনয়ে ।  
 আমি জানি—যদি পাই চরণের ধূলি,  
 স্বচক্ষে নেহারি' যদি তাঁরে একবার,  
 প্রাণভ'রে কাঁদিব চরণে,  
 উপহার দিব তাঁরে সকল বেদনা ।

কিন্তু এ সৌভাগ্য হবে কি আমার ?  
 কে বলিবে—কে দিবে উত্তর ?  
 হেন শক্তি আছে বা কাহার,  
 দৃঢ়কণ্ঠে স্পষ্টকথা বলে ?  
 কক্ষক্ষেত্রে একলক্ষ্যে অগ্রসর হ'লে  
 অসুর বলিয়া লোকে উপহাস করে,  
 যুগান্তরে দেবগণ ফিরায় বদন—  
 পাছে হয় ভোগভ্রষ্ট ব'লে ;  
 কিন্তু জানে না তাহারা—  
 অসুরই প্রতিষ্ঠা করে দেবত্ব-গৌরব  
 উচ্চাসনে কক্ষীগণে জগত হিতার্থে ।  
 দেবতা-দানব—একবৃক্ষে দুটি ফল,  
 শ্বেত-কৃষ্ণ, হাসি-অশ্রু, সার দুইদিক  
 দুইপথে পরিচয়—জন্মমৃত্যু রূপে ।  
 শাস্ত্রত জীবন গড়িয়া তুলিতে হ'লে,  
 মরণেরে দিতে হয় অগ্রে আলিঙ্গন ।  
 এবে সেই কার্য হ'য়েছে সাধন,  
 স্বাধীনতা—স্বাধীনতা ক'রে  
 রণোন্নত—সশব্যস্ত সর্বদেবদেবী ।  
 কিন্তু আমি ইষ্টে খুঁজিয়া না পাই,  
 চারিদিকে চাই,  
 শুধু শূন্যনেত্রে ফিরে ফিরে আসি ।

( কার্ত্তিকের প্রবেশ )

কার্ত্তিক      ফিরিতে হবে না আর,  
                   যমদণ্ড ল'য়ে করে  
 এই যে এসেছি আমি সকাশে তোমার  
 কেন হে অসুরবর ! কি হেতু বিষাদ,  
 মৃত্যুভয়ে ভীত কি হে আজ ?

- তারক      মৃত্যুভয় থাকিত যতপি,  
মৃত্যুঞ্জরে হানা দিবে মরণের মুখে,  
হাসিমুখে হইতাম অগ্রসর দেব ?
- কার্তিক ।    হাসিমুখে অগ্রসর হইয়াছ বটে,  
কিন্তু এটুকু নিশ্চয় ভাবিয়াছ মনে,  
তপোবলে একবার লভিয়াছ জয়,  
তাই—নাহি ভয় নিশ্চিত মরণে ।
- তারক      আত্মনাশে সকলেরি ভয় হয় দেব ?  
কিন্তু আমি নাহি জানি ভয় কারে বলে ।  
বজ্রাঙ্গী আমার পিতা,  
অসুর যে ছিল বটে নামে ; কিন্তু  
সারাটী জীবন করি তপঃ আচরণ.  
স্বীয় স্বার্থে দিয়া বিসর্জন,  
মৃত্যুকালে শেষনিঃশ্বাসের সনে  
দিলেন আমারে এই আশীর্বাদ বাণী,  
তপশ্চর্যা ক'রো বৎস ! জীবনের সার,—  
তার চেয়ে বড় নাহি আর ;  
দরিদ্রকে নারায়ণ জেনো,  
স্বার্থভুলে ভালবেসো আপন স্বদেশ,  
দস্তভরে চলে যেয়ো, কোনদিকে নাহি চেয়ো,  
আপন জাতির নিও আপনার শিরে ।  
সেইমত কার্যক্ষেত্রে হ'লে অগ্রসর,  
সৃষ্টিধর আসি বর দিলেন আমারে,  
কর্মভূমি জেনো বৎস ! সকলের সার ;—  
তপঃ হ'তে বড় কর্ম, কর্ম হ'তে জ্ঞান,  
জ্ঞান হ'তে পরমার্থ ধন—দরশন ।
- কার্তিক ।    এ কি কথা কহ বীর !  
বিশ্বয়ে না হয় স্থির তুমি কি দানব ?

বুঝিতে না পারি—

এত শক্তি তুমি কোথা হ'তে পেলে?—

কেমনে লভিলে হেন দিব্যজ্ঞান ?

দিব্য-চক্ষুঃ যোগবলে

সাকল্য, সাযুজ্যে তুমি করেছ মিলন,

তারি ফলে লভিয়াছ রাজ-সিংহাসন,

তাই তুমি হইয়াছ ত্রিদিব বিজয়ী ।

স্বাক্ষর

অস্তুর্যামী তুমি প্রভু ! কিবা নাহি জান ?

ছিল আকিঞ্চন—

অত্যাচার, অবিচার সহিতে নারিব,—

জগতে দেখায়ে দিব সত্যের আদর ।

তাই দেব ! সত্যে করি পণ, কৰ্ম্মক্ষেত্রে

নবমন্ত্র করিতে প্রচার, নব্যতন্ত্রে

নববীজ করেছি রোপন । সত্য আমি,

তাঁরি বরে লভিয়াছি স্বর্গ সিংহাসন,

তাঁরি বলে করিয়াছি দেবতা পীড়ন ।

দেবতাদানব ব'লে পার্থক্য যে নাই,

তাহাই দেখায়ে দিছি জগত সমক্ষে—

শুধু তাঁরি অনুগ্রহে, তাঁরি করুণার

কণামাত্র পেয়ে ; বুঝেছি এ সার—

ধর্ম্মবল সকলের বড়,

কর্ম্মফল থাকে শুধু কাছে,

কিন্তু হিংসা আমি পারি নি ত্যজিতে ;

তাই দেবরাজ-মনে বেদনা জাগায়ে,

প্রতিহিংসা-সাধনের তরে

ইজ্রাণীরে বাহুবলে বাঁধিয়া এনেছি,

চন্দ্র, সূর্য্যে সাক্ষ্য দিতে রাখিয়াছি দ্বারে ।

সর্ব্ববিধ অধিকার, যথেষ্ট শাসন,

সর্ব্বত্র সমাধিপত্য করেছি বিস্তার ।

এবে প্রয়োজন—আকিঞ্চন,  
তোমার ঐ পাদপদ্মে দিতে বিসর্জন,  
বাঁকি এ জীবনভার দুর্কহ—দুঃসহ ।

কার্তিক । অতীতের সকল ঘটনা,  
পুঙ্খ-অনুপুঙ্খরূপে সব আমি জানি ;  
কিন্তু বীরত্বের সনে ধর্মের মিলন,  
তাও দানবের কাছে, বিচিত্র ইহাই ।  
শোন বীর ! হাসিমুখে সত্যকথা বলি,  
দৈত্যবংশে জন্মলাভ সার্থক তোমার ;  
দেবেরও অসাধ্য যাহা,  
তাহা তুমি দৈত্য হ'য়ে করেছ সাধন ।  
সর্বত্যাগী সন্ন্যাসীরে শ্মশান হইতে  
টানিয়া আনিয়া—ফুলমালা গলে দিয়া  
প্রবৃত্তির দাসধতে লেখাইয়া নাম,  
ত্যাগ ছাড়ি বসাইয়ে ভোগের রাজত্বে  
করিলে জাগ্রত তুমি নিখিলের জীবে ।

তারক । আমি কি করেছি দেব ।  
আমার যে সব শক্তি  
তোমার ঐ জন্মসাথে হ'য়েছে বিলীন ।  
তুমি মোর আরাধ্যদেবতা !  
তুমি মোর নয়নের মণি !  
চারিদিকে অন্ধকার, পিচ্ছিল পদবী,  
তুমি যদি না দেখাও পথ,  
দিশেহারা জনে কে দেখাবে আলো ?  
এস—এস মোর হৃদয়রঞ্জন !  
বক্ষে এস—প্রাণভ'রে করি দরশন,  
সতত হৃদয়ে রাখি,  
আঁখিভ'রে দেখি ওই মোহন মূরতি ।

কার্তিক । একি, দৈত্যমুখে এ কি কথা শুনি ?  
 একান্ত যত্নপি তব দেখিবার সাধ,  
 কেন আর তবে করি লুকোচুরি ?  
 তপস্শার বলে লভিয়াছ রাজসিংহাসন,  
 তপস্শায় করি আজ ত্রিদিববিজয়  
 জগতে দেখায়ে দেছ সত্যের আদর ।  
 সুখ-দুঃখ, পাপ-পুণ্য, মোহের বিকার  
 বিচারের নামে হয় নিত্য অবিচার,  
 প্রত্যক্ষ দেখায়ে দিয়া জগৎসমক্ষে,  
 দেবতার রাজভোগ ছিনিয়া লইয়া—  
 একছত্র আধিপত্য করেছ বিস্তার ।  
 শোন দৈত্যবর ! ইচ্ছামৃত্যু বর  
 লভেছিলে দেবতা সকাশে,  
 কিন্তু মদ ও মাংসখ্যে উন্মত্ত হইয়া  
 সেই দেবতারে পুনঃ করি আক্রমণ,  
 নিজের মরণ তুমি নিজেই ডেকেছ ।  
 কিন্তু হে প্রিয় ! হে ভক্তবর !  
 পরাজিত আমি তব পাশে ;  
 ইচ্ছাশক্তি করিব হরণ,  
 হেন শক্তি উপার্জন করি নাই আমি ।  
 এই আমি করিলাম গান্ধীব সংযত,  
 কহ সত্যব্রত ! কিবা তব অভিপ্রায় ?

তারক । একি, একি, অভিশাপ কেন দাও মোরে  
 আমি যে মৃত্যুর দ্বারে আছি দাঁড়াইয়ে ।  
 আমার আকাঙ্ক্ষা সব মিটিয়া গিয়াছে,  
 ফুরিয়েছে দর্প, দস্ত, মান, অভিমান !  
 আর কেন জেলে দাও অতীতের স্মৃতি,  
 বিশ্বস্তির গর্ভে সব দাও ডুবাইয়া ।

অশ্রায়ের বিরুদ্ধে দাঁড়াব,  
 ছিল মাত্র জীবনের ব্রত,  
 সেই ব্রত উদ্‌ঘাপন মোর ;—  
 স্বর্গরাজ্য করি অধিকার,  
 স্থাপিয়া অনন্ত সত্য ত্রিদিবমাঝারে  
 করিয়াছি বিতাড়িত পাপী সে অমরে ।  
 পুনঃ সেই তৃষা—দাবানল,  
 সেই জালা—তীক্ষ্ণ আশীবিস,  
 সেই দাহ—প্রলয়ের বাণ  
 সন্ধান করিয়া আর ডাকিয়া এনো না ।  
 পদে ধরি হে আরাধ্য হৃদয়রতন !  
 একবার—একবার দাও আলিঙ্গন,  
 দৈত্যবংশে জন্মলাভ হউক সার্থক ।

( কার্তিকের আলিঙ্গন করণ )

এস, এস হে আরাধ্য !  
 এস মোর অঙ্কের নয়ন !  
 এস মোর অন্তরের অমৃত শলাকা !  
 শীতল করিয়া দাও দেহ,  
 জ্ঞানচক্ষু ফিরাইয়া আনো !  
 একি, একি মূর্তি মনোরম !  
 একি রূপ, বিশ্ব বিমোহন !  
 আমারে ছলনা করি—  
 কোথা ছিলে এতদিন তুমি দয়াময় ?  
 এতদিনে হয়েছে কি সময় তোমার,  
 উদ্ধার করিতে মোরে পাপপঙ্ক হ'তে ?  
 সত্য দেব ! ভোগতৃষা মিটেছে আমার !  
 এ মূর্তি ছাড়িয়া আব্র—  
 ফিরে নাহি যেতে চায় মন,  
 নন্দনকানন কিম্বা রাজসিংহাসনে ।

দাও দেব ! দাও পদরেণু,  
 অস্তিমের শেষ সহল যেটুকু—  
 ল'য়ে যাই তাহা শুধু পাপদেহসনে ।  
 কার্তিক । সত্যই বিজিত তুমি এ মহাসমরে ;  
 ভাবি নাই কখনো অন্তরে,  
 এ ভাবে সমরজয় করিতে হইবে ।  
 এত যদি তব সরল অন্তর,  
 এত যদি ছিল উদ্দেশ্য মহৎ,  
 কেন তবে বক্ষে ল'য়ে কলঙ্কের ছাপ,  
 নীচ স্বার্থ-আশে ছিলে নিমগন ?  
 তারক । বিচারের ছলে যদি হয় অবিচার,  
 দেবতার নামে করি মিথ্যা অভিনয়,  
 চুরি করি খাইয়া অমৃত,  
 যত্নপি অমরগণ  
 নিজভায়ে দেয় বিসর্জন,  
 “ভাই ভাই ঠাই ঠাই” হ'য়ে  
 স্বেচ্ছায় যত্নপি করে ভিন্নগৃহে বাস,  
 আপন আবাস যদি স্বার্থের সন্ধানে  
 তুলে দেয় অপরের হাতে,  
 তথাপি দেবতা ব'লে তাহার আদেশ  
 নিতে হবে মাথায় করিয়া ?  
 দিবসে কাটার দিন অলসশয়নে,  
 বসি সিংহাসনে—শোনদৃষ্টি হানে  
 অহল্যাহরণে নাহি বিন্দুমাত্র ভয়,  
 কেননা সে জগতে অমর ;—  
 কেননা সে নির্ঝিবাদে করে রাজ্যভোগ,  
 দানবে খেদায়ে দিয়া যজ্ঞভাগ হ'তে ।  
 কার্তিক । আপনার হিত যদি আপনি না চেনে  
 ধর্ম্মাধর্ম্মে যদি নাহি করে জ্ঞান,



দেবতা-দানব দুই বৈমাত্রেয় ভাই,  
জানিয়া বুঝিয়া কিছা ফাঁকি দিয়া যদি  
স্বেচ্ছায় করিয়া থাকে স্বীয় সর্বনাশ,  
পাপী হবে সেইজন ; তুমি ক্ষুদ্র,—  
তুমি কেন বলি দিয়া আপন ঐশ্বর্য্যে  
প্রতিহিংসাতরে ছিলে তপে রত ?

তারক । “তুচ্ছ তৃণ গুচ্ছ হয়ে বাঁধি একতায়  
মত্তমাতঙ্গেরে রাখে বাঁধিয়া হেলার”,  
এ কথা বালক-বৃদ্ধ সকলেই জানে ;  
তথাপি একতাবন্ধ কেহ নাহি হবে ।  
তাই জেনে, শুনে, দেখে, পিতার আদেশে  
বসেছিলাম আত্মনাশে তপস্বী করিতে ।  
পেয়েছিলাম ইষ্টবর কিন্তু ভ্রমে পড়ি—  
কাঞ্চন ফেলিয়া কাচ অঞ্চলে বাঁধিলাম ।  
বিনিময়ে শাপে হ’ল বর,  
নিদ্রিত দেবতাগণে জাগ্রত করেছি,  
ল্যাঙটা সেই দিগন্তরে পরায়ে বসন,  
গৌরীমালা গলে দিয়া সংসারী করেছি ।  
তাঁরি পুত্র আজ তুমি এসেছ বধিতে,  
অত্যাচারী—রাজ্যহারী দানব বলিয়া ?  
এই কিহে বিনিময় তার ?  
এই কিহে প্রতিদান মোর ?  
কাষ নাই বৃথা বাক্যব্যয়ে,  
হান বাণ—যথা ইচ্ছা দেব !  
দেহ-অস্ত্রে পাই যেন চরণে আশ্রয়,  
অধীনের এইমাত্র দীন অমুরোধ ।

কার্ত্তিক । নহে অমুরোধ প্রিয় !  
কহ অকপটে কিবা তব অভিপ্রায় ?

ভারক । জন্ম-মৃত্যু-জরা-ব্যাদি হ'তে  
 মুক্তি যেন পাই, আর চাই—  
 যখন সে অধিকার করিলে প্রদান ।  
 শোন দেব ! মোহগ্রস্ত জগৎ-হৃদয়ে  
 নবশক্তি করিয়া সঞ্চার,  
 জগদ্ধাত্রীরূপে নব চৈতন্য জাগারে,  
 এনে দাও প্রতি জীবে নূতন জীবন,  
 এইমাত্র অধীনের কাজক্ষণীয় প্রভু !  
 ব্রহ্মা, বিষ্ণু, মহেশ্বর !  
 সৃষ্টি, স্থিতি, প্রলয়ের রাজা !  
 ত্রিশক্তি মিলিয়া আজ একত্র হয়েছ,  
 সর্বশক্তি সমন্বয়ে—  
 গড়িয়া তুলেছ এই নবশক্তিদধে ।  
 প্রণমি চরণে প্রভু ! করহ আশীষ,  
 জ্ঞানহীন আমি—চাহি যুক্তকরে  
 পুনর্জন্ম হ'তে মোরে করহ উদ্ধার ।

কার্তিক । মুক্তির সন্ধানে তব শক্তি অস্ত্র নামে  
 এই আমি হানিলাম বাণ ; মুক্তিপ্রিয়  
 হে সাধক ! চিরতরে লভহ বিশ্রাম ।  
 হোক দেহ অবসান,  
 কিন্তু নাম তব থাকুক অক্ষয় ;  
 অক্ষয় যাদের নাম তারাই দেবতা,  
 অহিংস যাদের ধর্ম তারাই মহান্ ।  
 [ বাণক্ষেপ, ভারকের দেহত্যাগ ও শূন্যে অন্তর্ধান ]

( ইন্দ্রের প্রবেশ )

ইন্দ্র । এস বীর ! এস পুত্র সংহারীর !  
 স্বর্গসিংহাসন আর শূন্য কেন থাকে ?  
 কনকপবিজয়ীরূপে

স্বর্গধামে নবশক্তি করিয়া সঞ্চার,  
আলো কর রাজসিংহাসন !  
পাপ-তাপ দূরে চ'লে যাক্,  
পুণ্যকর—স্বর্গ-মর্ত্য-রসাতল,  
পূর্ণকর কুবের ভাণ্ডার,  
ধন্য হোক্ অমর জীবন ।

কার্তিক । একি কথা হে রাজন !  
রাজ্যভার শাসনের তরে  
হয় নাই জনম আমার ।  
শিষ্টের পালন আর দুষ্টের দমন  
ধর্মের বিজয়কীর্তি করিতে স্থাপন,  
যুগে যুগে অবতীর্ণ হন অবতার ।  
আমি উপলক্ষ্য তার,  
জয়মালা করে—এসেছি অর্পিতে শিরে,  
সমাদরে লহ তুমি রাজা ! জেনো স্থির,  
স্বর্গলক্ষ্মী সততই অধীন তোমার,  
দেবরাজ—চিরদিনই থাকে দেবরাজ ।

( ব্রহ্মা, বিষ্ণু, নিয়তি ও দেবসেনার প্রবেশ )

বিষ্ণু । ধন্য, ধন্য হে কুমার !  
স্বর্গরাজ্য নিরাপদ তুমিই করিলে ।  
তোমা হ'তে স্বর্গের রাজসিংহাসন,  
সত্যই হইল আজ চির নিষ্কণ্টক ।

ব্রহ্মা । প্রিয়তম ! ত্রিলোকের আনন্দদুলাল !  
একাধারে উদারতা, বীরত্ব, সাহস  
হে শঙ্কুসম্ভব ! তোমাতেই সম্ভবে কেবল ।  
ষোগ্যতার বিনিময় কি দিব তোমাগ্ন,  
রাখিয়াছি সমাদরে করিয়া সৃজন,

পবিত্র নিৰ্মাল্য সম মানসতনয়া  
 চিরজ্যোতিৰ্ময়ী এই নাম দেবসেনা,  
 তোমারি পবিত্র করে করিতে অর্পণ ;  
 লহ করে করে,—এস প্রিয়ধন !  
 স্বরগের সিংহাসনে বসায়ে বাসবে,  
 পুনঃ ধ্যানে—বসি যোগাসনে  
 সৃষ্টির সৌন্দর্যকল্পে থাকি নিমগন ।

এস হে বাসব ! বিশ্বামের নাহি অবসর ;  
 নবরাজ্য করিতে গঠন,  
 প্রয়োজন—প্রাণপাত শুধু পরিশ্রম ।

[ সকলের প্রস্থান ]

পট পরিবর্তন ।

অমরাবতী ।

মহাদেব, পার্শ্বতী, চন্দ্র, সূর্য্য ও  
 শচীদেবী আসীন ।

মহাদেব । প্রিয়ে ! ওই শুন শঙ্করানি,  
 হইয়াছে রণ অবসান ;  
 বিজয়ীসন্তান তব সহাস্ত্র আননে  
 উড়ায় কীর্তির ধ্বজা—জাতীয়পতাকা,  
 ধেয়ে আসে ব্রহ্মা, বিষ্ণু, বাসবের সনে ।

পার্শ্বতী । বিশ্বপতি ! সে কীর্ত্তি কি পুত্রের আমার ?  
 ব্রহ্মা, বিষ্ণু শক্তিদ্বয় সৃষ্টি-স্থিতিক্রমে  
 রক্ষাকবচের মত ঘিরিয়া রেখেছে,

তাই আজ অক্ষতশরীরে—  
 ফিরে আসে পুত্র যোর বিনাশি' দানবে ।  
 এস সতী রাজরাণী, এস দেবেজ্ঞানী !  
 হাতে শাখা—সীমস্তে সিন্দূর রাধি,  
 আলো ক'রি বামপার্শ্ব পতিদেবতার,  
 প্রজার মঙ্গলচিন্তা, সাম্রাজ্যের হিত  
 শক্তি তুমি, জাগাইয়া রেখো প্রাণে তার ;—  
 ভাগ্যবতি ! এই শুধু করি আশীর্বাদ ।

শচী । ( গলবস্ত্রে—নতজামু হইয়া )  
 “সর্বমঙ্গলমঙ্গল্যে শিবে সর্বার্থসাধিকে !  
 শরণ্যে ত্র্যম্বকে গৌরি নারায়ণি নমোহস্ত তে !!”  
 বিশ্বের মঙ্গলময়ী জগদ্ধাত্রী মা !  
 কাম, ক্রোধ, লোভ, মোহ, মদ ও মাৎসর্য্যে  
 কেবা পারে করিতে দমন ? হেন শক্তি  
 দিয়েছিলে কভু কি তনয়ে ? কিন্তু  
 মা ভবানি ! পাইয়াছি আশীর্বাদবাণী,  
 আজি হ'তে সাধ্যমত থাকিব সতর্ক,  
 ভবিষ্যতে যাতে তিনি—  
 লক্ষ্যভ্রষ্ট নাহি হন আর ।

স্বর্ঘ্য  
 হাস সতী ! হাস,  
 হাসিবার এসেছে সময় ;  
 আমি জানি—নহ দেবি ! তুমি কলঙ্কিনী ।  
 দানবের হৃদ্যস্ত প্রতাপ  
 শুধু কি যন্ত্রণা দেছে তোমারি অন্তরে ?  
 রেখেছিল বাধিয়া দুয়ারে ..  
 সাক্ষীরূপে দ্বাররক্ষী করিয়া আমারে ।  
 আমিও কেঁদেছি কত,  
 কিন্তু কোনমতে পাই নি নিস্তার ।

আজি মুক্তকণ্ঠে করি আশীর্বাদ,  
 জন্ম জন্ম সীমন্তে সিদ্ধুর দিয়া  
 ধন্য কর - স্বরগের রাজসিংহাসন ।

চন্দ্র । মুক্ত আজ বৈজয়ন্ত ধাম,  
 মুক্ত আজ নন্দন কানন,  
 মুক্ত বায়ু, মুক্ত ও বরুণ  
 চিরমুক্ত মুক্তিক্ষেত্রে মুক্তি বিতরণিতে  
 প্রকৃতি হৃদয়ে পাতে শান্তির আসন ।  
 ওঁ শান্তি, ওঁ শান্তি, ওঁ শান্তি ।  
 মহাদেব । ওঁ স্বস্তি, ওঁ স্বস্তি, ওঁ স্বস্তি ।

( গাহিতে গাহিতে নিয়তির প্রবেশ, তৎসঙ্গে  
 ব্রহ্মা, বিষ্ণু, ইন্দ্র, কার্ত্তিক, ও  
 দেবসেনার আগমন )

( গীত )

নিয়তি । আজি, আসিছে ভাসিয়া ফুলেরি গন্ধ,  
 আসিছে ভাসিয়া সুখ !  
 নিভিয়া গিয়াছে শোক, তাপ, জ্বালা  
 ডুবিয়া গিয়াছে দুঃখ !!

আজি, আলোকে বাতাসে রঙিন ফোয়ারা,  
 দিশি দিশি ঝরি' পড়ে মধুধারা,  
 জাতীয়পতাকা ল'য়ে এস স্বরা  
 হাসিতে ভরিয়া বুক !

ওগো, কাঁদিও না আর, মজিও না আর  
 মাঝামোহে দাও থুক !!

স্বৈর্য্যে সুরেক—                      ধৈর্য্যে পৃথিবী  
হইতে শিখিও সবে !  
আনিও করুণা                      জীবে বিতরিতে  
ডাকিও সতত শিবে !!

আজি, মঙ্গলদীপ                      জাল' ঘরে ঘরে  
করিও না আর চুক !  
ওগো, কাঙ্গাল দেশের                      কাঙ্গাল সেবক  
মরিছে জঠরে ভুক !!

মহাদেব । হে দেবেন্দ্র ! ওই বাজে মিলনের বাণী ;  
ল'য়ে শচীদেবী বামে ব'স সিংহাসনে,  
রেখো মনে,  
প্রজামুরঞ্জনে রাজা—এই তত্ত্ব সার ।

নিয়তি । রাজা নহে কৌতুক পদবী,—  
রাজছত্র নহে শোভা তরে ;  
রাজসিংহাসন ত্রায়ের আসন,  
শৃঙ্খল সমান সদা বিবেক বিহীনে ।

ইন্দ্র । ( পদতলে বজ্র রাখিয়া )  
প্রজার সন্তোষ করিব বিধান,  
সে শক্তি কোথায় আর ? কুত্তিবাস !  
নিজহস্তে ক'রেছি যে সকল বিনাশ ;  
হাত হ'তে বজ্র খ'সে পড়ে,  
কাঁপে কায়, ভায়া হয় মুক,  
শ্রবণ বধির তীর অমৃতাপানলে ।

নিয়তি । আমি দিব সে শক্তি তোমায়,  
বৃথা নাহি কর অমৃতাপ ।

- ব্রহ্মা । দেবরাজ ! আক্ষেপের সময় অতীত ;  
কর্মভূমি করিতে গঠিত, দৃঢ়হস্তে  
ধর বহু, স্থলিত না হয় যেন আর ।
- বিষ্ণু । এই যুগসন্ধিক্ষণে মিলন আস্থানে,  
প্রয়োজন—সত্য উত্তম, স্বস্তি ধর্ম  
অনুরাগ, বৃথা তর্কে—বিনা প্রতিবাদে  
নীরবে—নির্ভীকচিত্তে লক্ষ্যে আত্মদান,  
এইমাত্র কর্তব্য প্রধান ।  
যাও বৎস ! সিংহাসনে কর আরোহণ ।
- ইন্দ্র । সমগ্র দেবতা মিলি  
স্বক্কে যদি দেন তুলে পুনঃ গুরুভার,  
অক্ষয় অযোগ্য হ'য়েও করিলাম পণ,  
আজি হ'তে নতশিরে করিব পালন,  
প্রত্যেক আদেশ—প্রতি অক্ষরে অক্ষরে ;  
বলুন কিঙ্করে—কি আদেশ মোর প্রতি ?
- কার্তিক । আমি বর্তমানে হে দেবতাগণ !  
নিখিল কার্যের ভার আমারি উপরে ।  
সর্বশক্তি সমন্বয়ে ক'রেছ সৃজন,  
শুধু কি তারকাসুরে নিহত করিতে ?  
তুমি রাজা,—হিতৈষী প্রজার,  
প্রজাও রাজার চির আঞ্জাবাহী দাস,  
উভয়ের অকপট আদানপ্রদানে  
রাজ্যের সুদৃঢ় ভিত্তি,—সদা সুমঙ্গল ।  
রাজদণ্ড ধরি' দৃঢ়করে—  
আমারে আদেশ কর,  
ব'লে দাও—কোন্ পথে যাব,  
কি করিব সেথা গিয়ে ?

( ইন্দ্র হতাশবিস্ময়ে কিংকর্তব্যবিমূঢ় হইলেন )



বিষ্ণু ।

যাও বীর ! যাও ধরাধামে ; ধরাধাম  
 সর্বাপেক্ষা বিপন্ন এখন । মনে রেখো  
 অনুক্ষণ, তাহাকেই আশ্রয় করিমা  
 স্বর্গ, মর্ত্য, রসাতল জীবিত ত্রিলোক ।  
 দীক্ষা তব যেই উচ্চ ব্রতে, শিক্ষা তব  
 যে মহা-আদর্শে, ত্যাগীশ্রেষ্ঠ ! সেথা গিয়া  
 করহ স্থাপন—স্বাধীন বিজয়ধ্বজা,  
 একমাত্র ধর্ম যাহা নশ্বরজীবনে ।  
 শুন কহি—বর্ণাশ্রম প্রতিষ্ঠাকারণ,  
 ব্রাহ্মণ, ক্ষত্রিয়, বৈশ্য, শূদ্রজাতি মিলি  
 নবযুগ, নবশক্তি, নব জাগরণে  
 নূতন প্রেমের আলো জাতীয়জীবনে  
 প্রতিজীবে জাগাইয়া দিয়া, কর বৎস !  
 নব প্রতিষ্ঠান ; জাতি-ধর্ম-নির্কিশেবে  
 জনে জনে সথাক্রমে দিয়া আলিঙ্গন,  
 সমপ্রাণে আর্ধ্যধর্মে দীক্ষিত করিয়া,  
 আর্ধ্যজাতি—ভারতের আদি সভ্যজাতি,  
 তাহারি পবিত্র স্মৃতি বন্ধেতে ধরিয়া  
 গাও সবে তারস্বরে মিলনের গান,  
 মধুময় কর সে জগত,  
 সার্থক হউক নাম—লীলা অবসান ।

কার্ত্তিক ।

লীলাময় ! নারায়ণ !  
 প্রতি জীবে তোমারি যে অক্ষত আসন ;  
 যাহারে যেমন তুমি করিবে চালিত,—  
 সেইমত কর্মভূমি হইবে গঠিত,  
 আমি দাস—আমি সেবক তোমার ।

## দেবলীলা

( উভয়দিক্ হইতে পতাকা ও শঙ্খহস্তে অগ্নি ও নারদের  
গাহিতে গাহিতে প্রবেশ )

( গীত )

অগ্নি ও নারদ । মঙ্গল কর মঙ্গলময় !

বাজাও শঙ্খ উড়াও নিশান

ঘুচিবে দুঃখ—ঘুচিবে ভয় !

মঙ্গল কর মঙ্গলময় !!

জগতে মোদের কি আছে অভাব,

নাহি আছে সুখ, নাহি আছে ভাব,

শুধু হাহাকার শূন্য আধার,

নীরব গরিমা—দীপ্তিচয় !

মঙ্গল কর মঙ্গলময় !!

এখনো হাসিছে রবি-শশী-তারা,

এখনো র'য়েছে ঘরে স্ত-দারা,

হারাবে কেবল স্মৃতি, ধৃতি, বল

মিছে করি দিনক্ষয় !

মঙ্গল কর মঙ্গলময় !!

এখনো র'য়েছে গাছে ফুল ফল,

এখনো র'য়েছে ভাত-কুটি জল,

এখনো পাইবে লইলে কুড়ায়ে

সাধনে শান্তি—করমে জয় !

মঙ্গল কর মঙ্গলময় !!

যবনিকা পতন ।









